

# SAN LUCAS

Lucas, opu Teófilo wáikugure gojadea

**1** <sup>1-2</sup>Opu Teófilo, yu muré óadorea. Gua watopere Jesús irinugádeare iānerā guare ígüya kerere buema. Wárā gajirā, ígüsā guare buederosüta keoro gojanugásianerā āarímá. <sup>3-4</sup>Yude āarípereri Jesús irinugádeare masípeodugau, óarō buebu. Irasirigu muré gajirā buedeare: “Diyeta āārā”, āri masiburo, ārígü, irire keoro gojáa.

**Marípure wereboegu Juan masakare wáiyerimasü deyoaburire weredea**

<sup>5</sup>Herodes, Judea nikü marā opu āaríripoe sugu paí Zacarías wáikugu āaríyupu. Ígü, paí Abías wáikuguya bumā āaríyupu. Ígü marāpo Isabel wáikugo, paí Aarón wáikugu parāmeō āaríturiagogue āaríyupo. <sup>6</sup>Ígüsā pērāgueta Marípu iūrōre diayamaré irirā, Moisére doreri pídeadere tarinugābiriñurā. Irasirirā gajirā ígüsārē: “Nerí irirā āaríma”, ārimasíbiriñurā.

<sup>7</sup>Isabel pūrā marígono āaríyupo. Irasirirā pūrā marírāta, muñuakōñurā.

<sup>8</sup>Sunu Zacaríaya bumarārē Marípuya wiigue Marípu iūrō moārí āaríyuro. Irasirirā, ígü paíare iridorederosüta irirā írogue waañurā. <sup>9</sup>Irogue ejadero puru, ígüsā paía irinarosü Zacaríare sūrōrí soemubure beyebokañurā. Irasirigu Zacarías Marípuya wiima taribugue soemugü ñajáyupu. <sup>10</sup>Ígü irire soemuripoe iri taribu wirinugārōgue wárā masaka Marípure sērērā iriñurā.

<sup>11</sup>Ígü soemuripoe sugu Marípure wereboegu sūrōrí soemurō diaye gapu Zacaríare deyoayupu. <sup>12</sup>Zacarías ígürē íāgü, íāguka, nasirimasíbiriyupu. Buro güiyupu. <sup>13</sup>Ígü güimákü íāgü, Marípure wereboegu gapu āsü āriyupu:

—Zacarías, güibirikōāka! Marípu mu sērērírē pémi. Mu marāpo Isabel sugu majígü pūrākugokumo. Ígürē “Juan” wáiyeka! <sup>14</sup>Ígü merā buro usuyagukoa. Wárā gajirā ígü deyoamakü, usuyarākuma. <sup>15</sup>Ígü Marípu iūrōre ubu āarígü meta āarígukumi. Igui deko pāmurírē, siburidere neō iiribirikumi. Ígü deyoaburi dupiyurogueta Óāgü deyomarígürē opatarisiagukumi. <sup>16</sup>Wárā Israel bumarārē Marípure güñaduúnerārē dupaturi güñamakü irigukumi doja. <sup>17</sup>Marí Opu aaríburi dupiyuro Elías Marípuya kerere weredupiyudi werederosüta Óāgü deyomarígü turari merā masakare weregukumi. Pagusāmarā ígüsā pūrā merā óarō āaríburo, ārígü; tarinugārímasādere oparā dorerire óarō yujuburo, ārígü, Marípuare weregukumi. Irasirigu masaka marí Opu óarō usuyari merā bokatíríñeburo, ārígü, irire weregukumi, āriyupu Marípure wereboegu Zacaríare.

<sup>18</sup>Ígü irasü ārimákü pégu, Zacarías sērēñayupu:

—¿Nasirigu yu ire: “Diyeta āārā”, ārimasíbukuri? Yu buñurogora āārā. Yu marāpode búro āarímo, āriyupu.

<sup>19</sup>Ígü irasü ārimákü pégu, āsü āri yujuyupu:

—Yu Marípure wereboegu, Gabriel wáikugu, Marípu puro āarígü āārā. Ígüta yare iriuami, muré i óārí kerere weredoregu. <sup>20</sup>Dapagorare yu wererire mu buremubiri waja, wereníbi dujagukoa. Mu magü deyoadero puru, werenígukoa doja. Marípu: “Irasü waaburo”, ārimákü, yu muré ārāderosüta waarokoa, āriyupu Gabriel Zacaríare.

<sup>21</sup>Īgū irasū ārī wereripoere masaka, iri taribu wirinugārōgue āārīrā Zacariare yūrā iriñūrā. “¿Naasū waayuri, ĩgū iropa yoaripoe deymarīgū?” ārī gūñañūrā. <sup>22</sup>Zacariyas iri taribugue āārādi wirijagu, ĩgūsārē weredwagu, neō werenímasībiriyo. Irasirigu ĩgūya mojōrī merā irikeoyu. Masaka, ĩgū irasirimakū iārā: “Iri taribugue Marīpū ĩmuadeare ĩgukakōākumi”, ārī gūñañūrā.

<sup>23</sup>Zacariyas Marīpūya wiigue Marīpū ĩūrō moārīrē irīpoe, ĩgūya wiigue goedujáakōāyu. <sup>24</sup>Pūru ĩgū marāpo Isabel nijīpo āārīnugāyu. Su mojōmarā abe neō wiriro marīrō igoya wiigue āārīkōāyu. <sup>25</sup>Āsū ārī gūñayupo: “Marīpū, yu pūrā marīgō āārīdeore iritamugū irasū yāmi, masaka yure ĩābēobirikōāburo, ārīgū”.

#### Marīpūre wereboegu Mariare Jesús deyoaburire werede

<sup>26</sup>Isabel nijīpo āārīnugādero pūru, su mojōma pere gajī mojō suru pērēbejari abe waarō merā Marīpū ĩgūrē wereboegu Gabriere Galilea nikūma makā Nazaret wāikuri makāgue, <sup>27</sup>sugo nomeō María wāikugo, neō sugū ũmūu merā āārībeo pūroge iriyo. Igo, José wāikugu opu David parāmi āārīturiagu merā marāpukubo iriyo. <sup>28</sup>Gabriel, igo āārīrōgue ñajāa, igore: —Mūrē oādorea. Marīpū mūrē oārō irīgu āārīmi. ĩgū marī Opu mū merā āārīmi. Āārīpererā nome nemorō mūrē oārō iritarinugāgukumi, ārī oādoreyo. <sup>29</sup>María, ĩgūrē ĩāgō, ĩgū irasū ārīrīrē pégo, pégukakōāyu. “¿Naasū ārīdwaro irikuri ĩgū yure oādereri?” ārī, būro gūñayupo. <sup>30</sup>Igo gukamakū ĩāgū, Marīpūre wereboegu āriyo:

—María, guibirikōāka! Marīpū ĩūrōrē mū oārī bokabu. Mū merā ũnyami. <sup>31</sup>Irasirigo mū dapagorare nijīpo āārīnugāgokoa. Sugū majīgū pūrākugokoa. ĩgūrē “Jesús” wāiyegokoa. <sup>32-33</sup>Īgū ubu āārīgū meta āārīgukumi. Marīpū āārīpererā nemorō turagu, ĩgūrē: “Yu magū āārā mū”, ārīgukumi.

David, mū magū ñekū, Israel bumarā opu āārīdi āārīmi. Marīpū Davire opu pīderosūta mū magūdere Opu pīgukumi Israel bumarārē dorenībure. ĩgū doreri neō perebirikōa, āriyo.

<sup>34</sup>Īgū irasū ārīmakū pégo, María ĩgūrē sērēñayupo:

—¿Nasiriro yure irasū waabukuri, yu neō sugū ũmūu merā āārībikeremakū? āriyo.

<sup>35</sup>Igo irasū ārīmakū pégu, āsū āriyo:

—Ōāgū deymarīgū mūguere dijariyugumi. Marīpū āārīpererā Opu turari, su ĩmikāyebō túbīaro irirosū ejarokoa mūrē. Irasirigu mū magū deyoabu, Marīpūyagu oāgū āārīgukumi. Masaka ĩgūrē: “Marīpū magū āārīmi”, ārīrākuma. <sup>36</sup>Mū basudeo Isabede, būro āārīkerego, sugū majīgū pūrākugokomo. Masaka igore: “Pūrā marīgō āārīmo”, ārīkeremakū, su mojōma pere gajī mojō suru pērēbejari abegora opasiamo. <sup>37</sup>Marīpūre ĩgū iridwari, neō diasabea, āriyo.

<sup>38</sup>Īgū irasū ārīmakū pégo, María āriyo:

—Yu marī Opu moāboego āārā. Marīpū, mū ārīrōsūta iriburo yure, āriyo.

Igo irasū ārādero pūru, Marīpūre wereboegu waakōāyu.

#### María Isabere ĩāgō waadea

<sup>39</sup>Irinurīta María mumurō merā Judea nikū ũtāyuku watopegue āārīrī makāgue waayupo. <sup>40</sup>Iroge eja, Zacariaya wiigue ñajāa, Isabere oādoreyo. <sup>41</sup>Igo oādererire pémakū, Isabel magū igoya patoregue āārīgū būro gāmeñayupo. Igo, Ōāgū deymarīgūrē opatariyo. <sup>42</sup>Irasirigo turaro merā āsū āriyo:

—Marīpū āārīpererā nome nemorō mūrē oārō iritarinugāmi. Mū magūdere oārō yāmi. <sup>43</sup>Mū, yu Opu pago yure ĩāgō ejamakū oātaria. <sup>44</sup>Mū oādererire yu pémakūta, yu magū yaa patoregue āārīgū būro ũnyari merā gāmeñami. <sup>45</sup>Marīpūre wereboegu mūrē wereadeare: “Keoro waarokoa”,

ārī būremusīā, ōārō usuyari merā āārā,  
ārīyupo Isabel Mariāre. <sup>46</sup>Irasirigo  
Mariā āsū ārīyupo:

Yaa yūjūpūrāgue yū Opure:

“Ōātaria mū”, āri, usuyari sīa.

<sup>47</sup> Marīpū yure taugu merā būro  
usuyāa.

<sup>48</sup> Yū ubu āārīgō āārīkeremakū,  
Marīpū yure īgūrē moāboogore  
gūñami. Irasirirā dapagora merā  
masaka yure: “Marīpū igore  
ōārō iridea merā būro usuyadeo  
āārīmó”, ārīnīkōārākuma.

<sup>49</sup> Marīpū turatarigu yure wāri ōārīrē  
yāmi. Īgū ōatarigu, neō ñerī opabi  
āārīmi.

<sup>50</sup> Āārīpererā goepeyari merā īgūrē  
būremurārē bopoñanīkōāgukumi.

<sup>51</sup> Īgū turari merā wāri ōārīrē iri  
īmumi. “Gua gajirā nemorō  
āārā”, āri gūñarānorē ubu āārīrā  
dujamakū yāmi.

<sup>52</sup> Oparārē ubu āārīrā dujamakū yāmi.  
Ubu āārīrā: “Gajirā nemorō  
āārībea”, āri gūñarā gapure oparā  
dujamakū yāmi.

<sup>53</sup> Ūboarimasārē wāri ōārī sīmi. Wāri  
oparā gapure neō gajino opamerā  
dujamakū yāmi.

<sup>54-55</sup> Marī ñekūsāmarārē: “Iritamugura”,  
ārīderosūta Abrahārē, īgū  
parāmerā āārīturiarādere  
iritamunīkōāmi. Irasirigu  
marī Israel bumarārē, īgūrē  
moāboerārē īgū ārīdeare neō  
kātiro marīrō bopoñarī merā  
iritamunīkōāmi, ārīyupo Mariā.<sup>a</sup>

<sup>56</sup> Mariā, Isabel merā ūrerā  
abegora āārīyupo. Pūru īgoya wiigue  
goedujāakōāyupo.

#### Juan masakare wāyerimasū deyoadea

<sup>57</sup> Pūru Isabel majīgū deyoarinopoe  
nijīwāgūdero pūru, īgo magū deyoayupu.

<sup>58</sup> Irasirirā īgo pūro āārīrā, īgoyarā,  
Marīpū igore ōārō iridea kerere pérā,  
igore usuyatamurā waañūrā. <sup>59</sup> Īgo  
magū deyoadero pūru, su mojōma  
pere gajī mojō ūreru pērebejarinārī  
waarō merā majīgūrē īgūya dupuma  
gasirogārē<sup>b</sup> wiirirā waañūrā. Īgūrē īgū  
pagu “Zacariās” wāirē wāiyeduadiñūrā.

<sup>60</sup> Isabel gapu īgūsārē:

—Āārībea. Īgū: “Juan” wāikugukumi,  
ārīyupo.

<sup>61</sup> Īgo irasū ārīmakū pérā, igore:  
—ĀNasirigu irasū wāikubukuri? Neō  
muyarā irasū wāikurā máma, ārīñūrā.

<sup>62</sup> Irasirirā Zacariāre: “ĀMū naásū  
wāiyeduakuri?” ārīrā, mojōrī merā  
irikeo, sērēñañūrā. <sup>63</sup> Irasirigu Zacariās  
su taboa majī sērē, iri majīgue:

—“Juan wāikugukumi”, āri gojayupu.

Īgū gojarire īārā, gūkakōāñūrā. <sup>64</sup> Irire  
gojaguta Zacariās werenībi āārādi  
werenīakōāyupu doja. Irasirigu  
Marīpūre: “Ōātaria mū”, āri, usuyari  
sīyupu. <sup>65</sup> Āārīpererā Zacariās  
pūro āārīrā, īgū werenīmakū pérā,  
gūkakōāñūrā. Āārīpererogore Judea nikū  
marā ūtāyuku watopegue āārīrārē Juan  
deyoadeare wereñūrā. <sup>66</sup> Īgū deyoadea  
kerere pérā, āārīpererā gūña, āsū āri  
gāme sērēñañūrā:

—Īī majīgū būguro waagú, ĩnaásū  
āārīrikugukuri Marīpū turari merā  
deyoadi? ārīñūrā.

#### Zacariās Marīpūre bayapeodea

<sup>67</sup> Zacariās, Ōāgū deyoarīgūrē  
opatarigu Marīpū īgūrē weredorerire  
āsū āri wereyupu:

<sup>68</sup> Marīpūre Israel bumarā Opure  
usuyari sīrā! Marī īgūyarā  
pūrogore marīrē taugu aarīmi.

<sup>69</sup> Irasirigu marīrē taubure turatarigūre  
iriugukumi. Īgū, David Marīpūre  
moāboerimasū āārīdi parāmi  
āārīturiagūgue āārīmi.

<sup>b</sup> 1.59 Gn 17.1-14: Iripogore Marīpū Abrahārē īgū pūrā ūmarē: “Yaara āārīburo”, ārīgū, īgūsāya dupuma  
gasirogārē wiiridoredi āārīmi. Pūru iri dorerire Moisére pídi āārīmi. Irasirirā judío masaka Abraham  
parāmerā āārīturiarā iri dorerire irirā, īgūsā pūrā ūmarē su mojōma pere gajī mojō ūreru pērebejarinārī  
waarō merā īgūsā deyoadero pūru irasū yāma.

<sup>a</sup> 1.54 1 S 2.1-10; Sal 113.5-9; Gn 17.7

- <sup>70</sup> Iripoegue Marīpu, ĩgūya kerere weredupiyurimasā ñerī marīrā merā marīrē tauburire āsū āri weredi āārīmī:
- <sup>71</sup> “Āārīpererā musārē ĩaturirārē, wajarākūrārē, musārē tariweremakū irigura”, āri weredi āārīmī.
- <sup>72</sup> Irasirigu marī ñekūsāmarārē: “Musārē bopoñarī merā ĩāgū, ōārō irigura’, ārideare neō kātibirikoa”, āri weredi āārīmī.
- <sup>73</sup> Irire Marīpu marī ñekū Abrahārē weredi āārīmī.
- <sup>74</sup> Irasirigu marīrē ĩaturirārē wĳatagukumi, güiri marīrō ĩgū dorerire iritayaburo, ārīgū.
- <sup>75</sup> Āārīperero marī okaro bokatiūrō marīrē ĩgūyarā, diayemarē irirā āārīmakū irigukumi, āriyupu Zacarías.
- Irasū āri odo, ĩgū magūgārē āriyupu:
- <sup>76</sup> Makū, masaka mūrē: “Marīpu āārīpererā nemorō turaguya kerere weredupiyurimasū āārīmī”, ārirākuma. Mu, marī Opu aariburi dupiyuro ĩgū aariburi maarē diayema maa āmugū irirosū ĩgūyare weregu waagukoa.
- <sup>77</sup> Marīpuyarārē āsū āri weregukoa: “Marīpüre: ‘Gua ñerō irideare kātika!’ āri sērēmakū, musārē kātigukumi. Irasirigu musārē perebiri peamegue waabonerārē taugukumi”, ārīgukoa.
- <sup>78</sup> Marīpu marīrē bopoñarī merā maĩsīā, ũmu, maamanu boyoro irirosū waamakū irigukumi, ũmugasigwe merā marīrē taubure iriugu.
- <sup>79</sup> Naĩtārōgue āārīrārē boyori sigukumi perebiri peamegue waabonerārē ĩgūrē masĩburo, ārīgū. Irasirigu marīrē ĩgū merā ōārō siñajārī bokamakū irigukumi, āri wereyupu Zacarías.<sup>c</sup>
- <sup>80</sup> Majīgū ōārī gūñarī merā, Marīpu turari merā masāyupu. Masaka

marīrōgue yoaripoe āārīyupu. Iroque āārīgūta Israel bumarārē buenugāyupu.

### Jesus deyoadea

(Mt 1.18-25)

**2**<sup>1</sup> Marīpu magū deyoaburi dupiyuro romano marā opu Augusto wāikugu ĩgūya nikū marārē āārīpererārē keoñabu, ĩgūsā wāirē gojatúdoreyupu. <sup>2-3</sup> Irasirirā āārīpererā masaka ĩgūsā ñekūsāmarā deyoadea makārīgue ĩgūsā wāirē gojatūrā waañurā. Siria nikū marā opu Cirenio wāikugu āārīpoe gojatúnugāñurā.

<sup>4</sup> Irasirigu Joséde, Galilea nikūma makā Nazaregue āārādi, Judea nikūma makā Belégue waayupu. Belén, David deyoadea makā āārīyuro. ĩgū, David parāmi āārīturiagu āārīsīā, iroque waayupu. <sup>5</sup> ĩgū marāpo āārībo María merā ĩgū wāirē gojatūgu waayupu. María gapu nijipo āārīyupo. <sup>6</sup> Irasirigo iroque āārīgō, nijīwāgūyupo. <sup>7</sup> Kārīri wĳ uturimakū ĩā, José, María merā wekua wĳgue kārīrā waañurā. Iri wĳgue María neō pūrākubeo āārīdeo, majīgū pūrākunugāyupo. ĩgū deyoamakū, suri gasiri merā ōma, wekua baari korogue ĩgūrē sāyupo.

### Marīpüre wereboerā oveja korerimasārē deyoadea

<sup>8</sup> Belén turogue ovejare korerimasā āārīñurā. Ñamiriku iroque dita ĩgūsāyarā ovejare koreboyoanañurā. <sup>9</sup> Iroque ĩgūsārē gūñaña marīrō sugu Marīpüre wereboegu deyoayupu. ĩgū deyoamakū, Marīpu gosesiriri ĩgūsārē boyoyuro. Irasū waamakū ĩāguka, buro güiñurā. <sup>10</sup> Marīpüre wereboegu āsū āriyupu ĩgūsārē: —Güibirikōaka! Musārē ōārī kerere āirigu yāa, āārīpererā masaka usuyaburire. <sup>11</sup> Dapagā ñami, David deyoadea makāguere musārē taubu deyoami. ĩgū Marīpu iriudi, Cristo musā Opu āārīmī. <sup>12</sup> Musā majīgūrē ĩārā waarā, suri gasiri merā ōmadire, wekua

<sup>c</sup> 1.79 Mal 3.1; Is 9.2

baari korogue sãñagürê bokajarãkoa. Irasirirã ìgürê ìarã: “Diyeta àarãñumi”, àrìrãkoa, àrìyupũ.

<sup>13</sup>Ìgũ irire àrìriipoeta gajirà wárã Marìpũre wereboerã deyoa, Marìpũre bũremurã àsũ àrì bayañurã:

<sup>14</sup>Marìpũ ùmugasigue àarìgürê:  
 “Òataria mũ”, àrì, usuyari sirã!  
 I ùmugue ìgũ merã òarò àarìrã  
 siñajãrì opaburo, àrì bayañurã.

<sup>15</sup>Marìpũre wereboerã ùmugasigue mũriadero pũgũ, ovejare korerimasã ìgũsã basi gãme wereniñurã:  
 —Nãka, dapagorata Belégue! Marìpũre wereboegũ marìrê wereaderosũta ìarã waarã! àrìñurã.

<sup>16</sup>Irasirirã mumurò merã ìarã waañurã. Iroge eja, Josére, Maríare bokajañurã. Majìgũ gapũre wekua baari korogue sãñagürê ìañurã.

<sup>17</sup>Ìgürê ìarã, iro àarìrãrê Marìpũre wereboegũ majìgũyamarê wereadeare wereñurã. <sup>18</sup>Ìgũsã irire weremakũ pèrã, àarìpererã pégukakòãñurã.

<sup>19</sup>María gapũ àarìpereri ìgũsã wererire pègo, ìgoya yũjũpũrãgueta gũñadurìpìyupo.

<sup>20</sup>Ovejare korerimasã Marìpũre wereboegũ wereaderosũta àarìpereri ìgũsã péadea, ìadea keoro waamakũ ìarã, Marìpũre: “Òataria mũ”, àrì, usuyari merã goedujãakòãñurã.

#### Jesúre Marìpũya wiigue àideadea

<sup>21</sup>Pũru su mojóma pere gaji mojó ureru pèrèbejarinurì waaró merã majìgürê ìgũya dupũma gasirogãrê wiiriñurã. Wiiri odo, Marìpũre wereboegũ Maríare, igo nijipo àarìburo dupiyuro àrìderosũta ìgürê “Jesús” wãiyenurã.

<sup>22</sup>Pũru Moisés: “Àsũ irika ùmãurê pũrãkuadero pũru!” àrìdeare iripeo, José, María merã Jesúre Jerusalégue àiãñurã, Marìpũya wiigue Marìpũre: “Mũyagu àarìmi”, àrì ìmurã waarã.

<sup>23</sup>Irìre irirã, Marìpũ dorederosũta iriñurã. Àsũ àrì gojasũdero àarìbũ Marìpũ doreri gojadea pũgue:

“Àarìpererã ùma deyoapũrorirã Marìpũyarã àarìburo”, àrì gojasũdero àarìbũ. <sup>24</sup>Irasirirã José, María merã Jerusalégue Marìpũ dorederosũta irirã waañurã. Àsũ àrì gojasũdero àarìbũ doja: “Pèrã buja, o ìgũsã marìmakũ buja irirosũ deyorãgã pèrã sika, Marìpũ ìürò wējē soepeoburo, àrìrã”.

<sup>25</sup>Iripoere Jerusalégue sugu bũgũro Simeón wãikũgu àarìyupũ. Ìgũ òãgũ, Marìpũre bũremugũ àarìyupũ. Israel bumarãrê taugu aaribure yũgu iriyupũ. Òãgũ deyomarìgũ ìgũ merã àarìnikòãyupũ. <sup>26</sup>Iripoegue Òãgũ deyomarìgũ ìgürê àsũ àrì weredi àarìmi: “Cristo, Marìpũ iriubure ìãbita boabirikoa mũ”, àrìdi àarìmi.

<sup>27-28</sup>Jesúre ìgũ pagusãmarã Jerusalégue àijarinurê Òãgũ deyomarìgũ Simeóũ Marìpũya wiigue waadoreyupũ. Marìpũ dorederosũta Jesúre iri wiigue àijamakũ ìã, Simeón ìgürê kòã, Marìpũre usuyari sã, àsũ àrìyupũ:

<sup>29</sup>Yũ Opũ, mũ iripoegue àrìderosũta keoro yãa. Irasirigũ dapagorare yũ mũrê moãboegũ usuyari merã boamasã.

<sup>30</sup>Ìi majìgürê masakare taubure yaa koye merã ìãa.

<sup>31</sup>Ìgürê masĩdoregũ, àarìpererã masaka ìürògue iriubũ.

<sup>32</sup>Ìgũta judío masaka àarìmerãrê mũrê masĩmakũ irigũ, siãgori sìgũ irirosũ irigũkumi.

Àarìpererã masaka: “Marìpũ ìgũyarã Israel bumarãrê òarò iritamumi”, àrìrãkuma, àrìyupũ Simeón.<sup>d</sup>

<sup>33</sup>Simeón majìgũyamarê irasũ àrìmakũ pèrã, ìgũ pagusãmarã pégukakòãñurã.

<sup>34</sup>Simeón ìgũsãrê: “Marìpũ mũsãrê òarò iriburo”, àrì odo, Jesús pagore àsũ àrìyupũ:

—Ìi majìgũ Marìpũ beyedi àarìmi. Wárã Israel bumarã ìgürê bũremurã pèrebiri peamege bèodijusũrãkuma. Ìgürê bũremurã gapũ ùmugasigue àimũrìsũrãkuma. Marìpũ turari merã

<sup>d</sup> 2.32 Is 42.6; 49.6; 52.10

Īgū iri ĩmumakū ĩārā, wārā masaka ñerō werenĩrākuma ĩgūrē. <sup>35</sup>Irasiriri merā āārĩpererā masaka ĩgūsāya yujpūrārĩgue gūñarĩrē masĩsūrokoa. Mū gapu i merā mūya yujpūrārē sarerĩ majĩ merā saremakū pūrĩsūrōsū būro bujaweregokoa, ārĩyupu Simeón Marĩare.

<sup>36</sup>Gajigo Marĩpūya wiiguere Marĩpūya kerere weredupiyugode āārĩyupo. Igo Ana wāikūgo, Fanuel magō, Aser bumō, būro āārĩyupo. Maamogora marāpukudeo āārādĩmo. Puru, su mojōma pere gajĩ mojō peru pērēbejari bojori waarō merā igo marāpu boakōāyupu. <sup>37</sup>Irasirigo wapiweyo dujayupo. Īgūsā Jesūre Marĩpūya wiigue āĩjaripoere ochenta y cuatro bojorigora opayupo. Iri wiiguere ũmūriku, ñamirĩkū bererĩ merā Marĩpūre sērēnayupo. <sup>38</sup>Jesūre āĩjamakū ĩāgō, ĩgū purō aari ejanugā, Marĩpūre usuyari sĩyupo. Puru āārĩpererā Jerusalén marārē taubure yūrārē Jesūs deyoadeare wereyupo.

#### Nazaretgue goedujāadea

<sup>39</sup>José, Marĩa Jerusalégue āārānerā, Marĩpu dorederosūta āārĩpererĩ iripeo, Galilea nikū ĩgūsāya makā Nazaretgue goedujākōāñurā. <sup>40</sup>Irogue majĩgū turagu ōārō masĩgū masāyupu. Marĩpu ĩgūrē ōārō iritamuyupu.

#### Jesūs Marĩpūya wiigue waadea

<sup>41</sup>Bojorĩkū Jesūs pagusāmarā pascua bosenuĩ āārĩmakū, Jerusalégue waanañurā. <sup>42</sup>Jesūs pe mojōma pere su gubu peru pērēbejari bojori oparipoe ĩgūsā irinarōsū ĩgū merā iri bosenuĩ irogue taurā waañurā. <sup>43</sup>Iri bosenu tariadero puru, ĩgūsāya makāgue Nazaretgue goedujākōāñurā. Jesūs gapu Jerusalégue dujakōāyupu. ĩgū pagusāmarā ĩgū irogue dujarire masĩbiriñurā. <sup>44</sup>“Gajĩrā marĩ merāmarā merā aarikumi”, ārĩ gūñadiñurā. Puru Jerusalérē ĩgūsā wriadeanu ñamika āārĩmakū, ĩgūsā merāmarā watopegue ĩgūrē āmadiñurā. <sup>45</sup>Āma, ĩgūrē bokabiri, maa deko merāta gāme dujakōāñurā doja Jerusalégue āmarā waarā.

<sup>46</sup>Īrenu puru Marĩpūya wiigue Moisés gojadeare buerimasā watopegue doagure bokañurā. ĩgūsā werenĩrĩrē pé, ĩgūsārē sērēñanayupu. <sup>47</sup>Īgū masĩrĩ merā wererire, ĩgū ōārō yujarire pérā, āārĩpererā pégukakōāñurā. <sup>48</sup>Īgū irogue doamakū ĩārā, ĩgū pagusāmarā ĩāgukakōāñurā. Pago ĩgūrē ārĩyupo: —Maku, ĩnasirĩgu guare irasirĩari mu? Yu, mupu merā būro gūñarikuri merā mūrē āmaabu, ārĩyupo.

<sup>49</sup>Jesūs pagore āsū ārĩ yujnyupu: —ĩNasirĩrā yure āmaarĩ? Yurpyare yure iriro gāāmea ĩgūya wiiguere. ĩIri masĩberĩ musā? ārĩyupu.

<sup>50</sup>Īgū irasū ārĩrĩrē ĩgū pagusāmarā gapu pémasĩbiriñurā.

<sup>51</sup>Puru Jesūs ĩgūsā merā Nazaretgue goedujākōāyupu. ĩgū irinrōsūta ĩgūsā dorerire tarinugārō marĩrō yujnyayupu. ĩgū pago gapu āārĩpererĩ ĩgū Jerusalégue iriadeare igoya yujpūrāgue gūñadurĩpĩyupo. <sup>52</sup>Jesūs wārĩ masĩrĩ merā masāyupu. Marĩpu ĩgūrē: “Ōāgū āārĩmi”, ārĩ ĩayupu. Masakade āārĩpererā irasūta ārĩ ĩāñurā.

#### Juan masakare wāĩyerimasū budea (Mt 3.1-12; Mr 1.1-8; Jn 1.19-28; 8.31-47)

**3** <sup>1</sup>Pe mojōma pere su gubu pērēbejari bojori Tiberio wāikugu romano marā opu āārĩrĩ ñajādero puru, gajĩrā ĩgū dokamarā ĩsākū āārĩñurā: Ponce Pilato, Judea nikū marā opu āārĩyupu. Herodes, Galilea nikū marā opu āārĩyupu. ĩgū pagumu Felipe: Iturea, Traconite, pe nikū marā opu āārĩyupu. Gajĩgu Lisania, Abilinia nikū marā opu āārĩyupu. <sup>2</sup>Gajĩrā pérā: Anás, Caifás wāikurā paĩa oparā āārĩñurā. ĩgūsā oparā āārĩripoe Zacarĩas magū Juārē masaka marĩrōgue āārĩgārē Marĩpu ĩgūyare weredoreyupu.

<sup>3</sup>Irasirĩgu Juan āārĩperero dia Jordán wāikudiya turogue masaka irogue ejarārē:

—Musā ñerō irideare bujawereka! Musā gūñarĩrē gorawayu, wāĩyodoreka! Irasirĩmakū, musārē Marĩpu musā ñerō irideare kātĩgukumi, ārĩ werenayupu.

<sup>4</sup>Juan irire irigu, iripoegue Marīpuya kerere weredupiyudi Isaías gojaderosūta iriyupu. Āsū āri gojadi āārimī:

Masaka marīrōgue sugu būro gaguinīri merā weregukumi:

“Marī Opu aariburi dupiyuro ĩgū aariburi maaré diayema maa ōāri maa āmurā irirosū diayemarē irika!

<sup>5</sup>Dupa tūruri āārādeare yasurope piusūrokoa. Ūtāyuku āārādeade keoro dujarokoa. Maarī dupaberori āārādeade diayema maarī dujarokoa. Goberikuri maarīde su bāparogueta dujarokoa.

<sup>6</sup>Marīpu marīrē taubure iriumakū, āārīpererā masaka ĩārākuma”, āri gojadi āārimī.<sup>e</sup>

<sup>7</sup>Wārā masaka Juan pūroque wāiyedorerā ejañurā. Juan ĩgūsārē āriyupu:

—Musā āña irirosū ñerā āārā. ¿Noā musārē ōōguere aaridoreari? Marīpu, gūa ñerō iriri waja wajamoābirikōāburo, āirā, ¿musā yure wāiyedorerā aariri? <sup>8</sup>Musā: “Gua ñerō irideare bujawere, gūñarīrē gorawayuabū”, āirā, musā ñerō irideare piri, ōāri gapure irika! Musā: “Gua Abraham parāmerā āārīturiarā āārimakū, Marīpu guare wajamoābirikumī”, āri gūñabirikōāka! Yū musārē āsū ārā: “Musā gūñarīrē gorawayubirimakū, musā Abraham parāmerā āārīturiari waja maa. Marīpu i ūtāyeri merā Abraham parāmerā āārīturiarā waamakū irimasīmi!” <sup>9</sup>Musā ñerī iririre piribirimakū ĩāgū, Marīpu musārē béogukumi. Sugu yuku ñerī dukakūdire ĩā, kōme merā nugirīgue merāta diti, peamegue soebéorosū musārē béogukumi, āriyupu Juan.

<sup>10</sup>Īgū irasū ārimakū pérā, Juārē sērēñañurā:

—¿Guare nasiriro gāāmerī?

<sup>11</sup>Juan ĩgūsārē yujyupu:

—Sugu peñe surīro opagu, opabire suñe sīburo. Baari opagu, baari opabire dukawaburo, āriyupu.

<sup>12</sup>Gajirā romano marā oparārē niyeru wajaseabosarā, Juan pūro wāiyedorerā ejañurā. Īgūsāde Juārē sērēñañurā:

—Guare buegu, ¿guare nasiriro gāāmerī?

<sup>13</sup>Īgūsā irasū ārimakū, Juan āriyupu:

—Musā oparā musārē

wajaseadoreaderopata wajaseaka! Īgūsā doreadero nemorō wajaseabirikōāka! āriyupu.

<sup>14</sup>Gajirā surara Juārē sērēñañurā:

—¿Guakoare nasiriro gāāmerī? ārīñurā.

Īgūsā irasū ārimakū, āsū āri yujyupu:

—Gajirā oparire ēmabirikōāka! Īgūsārē niyeru ēmaduarā ārikatori merā ĩgūsā iribirideaguereta weresābirikōāka! Musā moā wajari merā usuyaka! āriyupu.

<sup>15</sup>Masaka: “¿Naāsū āārimakū Marīpu iriubu aarigukuri?” āri gūñarā iriñurā. Irasirirā, Juan wererire pérā: “¿Īi Juan, Cristo āārikuri?” āri gūñañurā. <sup>16</sup>Juan āārīpererā masakare āsū āriyupu:

—Yū musārē deko merā wāiyea. Gajigu yū pūgū aarigū, yū nemorō turagu āārimī. Yū gapū ubu āārigū, ĩgūrē neō sūropebirikoa. Īgū aarigū, musārē Ōāgū deyomarīgū merā, peame merā wāiyegukumi. Irasirigu musārē Ōāgū deyomarīgū musā merā āārīnimakū irigukumi, ñerīrē soebéorosū musārē ñerīrē béoburo, ārigū. <sup>17</sup>Trigo gasirire korobéogu irirosū āārimī. Gasirire koro odo, iri yerire baari duripiri wiigue duripīgukumi. Iri gasiri gapure peamegue soebéokōāgukumi. Iri peame neō yaribirikoa, āriyupu. <sup>18</sup>Juan gaji wāri irasū wereri merā masakare: “Āsū irika!” āri werenayupu. Irasirigu iri merā Marīpuya ōāri kerere werenayupu.

<sup>19</sup>Iriopere opu Herodes ĩgū pagumu Felipe marāpore Herodias wāikugore ēma, marāpokyupu. Iri waja, gaji wāri ñerō iridea waja, Juan ĩgūrē: “Mū irasirimakū ñetaria”, āri wereyupu. <sup>20</sup>Herodes, Juan wererire pérono irigu, ñerō irinemo, ĩgūrē peresu iriri wiigue sóodoreyupu.

<sup>e</sup> 3.6 Is 40.3-5

**Juan Jesúre deko merā wāiyedeá***(Mt 3.13-17; Mr 1.9-11)*

<sup>21</sup> Juan peresu iriri wiigke sóosüburí dupiyuro āārīpererā masaka īgū puro wāiyedorerā ejararē wāiyeyupū. Jesúde īgū purogue wāiyedoregū ejayupū. Juan īgūrē wāiye odomakū, Jesús Marīpūre sērēripoe ūmugasi tūpākōāyuro. <sup>22</sup> Ōāgū deyomarīgū, buja irirosū deyogu dijari, Jesús weka ejabejayupū. Marīpū ūmugasigie āārīgū āsū āriyupū Jesúre: —Mū yū magū, yū maīgū āārā. Mū merā būro usuyáa, āriyupū.

**Jesucristo ñekúsamarā āārīturiadea***(Mt 1.1-17)*

<sup>23</sup> Jesús treinta bojori opagu masakare buenūgāyupū. Masaka Jesúre: “José magū āārīmí īī”, āri gūñadiñurā.

José, Elí magū āārīyupū. <sup>24</sup> Elí Matat magū,

Matat Leví magū, Leví Melqui magū, Melqui Jana magū, Jana José magū, José Matatías magū, <sup>25</sup> Matatías Amós magū,

Amós Nahum magū, Nahum Esli magū,

Esli Nagai magū, Nagai Maat magū,

<sup>26</sup> Maat Matatías magū, Matatías Semeí magū,

Semeí José magū, José Judá magū,

<sup>27</sup> Judá Joana magū, Joana Resa magū, Resa Zorobabel magū, Zorobabel Salatiel magū,

Salatiel Neri magū, Neri Melqui magū,

<sup>28</sup> Melqui Adi magū, Adi Cosam magū, Cosam Elmodam magū, Elmodam Er magū,

Er Josué magū, <sup>29</sup> Josué Eliezer magū, Eliezer Jorim magū, Jorim Matat magū,

Matat Leví magū, <sup>30</sup> Leví Simeón magū,

Simeón Judá magū, Judá José magū, José Jonán magū, Jonán Eliaquim magū,

Eliaquim Melea magū, <sup>31</sup> Melea Mainán magū,

Mainán Matata magū, Matata Natán magū,

Natán opu David magū āārīdi āārīmí.

<sup>32</sup> David Isai magū, Isai Obed magū, Obed Booz magū, Booz Salmón magū,

Salmón Naasón magū, <sup>33</sup> Naasón Aminadab magū,

Aminadab Aram magū, Aram Esrom magū,

Esrom Fares magū, Fares Judá magū,

Judá Jacob magū āārīdi āārīmí.

<sup>34</sup> Jacob Isaac magū, Isaac Abraham magū āārīdi āārīmí.

Abraham Taré magū, Taré Nacor magū,

Nacor Serug magū, <sup>35</sup> Serug Ragau magū,

Ragau Peleg magū, Peleg Heber magū,

Heber Sala magū, <sup>36</sup> Sala Cainán magū,

Cainán Arfaxad magū, Arfaxad Sem magū,

Sem Noé magū āārīdi āārīmí.

Noé Lamec magū, Lamec Matusalén magū,

<sup>37</sup> Matusalén Enoc magū, Enoc Jared magū,

Jared Mahalaleel magū, Mahalaleel Cainán magū,

Cainán Enós magū, Enós Set magū, Set Adán magū āārīdi āārīmí.

<sup>38</sup> Adán neōgorague Marīpū iridi, īgū magū āārīdi āārīmí.

**Wātī Jesúre ārīmesādīdea***(Mt 4.1-11; Mr 1.12-13)*

**4** <sup>1</sup> Jesús Ōāgū deyomarīgūrē opatarīakōāyupū. Irasirīgū Ōāgū deyomarīgū īgū dia Jordán wāīkudiyague āārādīre masaka marīrōgue āiayupū. <sup>2</sup> Iroge Jesús cuarenta nūrīgōra āārīyupū. Iroge āārīripoe wātī īgūrē ārīmesāgū ejayupū. Iri cuarenta nūrīrē Jesús neō baabiriyupū. Irasirīgū waboakōāyupū. <sup>3</sup> Īgū waboamakū īāgū, wātī Jesúre āsū āriyupū:



—Diyeta Marîpu magû âârîgû, mu turaro merâ i ûtâyere pâ waamakû irika! âriyupu.

<sup>4</sup>Jesús îgûrê yujyupu:

—Yurpuya werenîrî gojadea pûgue:  
“Baari dita masakare okamakû iribea. Âârîpereri Marîpuya werenîrî gapu îgûsârê okamakû yâa”, ârî gojasûdero âârîbâ, ârî wereyupu Jesús wâtîrê.

<sup>5</sup>Puru wâtî Jesúre ûtâû wekague âîmurîayupu. Irogue suñarôta âârîpereri i ûmuma makârîrê îmupeokôâyupu.

<sup>6</sup>Irire îmupeodo, âsû âriyupu:

—I yure sîdea âârâ. Irasirîgu yu sîduagure sîgukoa, îgû i âârîpereri opu âârîburo, ârîgû. <sup>7</sup>Mu yure ñadukupuri merâ ejamejâja, buremumakû, i âârîpereri murê sîgura, ârî wereyupu wâtî Jesúre. <sup>8</sup>Jesús îgûrê yujyupu:

—Satanás, yu purore wirika! Yurpuya werenîrî gojadea pûgue: “Marîpu ditare buremuka! Îgû doreri ditare irika!” ârî gojasûdero âârîbâ, ârî wereyupu Jesús wâtîrê.

<sup>9</sup>Puru wâtî Jesúre Jerusalégue âia, Marîpuya wii wekague âîmurîa, îgûrê âsû âriyupu doja:

—Diyeta Marîpu magû âârîgû, ôdogue merâ yebague parimadijaka! <sup>10-11</sup>Marîpuya werenîrî gojadea pûgue âsû ârî gojasûdero âârîbâ:

Marîpu îgûrê wereboerârê murê koredoregukumi, neô ûtâyegue meébejabirikôâburo, ârîgû, ârî gojasûdero âârîbâ, ârî wereyupu wâtî Jesúre.<sup>f</sup>

<sup>12</sup>Jesús îgûrê âriyupu:

—Yurpuya werenîrî gojadea pûgue:  
“Buremurî marîrô Marîpura: ‘Mu turari merâ yure gajino iri îmuka!’ âribirikôâka!” ârî gojasûdero âârîbâ, ârî wereyupu Jesús wâtîrê.

<sup>13</sup>Irasirîgu wâtî Jesúre gajî ârîmesârî bokabiri, waakôâyupu dapa.

### Jesús Galilea nikûgue masakare buenugâdea

(Mt 4.12-17; Mr 1.14-15)

<sup>14</sup>Puru Jesús masaka marîrôgue âârâdi Galilea nikûgue goedujaayupu.

Ôâgû deyomarîgû turarire opatariyupu. Âârîperero Galilea nikû marâ îgû iridea kerere masîpereakôâñurâ.

<sup>15</sup>Jesús irogue ejagu, makârîku judío masaka nerêrî wiirîgue<sup>g</sup> buenayupu. Îgû buemakû pêrâ, âârîpererâ: “Ôârô buemi”, ârî buremuñurâ.

### Jesús Nazaretgue goedujaadea

(Mt 13.53-58; Mr 6.1-6; Jn 4.44)

<sup>16</sup>Puru Jesús Nazaretgue îgû masâdea makâgue goedujaayupu. Îgû irinarôsûta judío masaka sîñajârînu<sup>h</sup> âârîmakû, îgûsâ nerêrî wiigue waa, ñajâyupu. Iri wiigue Marîpuya werenîrî gojadea pûrê bue îmubu wâgânugâyupu. <sup>17</sup>Irasirîgu iri wii koregu Jesúre Marîpuya kerere weredupiyudi Isaías gojadea pûrê sîyupu. Îgû sîmakû, Jesús iri pûgue âsû ârî gojadeare boka, bue îmuyupu:

<sup>18</sup>Yu Opu, Ôâgû deyomarîgû yu merâ âârîmakû yâmi, îgû dorerire iriburo, ârîgû. Îgûyare iridoregu yure beyepîdi âârîmî.

Irasirîgu boporârê îgûya kerere weredoregu, buro bujawererârê usuyamakû iridoregu, peresugue âârîrârê taudoregu, koye îâmerârê îamakû iridoregu, ñerô irisûrârê taudoregu yure iriudi âârîmî.

<sup>19</sup>Marî Opu îgûyarârê taugu aariburire weredoredî âârîmî, ârî gojadi âârîmî Isaías, ârî bue îmuyupu Jesús.<sup>i</sup>

<sup>20</sup>Bue îmu odo, îgû bueadea pûrê tûrâ, iri wii koregure wia, eja doayupu. Âârîpererâ iri wiigue âârîrâ îgûrê îaduûbirîñurâ. <sup>21</sup>Jesús âsû ârî werenugâyupu îgûsârê:

—Dapagâ merâ yu musârê bue îmumakû, Isaías gojaderosûta waâa.

<sup>22</sup>Jesús irasû ârîmakû pêrâ, âârîpererâ pégukakôâñurâ. “Ôârî werenîrî merâ weremi”, ârî gûñañurâ. Irasû gûñakererâ, îgûsâ basi gâme sêrêñañurâ:

<sup>g</sup> 4.15 Judío masaka nerêrî wii, sinagoga wâikuri wii âârâ. Irogue îgûsâ sîñajârînu âârîmakû nerê, Marîpuya werenîrî gojadea pûgue gojadeare buenama. <sup>h</sup> 4.16 Judío masaka sîñajârînu, sâbado âârâ.

<sup>f</sup> 4.10 Sal 91.11-12 <sup>i</sup> 4.19 Is 61.1-2

—¿Íi José magü meta aaríri? aríñurá.

<sup>23</sup>Jesús, igüsá irasü arímakü pégu, igüsäré asü aríyupu:

—Masaka igüsá aríñarösü müsá yure:

“Mü öarö kúrigü aaríríré imugü, mü basita kúrika!” aríkoa. Gajidere aríkoa: “Gua, mü Capernaugue iri imudea kerere pébu. Irasirigü iroguere mü iriderosüta i maká, mü masádea makádere iri imuka!” aríkoa, aríyupu.

<sup>24</sup>Irasü arí odo, asü arínemoyupu:

—Diyeta müsäré werea. Neö sugü Marípya kerere weredupiyurimasüré igüya nikü mará öarö bokatíríñebema.

<sup>25</sup>Irasirigü müsäré ire öarö masímakü gäämea. Iripoegue Elías Marípya kerere weredupiyudi aarídeapoere masaka Marípure buremubiri waja, ure bojori gaji bojori dekogora neö deko merébiridero aaríbú. Aarípereroguer baaride marídero aaríbú. Maríya niküré wárá wapiweyará nome aarínerá aarímá. <sup>26</sup>Igüsá wárá aaríkeremakü, Marípü Elíare igüsäré iritamudoregü neö iriubiridi aarímí. Gaji nikümo Sarepta wáikuri makámo Sidón püro aarígó gapüre iritamudoregü Elíare iriudi aarímí. <sup>27</sup>Eliseo Marípya kerere weredupiyudi aarídeapoedere wárá kámi boará maríya niküré aaríunanerá aarímá. Igüsá wárá aaríkeremakü, Marípü Eliseore igüsäré taudoregü neö iriubiridi aarímí. Siria nikümü Naamán wáikugü gapüre taudoregü Eliseore iriudi aarímí, arí wereyupu Jesús.

<sup>28</sup>Jesús irasü arímakü pérá, aarípererá iri wiigue aaríríá igü merá büro guañurá. <sup>29</sup>Irasirirá wágánugá, igüré neá, aaríköñurá. Iri maká ütáü weka iridea maká aaríyuro. Irasirirá iri maká turogue igüré aia, túmeédijuduará iriadiñurá. <sup>30</sup>Jesús gapü igüsá watopeta tariwerewágákóyupu.

**Wátí ñajásüdi Jesúre bokatírídea**  
(Mr 1.21-28)

<sup>31</sup>Püru Jesús Capernaugue waayupu. Iri maká Galilea nikúgue aaríyuro. Irogué eja, judío masaka siñajáríñu aarímakü, igüsá neréí wiigue igüsäré

bueyupu. <sup>32</sup>Sugü doregü irirosü öarö masírí merá igü buemakü pérá, pégukakóñurá.

<sup>33</sup>Iri wiiguere igüsá merá sugü wátí ñajásüdi aaríyupu. Asü arí gaguiniyupu:

<sup>34</sup>—Jesús Nazaretmu, ¿nasiribu gua püro aaríri? ¿Guare peamegue béogu aarigü yári? Yu muré íamasikóaa. Mü, Marípü iriudi, öatarigü aará, aríyupu.

<sup>35</sup>Jesús wátíré:

—Wereníbita! Wirika igüré! aríyupu.

Igü irasü arímakü, wátí masaka iürö igü ñajádire yebague túmeépi, ñerö iri ro maríro wiriakóyupu. <sup>36</sup>Jesús wátíré béowiumakü iará, aarípererá masaka iáguka, igüsá basi asü arí gáme wereníñurá:

—¿Neéno werenírí aarírí i? Igü turaro merá wátéaré wiriadoremakü, mata wirianokóama, aríñurá.

<sup>37</sup>Püru Jesús iriadeare aaríperero iri maká turo maráré weresiriñurá.

**Jesús, Simón Pedro máñeköré taudea**  
(Mt 8.14-15; Mr 1.29-31)

<sup>38</sup>Jesús, neréí wiigue aarádi wiria, Simóya wiigue waayupu. Simón máñekó büro nimakurikugo iriyupo. Jesús ejamakü iará, igore taudorerá igüré séréñurá. <sup>39</sup>Igüsá irasü sérémakü pégu, Jesús igo puro waa ejanugá: “Pürírí tarika igore!” aríyupu. Igü irasü aríri meráta igore nimakuri aarádea tariakóayuro. Irasirigo wágánugá, igüsäré baari ejoyupo.

**Jesús wárá püririkuráré taudea**  
(Mt 8.16-17; Mr 1.32-34)

<sup>40</sup>Ñamika, abe ñajádero püru, iri maká mará aarípererá gajirosüperi püririkuráré Jesús pürogué aijañurá. Jesús püririkuráré, igüya mojóri merá ñapeo, tauyupu. <sup>41</sup>Wárá wátéa masakare ñajáneráderé béowiyupu. Wátéa wirirá, Jesúre asü arí gaguiniñurá:

—Mü, Marípü magü aará, aríñurá. Igüsá Jesúre, igü Cristo, Marípü iriudi aaríríré masíñurá. Irasirigü Jesús wátéaré werenídorebiriyupu.

**Jesús Galilea níkúge masakare  
buedea**

(Mr 1.35-39)

<sup>42</sup>Gajinu boyoripoe Jesús maká turo masaka marirõgue waayupu. Ìgũ waadero puru, masaka ìgũrê âma, ìgũ purogue ejañurã. Ìgũrê: “Gua merã dujaka dapa!” ãrãdiñurã.

<sup>43</sup>Jesús gapu ìgũsãrê ãrĩyupu: —Marĩpu ìgũyarã Opu ããrĩrĩrê yure weredoregu iriudi ããrimí. Irasirigu gaji makãrĩ marãdere ire weregu waagura, ãrĩyupu.

<sup>44</sup>Irasirigu ããrĩperero Galilea níkú marãrê judío masaka nererĩ wiirigüe buegorenayupu.

**Jesús ìgũ buerãrê wãrã waaf  
wějẽmakũ iridea**

(Mt 4.18-22; Mr 1.16-20; Jn 21.3,6)

**5** <sup>1</sup>Gajinu Jesús Genesaret' wãikuri ditaru turogue ããrimakũ, wãrã masaka ìgũ purore uturinugãjañurã Marĩpuya kerere pẽduarã. <sup>2</sup>Jesús iri ditaru turo waaf wějẽrimasãya doóriduparu peru masaka marĩrĩ payamakũ ìayupu. Waaf wějẽrimasã gapu ìgũsãya buiriyukure koerã iriñurã.

<sup>3</sup>Jesús Simóyarugue murĩñãã, ìgũrê soewijudoreyupu. Soewijupau odomakũ ìã, Jesús irirugue eja doa, masakare buenugãyupu. <sup>4</sup>Bue odo, Simórê ãsũ ãrĩyupu:

—Doódiru merã ditaru deko ùkũãrõgue wija, musãya buiriyukure meéyoka waaf ñeãmurã, ãrĩyupu.

<sup>5</sup>Simón ìgũrê uyjuyupu: —Guare buegu, dapagã ñamirẽ wějẽboyoakõãdabu. Neõ wějẽbirakubu. Mũ dorerosũta buidire meéyoñagura doja, ãrĩyupu.

<sup>6</sup>Ìgũsã meéyomakũ, waaf wãrã ñajãã, buidire ooreakõãdiñurã. <sup>7</sup>Wãrã ñajãmakũ ìã, ìgũsã merãmarã gajiru doódirugue ããrĩrãrê buadeañurã, ìgũsãrê ñeãtamudorerã. Irasirirã ìgũsã eja, waairé seasãmakũ, perugueta mirĩboyakõãyuro.

<sup>8</sup>Irasũ waamakũ ìãgũ, Simón Pedro Jesús puru ñadukupuri merã ejamejã, ìgũrê ãrĩyupu:

—Yu Opu, mũ õatarigu ããrã. Yu gapu ñegũ ããrã. Irasirigu yu purore ããrĩbirikõãka! ãrĩyupu. <sup>9</sup>Simón, wãrã waaf ñajãmakũ ìãgukagu, irasũ ãrĩyupu. Ìgũ merã ããrĩrãde ìãgukakõãñurã.

<sup>10</sup>Gajiru doódiru ããrĩrã ìgũ merãmarã Zebedeo purã Santiago, Juan ããrĩñurã. Ìgũsãde ìãgukakõãñurã. Jesús gapu Simórê ãrĩyupu:

—Gũbirikõãka! Dapagorare mũ waaf wějẽrimasũ ããrĩrĩrê piri, Marĩpuya kerere masakare wererimasũ ããrĩgukoa, ãrĩyupu.

<sup>11</sup>Irasirirã ìgũsãya doóriduparure ditaru turo tũãmajupíkõã, ããrĩpereri ìgũsãyare píkõã, Jesús merã waakõãñurã.

**Jesús kãmi boagure taudea**

(Mt 8.1-4; Mr 1.40-45)

<sup>12</sup>Puru Jesús su makãgue ããrĩripoe sugũ kãmi boagu ejayupu. Jesús ìãgũ, ìgũ puro ñadukupuri merã ejamejã, ìgũya diapure yebague moomejãya, ìgũrê sërëyupu:

—Yu Opu, mũ yu purĩrikurire taudagu taumasã, ãrĩyupu.

<sup>13</sup>Ìgũ irasũ ãrimakũ pẽgu, Jesús ìgũya mojó merã ìgũrê moãña, ãsũ ãrĩyupu:

—Murê taugura. Kãmi marĩgũ dujaka! ãrĩyupu. Ìgũ irasũ ãrĩrĩ merãta kãmi yaripereakõãyuro. <sup>14</sup>Irasirigu turaro merã Jesús ìgũrê ãrĩyupu:

—Gajirã masakare mũ tariadeare werebirikõãka! Paire murê kãmi yariadeare ìmugũ waaka! Ìgũ murê ìãgũ: “Kãmi marĩgũ ããrã”, ãrĩgukumi. Puru Moisés gojadea pũgue sídoredeare sika! Mũ irire irimakũ ìãrã, ããrĩpererã masaka murê kãmi yariadeare masirákuma, ãrĩyupu.

<sup>15</sup>Jesús ìgũrê: “Gajirãrê mũ tariadeare werebirikõãka!” ãrĩkeremakũ, ããrĩpererogue marã masaka Jesús ìgũrê iriadeare pẽperekõãñurã. Irasirirã

<sup>1/5.1</sup> Genesaret wãikuri níkú, Galilea wãikuri ditaru turo ããrĩyuro. Irasiriro Galilea ditaruta Genesaret wãikuyuro.

wárá masaka ígũ purogue ígũ buerire pérá, ígũsá pũrĩrikũridere taudorerá, ejañurá. <sup>16</sup>Jesús gapũ masaka marĩrõgue Marĩpũre sêrêgũ waanayupũ.

**Jesús ðupũ buadire taudea**

(Mt 9.1-8; Mr 2.1-12)

<sup>17</sup>Sunũ Jesús buemakũ, surãyeri fariseo bumarã gajirã Moisés gojadeare buerimasãde iroque doañurã. Ígũsã ããrĩperero Galilea nikũma makãrĩ marã, Judea nikũma makãrĩ marã, Jerusalén marã ããrĩñurã. Jesús pũrĩrikũrãrê taubu, Marĩpũ turarire opayupũ. <sup>18</sup>Ígũ bueripoe gajirã iro marã sugũ ðupũ buadire ígũ oyaro merãta ãijañurã. Ígũrê wiigue ãĩñajãa, Jesús pũroque píðuarã iriadiñurã. <sup>19</sup>Masaka wárã ããrĩmakũ, ãĩñajãmasĩbiri, iri wii wekague murĩa, su gobe ãiwea, ígũrê masaka watopegue ígũ oyaro merãta Jesús puro dijuñurã. <sup>20</sup>Jesús, ígũsã ígũrê ðuremumakũ íãgũ, buadire ãrĩyupũ:

—Yũ, mũ ñerõ irideare kãtia.

<sup>21</sup>Ígũ irasũ ãrĩmakũ pérã, fariseo bumarã, Moisés gojadeare buerimasã ãsũ ãrĩ gũñañurã: “¿Ñeémũno masaku ããrĩrĩ ñĩ? Ígũ werenĩrĩ merã Marĩpũre ñerõ ãrĩmi. Masaka ñerõ irideare neõ sugũ masaku kãtimasĩbirikumi. Marĩpũ sugũta masĩkumi”, ãrĩñurã.

<sup>22</sup>Jesús ígũsã gũñarĩrê ããmasĩ, ãsũ ãrĩyupũ:

—¿Nasirirã irasũ gũñarĩ mũsã?

<sup>23</sup>¿Naásũ ãrĩrĩ gapũ diasaberi ñĩ buadire: “Yũ, mũ ñerõ irideare kãtia”, ãrĩrĩ, o “Wãgãñugã, waaka!” ãrĩrĩ gapũ diasaberi? <sup>24</sup>Yũ ããrĩpererã tígũ ã mũgũgue ããrĩrãrê ígũsã ñerõ irideare Marĩpũ dorero merã kãtimasãa. Irasirigũ ñĩ buadire taugura, mũsãrê irire masĩdoregũ, ãrĩyupũ. Irasũ ãrĩ odo, buadire ãrĩyupũ:

—Yũ murê ãsũ ãrã. Wãgãñugã, mũ oyaderore ãĩ, mũya wiigue waaka! ãrĩyupũ.

<sup>25</sup>Ígũ irasũ ãrĩrĩ merãta ígũsã ãĩrõ wãgãñugã, ígũ oyaderore ãĩ, ígũya

wiigue waagũ, Marĩpũre: “Õãtaria mũ”, ãrĩ, usũyari siyupũ. <sup>26</sup>Masaka, Jesús irasiririre íãgũka, ígũsãde Marĩpũre: “Õãtaria mũ”, ãrĩ, usũyari siñurã. Bũro gũiri merã ãsũ ãrĩñurã:

—Dapagãrê neõ marĩ ããbirideare ããa, ãrĩñurã.

**Jesús Levĩre siudea**

(Mt 9.9-13; Mr 2.13-17)

<sup>27</sup>Pũrũ Jesús iro merã waa, Levĩ<sup>k</sup> wãikũgũre bokajayupũ. Levĩ romano marã opure niyeru wajaseabosagũ ããrĩyupũ. Ígũ moãrĩ taribugue doamakũ íãgũ, Jesús ígũrê ãrĩyupũ:

—Nãka, yũ merã!

<sup>28</sup>Ígũ irasũ ãrĩmakũ pégu, Levĩ wãgãñugã, ígũ moãdea ããrĩpererire pípeo, Jesús merã waakõãyupũ.

<sup>29</sup>Pũrũ Levĩ ígũya wiigue eja, Jesũre bosenu iripeoyupũ. Wárã niyeru wajaseabosarimasã, gajirã masaka ígũsã merã baa doaññurã. <sup>30</sup>Jesús ígũsã merã doamakũ ããrã, fariseo bumarã, Moisés gojadeare buerimasã Jesús buerãrê ãsũ ãrĩ werewuñurã:

—¿Nasirirã niyeru wajaseabosarimasã, ñerõ irirã merã iirĩ, baari mũsã? ãrĩñurã.

<sup>31</sup>Jesús ígũsãrê yũjuyupũ:

—Pũrĩrĩ marĩrã kũrĩrimasũrê ããabema. Pũrĩrikũrã gapũ ígũrê ããama. <sup>32</sup>Yũ: “Õãrã ããrã”, ãrĩ gũñarãrê siugũ aaribiribũ. “Ñerõ irirã ããrã”, ãrĩ gũñarã ditare siugũ aarigũ iribũ, ígũsã ñerõ irideare ðujawere, gũñarĩrê gorawayuburo, ãrĩgũ, ãrĩyupũ.

**Jesũre bererimarê sêrêñadea**

(Mt 9.14-17; Mr 2.18-22)

<sup>33</sup>Jesús irasũ ãrĩmakũ pérã, ígũrê sêrêñañurã:

—Juan buerã, fariseo bumarã buerire tũyarãde Marĩpũre ðuremurã bere, ígũrê sêrênama. ¿Nasirirã mũ buerã gapũ õãrõ iirĩ, baari? ãrĩñurã.

<sup>34</sup>Jesús ígũsãrê yũjuyupũ:

—¿Sugũ mojósuadi bosenu irimakũ, mũsã ígũ siuanerãrê ígũ merã

<sup>k</sup> 5.27 Levĩ pe wãĩ opayupũ. ígũta Mateo wãikũyupũ.

ãarírãrê bujawereri merã beremakû irimasîbukuri? <sup>35</sup> Pɛrɛ ɪgũrê gajirã ãĩamakû, bujawereri merã bererãkuma, ãriyupɛ.

<sup>36</sup> Irire ãrĩ odo, keori merã ɪgũsãrê ãsũ ãrĩ wereyupɛ doja:

—Masaka neõ surĩro maamañerê tãbirikuma buɣuñerê seretúmurã. Irasũ seretúrã, maamañerê poyanorêrã irikuma. Maama gasiro merã buɣuñerê seretúadero òãrò deyobirikoa.

<sup>37</sup> Waimurã gasiri merã iridea ajuri buɣu ajurigue maama igui dekore diribirikuma. Irasũ dirimakû, maama igui deko pãmu, buɣu ajuri sêrãturabiri, ooreakõãkoa. Irasiriro igui deko, ajuride kômokoa.

<sup>38</sup> Irasirirã maama igui dekore maama ajurigue diriro gãamea. <sup>39</sup> Masaka igui deko pãmurirê iirirã, maama igui dekore gããmebirikuma, maama buerire péduaberosũ. “Igui deko pãmudea gapɛ, maama igui deko nemorò òãã”, ãrírãkuma, ãriyupɛ Jesús ɪgũsãrê.

**Siñajãrĩnu ããrimakû, Jesús buerã trigo yerire tũrĩdea**

(Mt 12.1-8; Mr 2.23-28)

**6** <sup>1</sup> Gajinɛ, judío masaka siñajãrĩnu ããrimakû, Jesús trigo otedero watope waamakû, ɪgũ buerã trigo yerire tũrĩ koro baawãgãñurã! <sup>2</sup> ɪgũsã irasirimakû iãrã, surãyeri fariseo bumarã ɪgũsãrê sêrêñãñurã:

—¿Nasirirã siñajãrĩnũrê moãdorebirikeremakû, irasũ yãri musã? ãrĩñurã.

<sup>3</sup> Jesús ɪgũsãrê yujyupɛ: —¿Musã iripoeguemu David ɪgũ merãmarã merã uaboagu, ɪgũ irideare buebiriri? <sup>4</sup> ɪgũ merãmarã merã Marĩpɛya wiigue ñajãa, Marĩpu iũrò peyari pá duparure baadi ããrimí. Marĩpu paía ããrimerãrê: “Iri pá duparure baabirikõãka!” ãrĩdi ããrimí. David gapɛ paí ããrĩbirikereru, irire baagu, Marĩpu iũrò ɪgũ dorerire tarinugãgũ meta iridi ããrimí, ãriyupɛ.

<sup>5</sup> Irasũ ãrĩ odo, ãsũ ãriyupɛ doja: —Yũ ããrĩpererã ɪgũ ããrisiã, siñajãrĩnũrê masaka gajino ɪgũsã iriburire doremasiã, ãriyupɛ Jesús.

**Jesús mojò dííweredire taudea**  
(Mt 12.9-14; Mr 3.1-6)

<sup>6</sup> Gajinɛ siñajãrĩnu ããrimakû, Jesús judío masaka nerêri wiigue ñajãa, ɪgũsãrê bueyupɛ. Iri wiigue sugu masaku diayema mojò gapɛ dííweredi ããriyupɛ. <sup>7</sup> Fariseo bumarã, Moisés gojadeare buerimasã Jesúre buro iãduripítuya: “Siñajãrĩnu ããrã, irasirirã ñi mojò dííweredire ɪgũ taumakû, ɪgũrê weresãrãra”, ãrĩ gũñãñurã. <sup>8</sup> Jesús ɪgũsã gũñãrĩrê iãmasi, mojò dííweredire:

—Wãgãñugã, masaka iũrõgue ejanugãgũ aarika! ãriyupɛ. ɪgũ irasũ ããrimakû pégu, mojò dííweredi wãgãñugã, Jesús puro ejanugãyupɛ.

<sup>9</sup> ɪgũ ejanugãmakû, Jesús gajirã irogue ããrírãrê ãsũ ãriyupɛ:

—Musãrê sêrêñaduakoa. ¿Siñajãrĩnũrê Marĩpu marirê ñeonorê iridoreyuri, òãrĩrê, o ñerĩrê, masakare taurire, o wêjêrĩrê? ãriyupɛ.

<sup>10</sup> Sêrêña odo, masaka ããrĩpererãrê iã, mojò dííweredire ãriyupɛ:

—Mũya mojõrê soeuka!

ɪgũ irasũ ããrimakû pégu, soeyupɛ. ɪgũ soeumakû, ɪgũya mojò òãkõayuro. <sup>11</sup> ɪgũ irasirimakû iãrã, fariseo bumarã, Moisés gojadeare buerimasã buro guañurã: “¿Nasirirãkuri marĩ ñrê?” ãrĩ gãme werenĩñurã.

**Jesús pe mojõma pere su gubu peru pêrêbejarã ɪgũ buedoregu pímurãrê beyedeã**

(Mt 10.1-4; Mr 3.13-19)

<sup>12</sup> Irinurĩrê Jesús ãtãũgue Marĩpũre sêrêgũ waayupɛ. Irogue iri ñamirê Marĩpũre sêrêboyoakõayupɛ.

<sup>13</sup> Boyoripoe ɪgũ buerire tũyarãrê siu neõ, ɪgũsã watopegue ããrírãrê pe mojõma pere su gubu peru pêrêbejarã

<sup>1</sup>6.1 Deuteronomio 23.25: Moisés gojadeã pũgue ãsũ ãrĩ gojasũdero ããrĩbũ: “Sugu masaku gajiguya poeuge waagũ, ɪgũya mojõrĩ merã trigo yerire tũrĩ koro baaburo. Wiirimajĩ merã diti ããbirikõãburo”, ãrĩ gojasũdero ããrĩbũ.

ūmarē beyeyupu: “Musārē yaa kerere buegorenaturārē beyepía”, āriyupu. <sup>14</sup>Īsāku āārīnūrā: Simón wāikugū āārīyupu. Īgūrēta “Pedro” wāīyeyupu Jesús. Simón pagumū Andrés; gajirā: Santiago, Juan, Felipe, Bartolomé”, <sup>15</sup>Mateo, Tomás, Santiago āārīnūrā. Santiago, Alfeo magū āārīyupu. Gajigu Simón āārīyupu. Īgū celote wāikuri bumū āārīyupu. <sup>16</sup>Gajigu Judas āārīyupu. Īgū Santiago magū āārīyupu. Gajigu Judas Iscariote wāikugū āārīyupu. Īgūta Jesúre wējēduarāguere Īgūrē Īmubu āārīyupu.

**Jesús wárā masakare buedea**  
(Mt 4.23-25)

<sup>17</sup>Jesús iri ūtāūgue āārādi Īgūsā merā dijija, iri ūtāū āārīdijimejārōgue āārīyupu. Īgū beyeānerā, gajirā wárā Īgū buerire tūyarā merā āārīyupu. Gajirā wárā āārīperero Judea nikū marā, Jerusalén marā, wādiya turo marā Tiro, Sidón marā āārīnūrā. Īgūsā Jesús purō Īgū buerire pérā, Īgūsā pūrīrikurire taudorerā ejānerā āārīnūrā. <sup>18</sup>Jesús wātēa nājāsūnerādere tauyupu. <sup>19</sup>Īgū āārīpererārē Marīpu turaro merā taumakū Īārā, āārīpererā masaka Īgūrē moāñaduānūrā.

**Jesús usuyari, bujaweridere buedea**  
(Mt 5.1-12)

<sup>20</sup>Puru Jesús Īgū buerārē Īā, āsū āriyupu:  
—Marīpu musā Opū āārīmi. Irasirirā boporā āārīkererā, usuyaka!  
<sup>21</sup>’Dapagore musā uaboari merā āārīrā, purūguere yapirākoa. Irasirirā usuyaka!  
’Dapagore buro bujawereri merā orerā, purūguere usuyari merā burirākoa. Irasirirā usuyaka!  
<sup>22</sup>’Musā yure āārīpererā tīgūrē buremumakū Īārā, gajirā musārē Īāturi doorākuma. Musārē: “Gua merā āārīmerāta!” āri bēorākuma. Musārē nērō werenīrākuma. “Nērā āārīma”,

āri werenīrākuma. Īgūsā irasū ārikeremakū, usuyari merā āārīrikuka!  
<sup>23</sup>Iripoegue marī nēkūsāmarā Marīpūya kerere weredupiyunerārē irasūta iriunanerā āārīmā. Irasirirā dapagora marā musārē murārōta nērō irimakū Īārā, buro usuyaka! Buro usuyari merā āārīrikuka! Musā ūmugasigū waamakū, Marīpu ōārī wáro wajatarī sigukumi musārē.

<sup>24</sup>’Musā i ūmumarē wāri oparā gapu usuyari bokasiāa. Purūguere usuyari neō bokabirikoa. Irasiro musārē nēgorāa.

<sup>25</sup>’Musā dapagore yapirā, purūguere buro uaboarākoa. Usuyari neō bokabirikoa. Irasiro musārē nēgorāa.

’Dapagore Marīpūyare buridarā, purūguere buro bujawereri merā orerākoa. Usuyari neō bokabirikoa. Irasiro musārē nēgorāa.

<sup>26</sup>’Masaka āārīpererā musārē: “Ōārā āārīma”, ārikeremakū, usuyari neō bokabirikoa. Iripoegue musā nēkūsāmarā Marīpūyare āriktori merā wererimasārē: “Ōārā āārīma”, āriunanerā āārīmā.

**Jesús: “Musārē Īāturirārē maika!” āri buedea**  
(Mt 5.38-48; 7.12)

<sup>27</sup>’Yu werenīrīrē ōārō pēduripīrānorē āsū āri weregura. Musārē Īāturirārē maika! Musārē doorārē ōārō irika!  
<sup>28</sup>Musārē: “Nērō waaburo”, āriārēta ōadoreka! Musārē nērō āri buridarārēta Marīpūre Īgūsā ōārō āārīburire sērēbosaka! <sup>29</sup>Sugu masakū musāya wayupārē pāmākū, gajipārē gapndere pādoreka! Musāya surīro wekamañerē ēmamakū, musāya camisadere sīka!  
<sup>30</sup>Āārīpererā musārē gajino sērērānorē sīka! Sugu masakū musā oparire āīāmākū, Īgūrē: “Wiaka!” āribirikōāka!  
<sup>31</sup>Gajirā musārē ōārō irimakū gāāmerōsūta musāde Īgūsārē ōārō irika!  
<sup>32</sup>’Musārē maīrā ditare maīmakū ōābea. Musā irasū maīrī wajamāa. Gajirā, nērā āārīkererā, Īgūsārē

<sup>m</sup> 6.14 “Bartolomé”, āri: “Tolomé magū”, āriđuaro yāa. Īgūta Natanael wāikugū āārīdi āārīmī. San Juan 1.43-51: Jesús Natanaere siuidea kere āārā.

maĩrārē maĩkuma. <sup>33</sup>Musārē òārō irirā ditare òārō irimakū òābea. Musā irasiriri wajamāa. Ñerāde ìgūsārē òārō irirārē òārō irikuma. <sup>34</sup>Gajirārē wayurā ìgūsārē: “Gua wayuadeare keoro wiaka doja!” ārimakū òābea. Musā irasiriri wajamāa. Ñerō irirāde gajirā ñerārē wayukuma. Ìgūsā wayuadeare: “Āārĩpereri wiarākuma doja”, āri gūñakuma. <sup>35</sup>Irasirirā ñerā irirosū iribirikōāka! Musārē ìaturirādere maĩka! Ìgūsārē òārō irika! Ìgūsārē wayurā, musā wayuadeare: “Wiaka doja!” āribirikōāka! Irasirirā wāri òārĩ wajatari bokarākoa. Marĩpũ āārĩpererā nemorō turagu pirā āārĩrākoa. Masaka Marĩpũre usuyari sibirikeremakū, ìgūsārē bopoñarĩ merā ìāmi dapa. Ñerā āārĩkeremakū, ìgūsārē irasū ìāmi dapa. <sup>36</sup>Irasirirā musāde Musāpũ ùmugasigwe āārĩgũ masakare bopoñarĩ merā ìārōsũta gajirārē bopoñarĩ merā ìāka!

**Jesús: “Gajirārē: ‘Ñerā āārĩma’, āri werewuabirikōāka!” āri buedea**  
(Mt 7.1-5; Jn 13.16; 15.20)

<sup>37</sup>Gajirārē: “Ñerā āārĩma”, āri werewuabirikōāka! Musā werewuabirimakū ìāgũ, Marĩpũ musārē: “Ñerā āārĩma”, āri ìābirikumi. Gajirā musārē ñerō irimakū ìārā: “Marĩpũ ìgūsārē wajamoāburo”, āribirikōāka! Musā irasū āribirimakū, Marĩpũ musārē: “Wajamoāgura”, āribirikumi. Gajirā musārē ñerō irideare kātika! Musā kātimakū, Marĩpũde musā ñerō irideare kātigukumi. <sup>38</sup>Gajirārē sika! Musā sĩmakū, Marĩpũ musārē wāri òārĩ sĩgukumi. Ajuro wāri ajuro gajino uturiri ajuro òārō ñadiuadea ajuro irirosū sĩgukumi. Musā gajirārē sideropata Marĩpũ musārē sĩgukumi, āriyupũ Jesús.

<sup>39</sup>Irasū āri òdo, keori merā wereyupũ doja:

—Sugũ masakũ koye ìābi gajigũ koye ìābire tãādupiyuwāgāmasĩbirikumi. Ìgūsā pērāgueta maarē ìāmerā gobegue meēñajākōākuma. <sup>40</sup>Sugũ buerimasū ìgũ buerā nemorō masakumi. Ìgũ buerāde

ìgũ buederosū buepeosĩā, ìgūsārē buedi masiderosũta ìgūsāde masĩrākuma.

<sup>41</sup>Musā ñerō iridea, koyerugue wāri turu oparosū ñetariri āārĩrĩrē gūñabirikererā, musāyagu ñerō iridea, koyerugue nikũyegā oparosū āārĩrĩrē: “Ñegorāa”, āri gūñāa. <sup>42</sup>Irasirirā musā ñerō iridea, koyerugue wāri turu oparosū āārĩrā, musāyagure ìgũya koyerugue āārĩrĩ nikũyegārē: “¿Āĩbéosi?” ārimasĩbea. Musā ñerō iririkurā, irikatorikurā āārā. Musāya koyerugue āārĩrĩ turu gapure āĩbéopuroriro irirosū musā ñerō iririre pirĩpurorika! Irasiri òdo, musāyagure: “Mũ ñerō iririre pirikōāka!” āri masĩa, āriyupũ Jesús.

**Jesús yukure ùka merā ìāmasĩsũa, āri buedea**  
(Mt 7.17-20; 12.34-35)

<sup>43</sup>Irasū āri òdo, gajĩ keori merā wereyupũ doja:

—Yukũ òādĩ ñerĩ ùkakũbirikoa. Yukũ ñedide òārĩ ùkakũbirikoa. <sup>44</sup>Āārĩpereri yukure ùka merā ìāmasĩsũa. Noragu higo wāĩkurire ùkakũbirikoa. Ñaagũde ìguire ùkakũbirikoa. <sup>45</sup>Irasirigũ sugũ masakũ òāgũ, yukũ òārĩ ùkakũdi irirosū āārĩmi. Ìgũ gūñarĩgue òārĩ gūñarĩ opasĩā, òārĩrē yāmi. Gajigũ ñegũ, ìgũ gūñarĩgue ñerĩ gūñasĩā, ñerĩrē yāmi. Marĩ gūñarĩgue gūñarōsũta werenĩrākoa. Irasirirā masaka ñerĩ gūñarĩ oparā, ñerĩ werenĩrākuma. Òārĩ gūñarĩ oparā gapũ òārĩ werenĩrākuma.

**Jesús pe wii keori merā buedea**  
(Mt 7.24-27)

<sup>46</sup>¿Nasirirā musā yure: “Yũ Opũ āārā mũ”, ārikererā, yũ dorerire neō iriberi?

<sup>47</sup>Sugũ yũ purō eja, yũ werenĩrĩrē pēduripĩ, purũ yũ dorerire irigũ, āsũpero irigũ irirosū āārĩmi. <sup>48</sup>Sugũ ùtāyegue ùkũārĩ goberi mãñajāa, wii òārō nugũdi irirosū āārĩmi. Pũrũ dia wāro yura, ìgũya wiiguere deko ùma meētũkeremakū, neō mirũabirikoa. <sup>49</sup>Yũ werenĩrĩrē pēkeregũ, yũ dorerire iribi gapũ sugũ ìmparogwe wii iridi irirosū āārĩmi. Dia wāro yuraro, ìgũya wiire

ūmabéokōākoa. Irasiriro āārīpereri kōmopereakōākoa, āri weryepu Jesús masakare.

**Jesús surara opure moāboegure taudea**  
(Mt 8.5-13)

**7** <sup>1</sup> Jesús masakare irire were odo, Capernaugue waakōāyupu. <sup>2</sup> Iroguere romano marā surara opu āārīyupu. Īgūrē moāboegu sīrīgū kōmorī p̄rogogū āārīyupu. Surara opu Īgūrē b̄ro maīyupu. <sup>3</sup> Irasirigu, Jesús iridea kerere pégu, judío masaka mūrārē Jesús p̄rogue iriuyupu, Īgūrē moāboegure taugū aaridoregu. <sup>4</sup> Īgūsā Jesús p̄rogue ejarā, Īgūrē turaro merā āsū āri sērēñurā:

—Surara opu guare m̄ p̄ro iriuadi, ōāgū āārīmi. Irasirigu Īgūrē iritamuka!

<sup>5</sup> Īgū judío masaku āārībirikeregu, mariya nikū marārē b̄ro maīmi. Īgūta Īgūya niyeru merā gua nerērī wiire moādoremi. Irasirigu Īgūrē iritamuka! āriñurā.

<sup>6</sup> Irire pégu, Jesús Īgūsā merā waayupu. Surara opu, Īgūya wii p̄ro Īgūsā ejawāgārimakū iāgū, Īgū merāmarārē Jesúre āsū āri weredoregu iriuyupu:

—Yū Opu, mūrē garibonemodubirikoa. Yū ubu āārīgū āārīsīā, yaa wiire m̄ n̄jārimakū, b̄ro ḡyāsīrīkoa. <sup>7</sup> Irasirigu yude m̄ p̄rogue waabea. M̄ werenīrī turari merā yure moāboegure: “Sīrīrī tarika Īgūrē!” ārimakū tarigukumi. <sup>8</sup> Gajirā oparā yure dorema. Yude gajirā surarare dorea. Yū sugure: “Waaka!” ārimakū, waami. Gajigure: “Aarika!” ārimakū, aarīmi. Yū, yure moāboegure: “Ire irika!” ārimakū, irire yāmi, ārika Jesúre! āri iriuyupu.

<sup>9</sup> Īgū weredoreadeare Īgūsā weremakū pégu, Jesús gukakōāyupu. Īgūrē t̄yarārē gāmenugā iā, āsū āriyupu:

—Musārē werea. Sīi surara opu Israel bumū āārībirikeregu, yure b̄remumi. Israel bumarā watopeguere sīi irirosū yure b̄remugūrē neō bokajabiribū, āriyupu Jesús.

<sup>10</sup> Īgū irasū ārādero p̄ru, surara opu iriuanerā Īgūya wiigū goedujāñurā. Irogu goedujarā, sīrīgū āārīdire tariadiguere bokajañurā.

**Jesús wapiweyo magūrē masūdea**

<sup>11</sup> P̄ru Jesús Capernaugue āārādi Naín wāikuri makāgū waayupu. Īgū buerā, gajirā masaka wārā Īgū merā waañurā. <sup>12</sup> Iri makārē ejaripoe iri makā marā, sugū masaku boadire kōāwāgāriñurā Īgūrē yāarā waarā. Īgū wapiweyo magū, sugū āārīgū āārādiyupu. Īgū pago Īgūrē yāamurā merā waamakū, wārā masaka wapikūwāgāriñurā. <sup>13</sup> Igore iāgū, marī Opu Jesús b̄ro bopoñarī merā iā, āsū āriyupu:

—Orebirikōāka!

<sup>14</sup> Irasirigu Jesús masāpore p̄ro ejanugā, moāñayupu. Īgū moāñamakū iārā, iri porere kōārā dujanugāñurā. Jesús boadire āsū āriyupu:

—Yū mūrē ārā: “Wāgānugāka!”

<sup>15</sup> Īgū irasū ārimakū, boadi wāgādo, werenīnugāyupu. Irasirigu Jesús Īgūrē pagore wiayupu. <sup>16</sup> Irire iārā, āārīpererē masaka iāgukakōāñurā. Marīp̄re: “Ōātaria m̄”, āri, us̄yari sīñurā. Īgūsā basi āsū āri gāme werenīñurā:

—Īi Marīp̄ya kerere wererimasū, turatarigu, marī watopeguere ejami.

Idere āriñurā:

—Marīp̄ iirē iriñumi Īgūyarārē iritamudoregu, āriñurā.

<sup>17</sup> Irasirirā āārīpererogū Judea nikū marā, iri nikū t̄ro marāde Jesús Īgūrē masūdea kerere pépereakōāñurā.

**Juan masakare wāiyerimasū Īgū buerire t̄yarārē Jesús p̄rogue iriudea**  
(Mt 11.2-19)

<sup>18</sup> Juan masakare wāiyerimasū peresugue āārīp̄rope Īgū buerire t̄yarārē āārīpereri Jesús irideare Īgūrē wererā waañurā. Juan irire pégu, Īgūsā merāmarā p̄rārē siiu:

<sup>19</sup> —Jesúre āsū āri sērēñarā waaka! “¿M̄ta āārīrī Cristo guare taugū



aaribu iriyupu, igūsā āridi, o gajigure yúrákuri gwa?” āri sērēñarā waaka! āri iriyupu. <sup>20</sup>Irasirirā, Jesús pūro ejarā, igūrē āriñurā:

—Juan masakare wāyerimasū guare murē āsū āri sērēñadoreami: “¿Muta āārīrī Cristo guare taugu aaribu iriyupu, igūsā āridi, o gajigure yúrákuri gwa?”

<sup>21</sup>Igūsā ejaripoere Jesús wārā pūrīrikurārē, wātēa ñajāsūnerārē, koye iāmerādere taugu iriyupu. <sup>22</sup>Irasirigu Jesús āsū āri yūyuyupu Juan iriuanerārē:

—Musā iārīrē, musā périre, Juārē wererā waaka! Koye iābiranerā ōārō iāma. Waamasībiranerā waamasīakōāma. Kāmi boanerā yaripereakōāsūama. Gāmpū pébiranerā péakōāma. Boanerāde masākōāma. Boporā, Marīpu masakare tauri kerere weremakū péma. <sup>23</sup>“Yure būremurīrē piribi, usuyari opagukumi”, āri wererā waaka Juārē! āriyupu Jesús.

<sup>24</sup>Igūsā waadero pūru, Jesús Juāyamarē masakare āsū āri werenūgāyupu:

—Musā masaka marīrōgue Juārē iārā waarā, guigure gūñaturabire iārā waarā meta irikuyo. Igū turabi, mirū tāborere wējāpubéorosū āārībemi. <sup>25</sup>Irasū āārīmakū, musā igūrē iroque iārā waarā, ōārī surī sāñagūrē iārā waarā meta irikuyo. Ōārī surī sāñarāno oparāya wiirigue āārīkuma. Juan igūsā irirosū āārībemi. <sup>26</sup>Musā iroque igūrē iārā waarā, Marīpūya kerere weredupiyurimasūrē iārā waarā iriyo. Musārē werea. Juan diayeta Marīpūya kerere weredupiyunerā nemorō āārīmi. <sup>27</sup>Marīpūya werenīri gojadea pūgue gojasūdero āārībū Juan iriburire. Irasirigu Marīpu igū magūrē āsū āridi āārīmi:

Mū waaburo dupiyuro yaa kerere weredupiyubere iriugura, mū waaburore āmuyudoregu, āri gojasūdero āārībū.”

<sup>28</sup>Musārē werea. Juan aariburi dupiyuro neō sugu igū nemorō

yaamarē masīgū marīdi āārīmi. Irasū āārīkererupu, sugu Marīpu ūmugasigwe āārīgūyagu gapu Juan nemorō yaamarē masīgū āārīgukumi. Āārīpererā nemorō ubu āārīgū āārīkereru, masīgū āārīgukumi, āriyupu Jesús.

<sup>29</sup>Igū irasū āārīrē péra, āārīpererā masaka, romano marā opure niyeru wajaseabosarimasāde Juan wāyēsūnerā āārīsīā: “Marīpu diayeta irigu āārīmi”, āri masīñurā. <sup>30</sup>Fariseo bumarā, Moisés gojadeare buerimasā gapu Juārē wāyēdorebirinerā āārīsīā, Marīpu igūsārē iriduarire gāāmebirīñurā. <sup>31</sup>Irasirigu marī Opū Jesús āsū ārinemoyupu:

—Masaka dapagora marā, ĩñeēmarāno irirosū āārīrī? <sup>32</sup>Majīrā makā dekogue igūsā merāmarā merā bira gaguinī doanīrā irirosū āārīma. Āsū āri gaguinīma: “Gwa tērēdiru purimakū, bayabirabu. Būjawereri merā gwa bayamakū, orebirabu”, ārīma. <sup>33</sup>Juan masakare wāyerimasū pá baabirimakū, igui deko pāmudeare iirībirimakū iārā, igūrē: “Wātī ñajāsūdi āārīmi īī”, āribū musā. <sup>34</sup>Pūru yu āārīpererā tīgū baa, iirīmakū iārā: “Baapagu, iirīpagu āārīmi”, āribū. “Romano marā opure niyeru wajaseabosarimasā merāmū, ñerō irirā merāmū āārīmi”, āribū musā yure. <sup>35</sup>Musā yaamarē, Juāyamarē masībirikeremakū, guare masīrā gapu: “Diayeta Marīpu iriunerā āārīma”, āri masīma, āriyupu Jesús.

#### Jesús, fariseo bumu Simón wāikuguya wiigwe ejadea

<sup>36</sup>Igū irasū ārādero pūru, sugu fariseo bumu Jesúre igūya wiigwe baadoregu siuayupu. Irasirigu Jesús igūya wiigwe waa, eja, baari peoro pūro eja, doayupu. <sup>37</sup>Sugo nomeō iri makāmo, ñerō iririmasō, Jesús fariseoya wiigwe baagu ejadea kerere pé, iroque waayupo. Suru borewariru “alabastro” wāikuri ūtāye merā iridurire ōārō sūrōrī opadirure āayupo. <sup>38</sup>Āia, Jesús pūrupū

<sup>n</sup> 7.27 Mal 3.1

gapu ejanugāja, igo ñerō irideare buro bujawereri merā gūña, ore, Jesús p̄ro meédoaja, ɪgūya guburi wekare igoya kódeko meébejamakū ɪā, igoya poañapu merā túkoe bojoyupo. Túkoe bojo, b̄remurí merā ɪgūya guburire mimi, igo s̄rōrī āñadea merā ɪgūya guburire pípeoyupo. <sup>39</sup>Igo irasirimakū ɪāgū, fariseo bum̄u Jesúre baadoregū siuadi ɪgū basi gūñayupu: “Igo ɪgūya guburire moañagō ñerō iririmasō āārīmo. ɪī diayeta Marí̄nya kerere weregū āārīgū, irire masísiabukumi”, ārī gūñayupu.

<sup>40</sup>Jesús ɪgū gūñarirē ɪāmasí, ɪgūrē ārīyupu:

—Simón, yu murē gajino wereduakoa, ārīyupu.

—Buegū, wereka yure! ārīyupu Simón.

<sup>41</sup>ɪgū irasū ārimakū p̄gū, Jesús i keori merā wereyupu ɪgūrē:

—Sugū masakare niyeru wayurimasū āārīkumi. Pērā ūma wajamokuma ɪgūrē. Sugū wári niyeru koerí quinientos moārīn̄rī wataropa wajamokumi. Gajigū m̄rī koerīgā cincuenta moārīn̄rī wataropa wajamokumi. <sup>42</sup>ɪgūsā p̄rā, ɪgūsā wajamorirē wajariri opabirimakū ɪāgū, niyeru wayudí ɪgūsārē p̄rāguereta: “Iropata, musā wajamorí p̄reburo. Irire k̄atigukoa”, ārīkumi. Irasirimakū, ɫn̄í gapu niyeru wayudire buro maíkuri? wáro wajamodi, o m̄rōgā wajamodi gapu, ārīyupu Jesús.

<sup>43</sup>Simón ūȳyupu:

—Wáro wajamodi gapu b̄ro maibukumi, ārīyupu.

—Diayeta ūȳna m̄, ārīyupu Jesús ɪgūrē.

<sup>44</sup>Irasū ārī odo, Jesús nomeōrē ɪā, Simórē ārīyupu:

—ɫIgo yure irideare ɪārī m̄? M̄ya wiigie yu ñajājamakū, m̄ yure yaa guburi koeburire deko s̄ibirabu. Igo gapu yaa guburire igoya kódeko merā koe, igoya poañapu merā túkoe bojoamo. <sup>45</sup>Yu oādoremakū, m̄ yure bokatirí p̄b̄na, mimibirabu. Igo gapu yu ñajājadero p̄r̄gue yaa guburire mimiadeo neō mimiduúbemo. <sup>46</sup>M̄u gapu yaa dipurure ūye oārī s̄rōrī merā

pípeobirabu. Igo gapu yaa guburire s̄rōrī pípeoamo. <sup>47</sup>Irasirigū Simón, yu murē werea. Igo ñerō irideare wári āārīkeremakū, yu irire k̄atia. Yu irasirimakū, yure buro maímo. Gajigū gapu, yu ɪgū ñerō irideare k̄atimakū: “Yu m̄rōgāta ñerō irideare opāa”, ārī gūñasíā, yure s̄r̄uta maími, ārīyupu Jesús.

<sup>48</sup>ɪgūrē irasū ārī odo, nomeōrē āsū ārīyupu:

—M̄u ñerō irideare k̄atia yu, ārīyupu.

<sup>49</sup>ɪgū irasū ārimakū p̄rā, gajirā masaka iri wiigie ɪgū merā baadoregū siuanerā āsū ārī gāme werenñurā:

—ɫÑeem̄no masakū āārīrī ɪī, irasū ñerō irideare k̄atigu? ārīñurā.

<sup>50</sup>Jesús gapu nomeōrē ārīyupu doja:

—Yure b̄remusíā, p̄rebiri peamegue waabodeo tausúsíāa. Irasirigo oārō siñajārī merā waaka! ārīyupu.

#### Nome Jesúre iritamudea

**8** <sup>1</sup>P̄ru Jesús paga makārī marārē, mutā makārīgā marādere Marí̄n̄ ɪgūyarārē doreri kerere weregorenagū waayupu. ɪgū buerā pe mojóma pere su gubu peru p̄rēbejarā ɪgū merā waañurā. <sup>2</sup>Nomede ɪgū merā waañurā. Pūrīk̄rā āārīnerā Jesús taunerā nome āārīñurā. Gajirā nome, wātēa ñajānerārē Jesús béowiusínerā āārīñurā. Sugo María Magdalena wāik̄ugo āārīyupo. Igo su mojóma pere gají mojó peru p̄rēbejarā wātēārē Jesús béowiusúdeo āārīyupo. <sup>3</sup>Gajigo Juana wāik̄ugo, Cuza wāik̄ugo marāpo āārīyupo. Cuza Herodeya wiigie moāboerimasā opu āārīyupu. Gajigo Susana wāik̄ugo āārīyupo. Gajirā nomede wārā Jesús merā waañurā ɪgū buerire p̄duarā. ɪgūsā nome, ɪgūsā oparí merā Jesúre, ɪgū buerādere iritamuñurā.

#### Jesús oterimasū keori merā buedea

(Mt 13.1-9; Mr 4.1-9)

<sup>4</sup>Wārā masaka wári makārī marā Jesús p̄ro ɪgūrē ɪāduarā nerēñurā. ɪgūsā wārā nerēmakū, Jesús i keori merā āsū ārī bueyupu ɪgūsārē:

<sup>5</sup>—Sugu oterimasū ĩgũya oteri yerire meésirigũ waakumi. ĩgũ meésiriwāgāmakū, gaji yeri maague yurikoa. Masaka iri maague waarā, iro yuriadea yerire kũramutũkōākuma. Mirāde iri yerire boka, baapeokōākuma. <sup>6</sup>Gaji yeri ũtāyerikũrogue yurikoa. Iri yeri puriadikoa. Puriadi, deko marĩmakū ñaĩ, boakōākoo. <sup>7</sup>Gaji yeri pora watopegue yurikoa. Pora gapũ puritarimũrĩa, oteri gapũre wējēkōākoo. <sup>8</sup>Gaji yeri ōārĩ nikũgue yurikoa. Iri yeri ōārō puri, wārĩ dukakũkoo. Su dupaũu cien yerigora dukakũkoo, āriyupũ. Iri keori merā were odo, ĩgũsārē turaro merā āsũ āriyupũ doja: —Musā gāmpĩrĩ oparā, yũ wererire pēduripĩka! āriyupũ Jesũs masakare.

**Jesũs buerā ĩgũrē:** “*¿Nasirigũ keori merā bueri?*” āri sērēñadea  
(Mt 13.10-17; Mr 4.10-12)

<sup>9</sup>Pũrũ ĩgũ buerā ĩgũrē sērēñañurā: —*¿Naasũ āriũuaro iriari, guare mu wereadea? āriĩnurā.* <sup>10</sup>Jesũs ĩgũsārē uỹjũyupũ:

—Marĩpũ ĩgũyarārē doregu āārĩrĩrē iripoegue masĩbirideare dapagorare musārē masĩmakū yāmi. Gajirā gapũre keori merā dita buea. Irasirirā ĩgũsā Marĩpũ iririre ĩakererā, ĩamasĩbirikuma. ĩgũyare pēkererā, pēmasĩbirikuma.

**Jesũs oterimasũ keori merā ĩgũ bueadeare:** “*Āsũ āriũuaro yāa*”, āri weredea  
(Mt 13.18-23; Mr 4.13-20)

<sup>11</sup>Yũ iri keori merā bueadea āsũ āriũuaro yāa. Iri oteri yeri Marĩpũya werenĩrĩ irirosũ āārā. <sup>12</sup>Surāyeri masaka Marĩpũya werenĩrĩrē pēkererā, pēmasĩbema. Maa buriri maa irirosũ āārĩma. ĩgũya werenĩrĩrē pēadero pũrũ, oteri yeri iri maague yuridea yerire mirā baapeoderosũ, wātĩ ĩgũsā gũñarĩgue eja, ĩgũsā pēadideare ēmapeokōāmi. ĩgũsā Marĩpũre bũremubiri, tausũbirikōāburo, āriĩgũ, irasũ yāmi. <sup>13</sup>Gajirā masaka ũtāyerikũri yeba irirosũ āārĩma. ĩgũsā Marĩpũya werenĩrĩrē usũyari merā

pēkeremakũ, oteri yeri ũtāyerikũrogue yuriadero pũrũ, nugũrĩ marĩderosũ ĩgũsārē waāa. Irasirirā yoaweyaripeo bũremuadima. Pũrũ Marĩpũyare iridũari waja gajirā ĩgũsārē ñerō irimakũ ĩārā, mata ĩgũyare pirikōāma. <sup>14</sup>Gajirā masaka porakũri yeba irirosũ āārĩma. Marĩpũya werenĩrĩrē pēkererā, oteri yeri porakũrogue yuriadero pũrũ, pora gapũ puritarimũrĩa, wējēderosũ, i ũmũmarē bũro gũñarĩkuma. Irasirirā wārĩ oparire gũñataria, ĩgũsā gāāmerō iridũasĩā, Marĩpũya werenĩrĩrē kātima. <sup>15</sup>Gajirā masaka ōārĩ nikũ irirosũ āārĩma. Irasirirā Marĩpũya werenĩrĩrē ōārō pērā, pēduripĩma. Ōārĩ gũñarĩrē oparā, Marĩpũyare iridũarā āārĩma. Gajirā ĩgũsārē ñerō irikeremakũ, ĩgũyare piribema. Wārĩ ōārĩ dukakũdiũu irirosũ āārĩma, āriyupũ.

**Jesũs siāgodiru keori merā bueadea**  
(Mt 5.15-16; Mr 4.21-25)

<sup>16</sup>Pũrũ gaji keori merā bueyupũ doja: —Masaka siāgodirure siāgorā, kōmesoro merā muũpĩbirikuma. Kārĩrō dokaguedere dobobirikuma. Ũmarō, wii dekogue siukuma. Irasirirā gajirā iri wiire ñajārā, siāgodiru ũjũgorore ōārō ĩā, ñajākuma. <sup>17</sup>Āārĩpereri masaka iripoegue masĩbirideare masĩsũrokoa. Masaka ĩāberogue duripideare siāgoro āārĩrĩrōgue ĩamasĩrō irirosũ masĩsũrokoa. Yayede a irirosũ neō āārĩbirikoa.

<sup>18</sup>Irasirirā Marĩpũya werenĩrĩrē pērā, ōārō pēmasĩka! Irire ōārō pēduripĩgunorē Marĩpũ wārĩ pēmasĩrĩ sĩnemogukumi. Gajigu ōārō pēbirikeregu: “Masĩa yũ”, āri gũñami. ĩgũ irasũ āri gũñakeregu, ōārō pēmasĩbemi. ĩgũ pēmasĩadideare ēmasĩgũkumi. Irasirigũ neō pēmasĩbi dujagũkumi pama, āriyupũ Jesũs.

**Jesũs pago, ĩgũ pagupũrā merā ĩgũrē ĩāgō ejadea**  
(Mt 12.46-50; Mr 3.31-35)

<sup>19</sup>Pũrũ Jesũs pago, ĩgũ pagupũrā merā ĩgũrē ĩāgō ejayupo. Masaka wārā ĩgũ pũrogue āārĩmakũ, ejamasĩbiriyupo.

20 Irasirigu sugu irogue aarígú Jesúre wereyupɔ:

—Μπο, μη pagupūrā merā mūrē iāduarā, masaka pɔrɔpɔgue níama, ārīyupɔ.

<sup>21</sup> Īgū irasū ārīmakū pégu, Jesús asū ārī yɔyɔyupɔ:

—Marīpɔya wereníríre òārō péduripírā, Īgūyare òārō iritɔyarā, yɔpɔ, yɔ pagupūrā irirosū aārīma, ārīyupɔ.

**Jesús mirū, makūrírē toemakū iridea**  
(Mt 8.23-27; Mr 4.35-41)

<sup>22</sup> Sunu Jesús ditaru tɔrogue aarígú, Īgū buerā merā doódirugue mūrīñajāa, Īgūsārē:

—Naka, ditaru sipārēgue taribujarā! ārīyupɔ.

—Jáu, ārī, waakòañurā. <sup>23</sup> Iro taribujagu, Jesús kārīñajākòyupɔ. Pɔru ditaruguere buro mirū waayuro. Doódiruguere makūrī pāñajāa, miúkòadiyuro. Buro goero waayuro Īgūsārē. <sup>24</sup> Irasū waamakū iārā, Jesúre yobeñurā:

—Guare buegu, marī mirīmūrā yāa, ārī gaguinīñurā.

Īgūsā irasū ārīmakū pégu, Jesús yobe, mirū, makūrírē toedoreyupɔ. Īgū toedoremakū, mirū, makūrī buro waadea toedijapereakòayuro. <sup>25</sup> Pɔru Īgū buerārē ārīyupɔ:

—¿Mūsā yare buremurī opaberi?

Īgūsā gapu gukanerā aārīsīā, iāguka, Īgūsā basi gāme sērēñañurā:

—¿Néemɔno masakū aārírī ī?

Īgū mirūrē, makūrírē toedoremakū toedijakòāa, neò tarinugābea Īgūrē, ārīñurā.

**Jesús Gadaramurē wātēa ñajānerārē**  
**béowiudea**  
(Mt 8.28-34; Mr 5.1-20)

<sup>26</sup> Pɔru Galilea nikū bokatīūrō, Gadara wāikurogue taribujañurā. <sup>27</sup> Jesús doódirugue aārādi majānugāmakū, sugu masakū iri makāmu Īgū pɔro ejanugāyupɔ. Īgū wātēa ñajāsúdero pɔru yoakòayuro. Neò surí sāñabi, wiiguere aārībi, masāgoberī watopegue dita aarígú aarīyupɔ.

<sup>28-29</sup> Wātī masakure wári ñeā meémejanayupɔ. Irasirirā masaka Īgūrē ñeā, Īgūya mojóřírē, guburidere kòmedari merā suanadiñurā Īgūrē biadobomurā. Īgū gapu Īgūsā suarikū, tūātanokòayupɔ. Irasirigu wātī Īgūrē masaka marīrògue waamakū irinayupɔ.

Jesús wātírē: “Wirika μη ñajādire!” ārīyupɔ. Masakū Jesúre iāgū, Īgū pɔro ñadukɔpuri merā ejamejā, buro gaguinīyupɔ:

—Jesús, ñmugasigue marā Opɔ aarīpererā nemořò turagu magū, ¿nasiribu yári μη yare? “Yare poyarikumakū iribirikòāka!” ārī, buro sērēa, ārīyupɔ.

<sup>30</sup> Jesús Īgūrē sērēñayupɔ:

—¿Néemu wāikuri μη? ārīyupɔ.

—“Legión” wāikua yu, ārī yajɔyupɔ. “Legión”, ārīrō: “wārā”, ārīduaro yāa. Wārā wātēa ñajasúdi aārīsīā, irasū wāikuyupɔ. <sup>31</sup> Wātēa masakugue ñajānerā Jesúre:

—Guare buro ukūārī gobegue waadobirikòāka! ārī sērēñurā.

<sup>32</sup> Iro ütāugue wārā yesea āma baarā iriñurā. Īgūsārē iārā, wātēa Jesúre sērēñurā:

—Yeseague guare ñajādoreka!

—Jáu, Īgūsāguereta ñajārā waaka! ārīyupɔ. <sup>33</sup> Īgū irasū ārīmakū, wātēa masakugue aārānerā wirirā, yeseague ñajāñurā. Īgūsā ñajāmakū, yesea ūma mirēbuāa, ditarugue meébia dijāa, mirī boapereakòañurā.

<sup>34</sup> Irasū waamakū iārā, yeseare korerimasā gukari merā ūmadujāa, Īgūsāya makā marārē, iri makā tɔro marādere wererā wañurā. <sup>35</sup> Irire pérā: “¿Naasū waáyuri?” ārī, Jesús pɔro iārā wañurā. Irogue eja, wātēa béowiusúadire bokajañurā. Jesús pɔro, suríro sāñadi, òārō pémasírī merā doayupɔ. Masaka Īgūrē iārā, buro giiri merā iāñurā. <sup>36</sup> Wātēārē béowiumakū iānerā irogue ejarārē irire wereñurā.

<sup>37</sup> Irire pérā, aarīpererā Gadara nikū marā buro gūisīā, Jesúre: “Waaka òōrē!” ārīñurā. Īgūsā waadoremakū pégu, Jesús doódirugue mūrīñajāyupɔ.

<sup>38</sup>Īgū murīñajāmakū īāgū, wātēa beowiusuadi Jesúre:

—Yude mu merā waaduakoa, āri sērēadiyupu.

—Yu gapu īgūrē āriyupu:

—Yu merā waabirikōāka! <sup>39</sup>Muya wiigue goedujáaka! Āārīpereri Marīpu murē ōārī iriadeare weregu waaka! āriyupu.

Īgū irasū ārimakū pégu, īgūya makāgue waakōāyupu. Irogue eja, Jesús īgūrē ōārī iriadeare āārīpererā īgūya makā marārē wereyupu.

**Jesús Jairo magōrē, gajigo nomeō īgūya suríro moñagōrē taudea**  
(Mt 9.18-26; Mr 5.21-43)

<sup>40</sup>Jesús Gadara níkūgue āārīripoe wárā masaka Galilea níkūgue īgūrē yúrā iriñurā. Irasirirā, īgū taribujajamakū īārā, buro usuyari merā bokatírīñurā.

<sup>41</sup>Iripoeere sugu judío masaka nerērī wii opu Jairo wāikugu Jesús pūrogue ejayupu. Eja, Jesúya guburi pūro ñadukupuri merā ejamejāja, īgūrē: “Yaa wiigue waaka!” āri, buro sērēyupu. <sup>42</sup>Īgū magō buro sírīgō kōmorī pūrogāgue āārīyupo. Igo sugota āārīyupo. Pe mojōma pere su gubu peru pērēbejari bojori opayupo. Jesús Jairoya wiigue waamakū, wárā masaka īgūrē kūñarōgā tuuyañurā.

<sup>43</sup>Īgūsā watopegue sugo nomeō pe mojōma pere su gubu peru pērēbejari bojorigora dí wiriri merā pūrīrikugo āārīyupo. Irasirigo igo opadea niyerure kúririmasārē wajari peremejākōāyupo. Īgūsā kúrīkeremakūta, igo pūrīrikuri neō taribiriyuro. <sup>44</sup>Jesús iro waamakū īāgō, īgū pūrupu gapu waa ejanugā, īgūya suríro yuware moñayupo. Igo moñamakūta, igo dí wiririadea tariakōāyuro.

<sup>45</sup>Irasirigu Jesús sērēñayupu: —¿Noā yure moñārī? āriyupu. Āārīpererā: “Gua neō moñabea”, āriñurā.

Pedro, īgū merāmarā merā: —Guare buegu, ¿nasirigu irasū āri sērēñārī? Masaka wárā kūñarōgā tuuyama murē, āriñurā.

<sup>46</sup>Jesús gapu īgūsārē āriyupu:

—Sugo nomeō moñañumo yure. Igo moñamakū, yu turari merā igo pūrīrikurire tauayo. Irire masía yu, āriyupu.

<sup>47</sup>Īgū irasū ārimakū pégo: “Yu iriadeare masími”, āri gūña, buro güi naradari merā īgū guburi pūro ñadukupuri merā ejamejāja, āārīpererā péuro Jesúre: “Yu muya surírore moñamakūta yu pūrīrikuadea tariakōābu”, āri wereyupo. <sup>48</sup>Jesús igore āriyupu:

—Mu yure buremurī opāa. Irasirigo mu pūrīrikurire tausūa. Usuyari merā waaka! āriyupu.

<sup>49</sup>Jesús irasū ārīripoe sugu masaku Jairoya wii āārādi ejayupu, Jairore weregu ejagu:

—Mu magō kōmoakōāmo. Marirē buegure garibonemobirikōāka! āriyupu.

<sup>50</sup>Īgū irasū ārimakū pégu, Jesús Jairore āsū āriyupu:

—Güibirikōāka! Buremurī opaka yure! Mu magō tarigokumo, āriyupu.

<sup>51</sup>Irasirigu Jairoya wiigue eja, gajirārē ñajadorebiriyupu. Pedrore, Juārē, īgū tīgū Santiagore, boadeo pagusāmarā ditare siiu ñajayupu. <sup>52</sup>Īgūsā ñajājaripoere āārīpererā iri wiigue āārīrā buro orerā iriñurā. Jesús āriyupu īgūsārē:

—Orebirikōāka! Majīgō boabemo. Kārīgō yāmo.

<sup>53</sup>Īgū irasū ārimakū pérā, oreanerā gapu īgūrē burīñurā. “Igo boadeare masía gua”, āri gūñañurā. <sup>54</sup>Jesús gapu boadeo pūro ejanugā, igoya mojōrē ñeā, turaro merā igore āsū āriyupu:

—Majīgō, wāgānugāka!

<sup>55</sup>Īgū irasū ārimakū, igoya yujupūrā goeyuro. Irasirigo mata wāgādoakōāyupo. Jesús igo pagusāmarārē: “Baari ejoka igore!” āriyupu. <sup>56</sup>Igo okamakū īārā, igo pagusāmarā gukatarīakōāñurā. Jesús igore īgū masūadeare gajirārē weredorebiriyupu.

**Jesús īgū buerārē buedoregu iriudea**  
(Mt 10.5-15; Mr 6.7-13)

**9** <sup>1</sup>Puru Jesús īgū buerārē pe mojōma pere su gubu peru

pêrebejarârê siu neô, ïgũ turarire sîyupũ: “Iri turari merâ âarîpererâ wâtêârê béowiumasîrâkoa. Pûrîrîdere taumasîrâkoa”, ârîyupũ. <sup>2</sup>Irasirigũ ïgûsârê Marîpũ ïgûyarârê doreri kerere werecoregu, pûrîrikurâdere taudoregu âsũ ârî iriyupũ:

<sup>3</sup>—Waarâ, gajinorê neô âiabirikôaka! Musâ tuadire, ajuro, baari, niyeru, gaji surî musâ gorawayuburidere âiabirikôaka! <sup>4</sup>Makâ ejarâ, musâ ejadea wiita âarikôaka! Iri makârê waarâgue iri wiire wirika! <sup>5</sup>Gaji makâ marâ masaka musârê gãamebirimakũ, iri makârê diayeta tariakôaka! Irasũ tariarâ, nikûwera musâya guburîgue tuadeare mojêbéokôaka! ïgûsâ musârê gãamebiri waja Marîpũ ïgûsârê wajamoâburire masîburo, ârîrâ, irasirika! ârîyupũ Jesús.

<sup>6</sup>Ïgũ irasũ ârî odoadero pũrũ, waakôânurâ. Irasirirâ âarîpereri makârîgue Marîpũ masakare tauri kerere weregorenarâ, pûrîrikurâdere taugorenarâ waañurâ.

**Juan masakare wâiyerimasũ boadea**  
(Mt 14.1-12; Mr 6.14-29)

<sup>7</sup>Iripoere Galilea nikũ marâ opũ Herodes âarîpereri Jesús iriri kerere péyupũ. Gajirâ Jesúsê masîmerâ: “Ïgũ, Juan masakare wâiyerimasũta boadigue masâdi âarikumi”, ârîñurâ. Herodes gapũ irire pégu: “¿Nasiriro irasũ waâari?” ârî, bũro gũñarikuyupũ. <sup>8</sup>Gajirâ: “Elías iripoegue âarîunadi deyoakumi”, ârîñurâ. Gajirâ: “Sugũ Marîpũya kerere weredupiyudi iripoegue âarîunadi masâkumi”, ârîñurâ. <sup>9</sup>Herodes gapũ âsũ ârîyupũ: “Yuta Juârê ïgũya dipurure dîtítadorebũ. ¿Niño gapũ âarîbukuri iropa wâri werenîsũgũ?” ârîyupũ. Irasirigũ Jesúsê bũro îadũadiyupũ.

**Jesús cinco mil ïmarê baari ejodea**  
(Mt 14.13-21; Mr 6.30-44; Jn 6.1-14)

<sup>10</sup>Jesús ïgũ buerâ buedoregu iriunerâ goedujajarâ, ïgûsâ irideare werepeokôânurâ ïgûrê. Pũrũ Jesús ïgûsârê masaka marîrôgue Betsaida

wâikuri makâ turogue siuyupũ.

<sup>11</sup>Ïgûsâ iroque waarî kerere pêrâ, wârâ masaka Jesúsê tũyañurâ. Jesús ïgûsârê ôådore, Marîpũ ïgûyarârê doreri kerere wereyupũ. Pûrîrikurâ ïgûrê taudorerârê tauyupũ.

<sup>12</sup>Ñamika âarîmakũ, Jesús buerâ pe mojõma pere su gubu peru pêrebejarâ ïgũ pũro eja, ïgûrê ârîñurâ:

—Masakare waadoreka! Ôõ pũro âarîrî makârîma wiirigue ïgûsâ kârîrî, baari âmarâ waaburo. Ôõ marî âarîrôguere neô gajino máa, ârîñurâ.

<sup>13</sup>Jesús gapũ ârîyupũ:

—Musâ ïgûsârê baari sîka!

Ïgûsâ yũjũñurâ:

—Gua pá duparu su mojõma duparuta, waaidere pêrâta opâa. Mêrôgâ baari âarâ. Masaka gapũ wârâgora âarîma. Irasirirâ gua gaji baari wajarirâ waamerâ ïgûsârê ejobirikoa, ârîñurâ.

<sup>14</sup>Wârâ masaka âarîñurâ ïgûsâ merâ. Ñma ditare keomakũ, cinco mil âarîñurâ. Irasirigũ Jesús ïgũ buerârê ârîyupũ:

—Masaka âarîpererârê boje yebori cincuenta dita dukawa, ïgûsârê doadoreka! ârîyupũ. <sup>15</sup>Irasirirâ ïgũ buerâ ïgũ ârîrôsũta âarîpererâ masakare doadoreñurâ. <sup>16</sup>Masaka doaperemakũ, Jesús su mojõma pá duparure, pêrâ waairê âî, ïmũgasigue îamu, Marîpũre usuyari sî, irire peayupũ. Pea, ïgũ buerârê masakare gueredoregu sîyupũ. <sup>17</sup>Irasirirâ âarîpererâ masaka irire baayapiakôânurâ. Pũrũ ïgûsâ baadũadeare Jesús buerâ pe mojõma pere su gubu peru pêrebejari puuirigora seasâ ïtudobonurâ.

**Pedro Jesúsê: “Mũ Cristo âarâ”, ârî weredea**

(Mt 16.13-19; Mr 8.27-29; Jn 6.68-69; 12.24-25)

<sup>18</sup>Gajinũ Jesús ïgũ suguta Marîpũre sêrêgũ iriyupũ. Ïgũ buerâ ïgũ merâ âarîñurâ. Irasirigũ Jesús ïgûsârê âsũ ârî sêrêñayupũ:

—Masaka yũre, ¿naásũ ârî gũñarî? ârîyupũ.

<sup>19</sup>Ïgûsâ yũjũñurâ:

—Surāyeri murē: “Juan, masakare wāiyerimasū āārīmi”, ārima. Gajirā: “Elfas iripoegue āārīunadi āārīmi”, gajirā: “Sugu Marīpuya kerere weredupiyudi iripoegue āārīunadi, masādi āārīmi”, ārima, ārīnūrā.

<sup>20</sup>Irasū ārimakū, Jesús ĩgūsārē sērēñayupū:

—Musākoa yure, čnaásū ārī gūñarī? ārīyupū.

Pedro ārīyupū ĩgūrē:

—Mū, Marīpū iriudi, Cristo āārā, ārīyupū.

#### Jesús ĩgū boaburire weredeā

(Mt 16.20-28; Mr 8.30-9.1; Jn 12.24-25)

<sup>21</sup>Pedro irasū ārīrīrē pégu, Jesús ĩgū buerārē būro turaro merā: “Gajirārē ire werebirikōāka!” ārīyupū. <sup>22</sup>Irasū ārī odo, āsū ārīyupū doja:

—Yure āārīpererā tīgūrē būro ñerō tariro āārā. Judío masaka murā, paía oparā, Moisés gojadeare buerimasā yure gāamebirisā, gajirārē yure wējēdorerākuma. ĩgūsā yure wējēadero pūgū, urenū waarō merā Marīpū yure masūgukumi, ārīyupū.

<sup>23</sup>Pūgū āārīpererā masakare ārīyupū:

—Yure tuyaduarāno ĩgūsā iriduarire piriburo. Irasirirā yure tuyarī waja curusague pábiatú, wējēsūmurā irirosū āārīkererā, piriro marīrō yure tūyanikōāburo. <sup>24</sup>I ũmugue ĩgūsāya okari ditare maīrāno perebirī peamegue béosūrākuma. Gajirā gapū yure tuyarī waja, masaka ĩgūsārē wējēkeremakū, Marīpū pūrogue waarākuma, ĩgū merā ōārō āārīnīmūrā. <sup>25</sup>Sugu masakū i ũmumarē āārīpererī opakeregū, ĩgū boarī pūgū waaburī gapure gūñabirī waja peamegue waagá, ōārīrē neō wajatabirikumi. <sup>26</sup>Masaka yure, yaa kerere guyasīrīmakū, yude ĩgūsārē guyasīrīgukoa. Yū āārīpererā tīgū yū gosesirirī merā, Yūpū, ĩgūrē wereboerā ōārā gosesirirī merā dupaturī aarīgukoa. Irasū aarīgú, yure guyasīrīnerārē guyasīrīgukoa. <sup>27</sup>Diayeta musārē werea. Surāyeri musā ōōgue āārīrā, musā boaburī dupiyuro Marīpū ĩguyarārē doregu āārīrīrē ĩārākōa, ārīyupū Jesús.

#### Jesús ĩgū deyori gorawayudea

(Mt 17.1-8; Mr 9.2-8)

<sup>28</sup>ĩgū irasū ārādero pūgū su mojomā pere gajī mojó urenū pērēbejarinūrī waadero pūgū, Jesús ũtāū wekague Marīpūre sērēgū waagá, Pedro, Santiago, Juārē siu murīayupū. <sup>29</sup>Irogue Marīpūre sērēripoe ĩgūya diapu deyori gorawayuakōāyuro. ĩgūya surīro būro borero kūmijūrīne waayuro. <sup>30</sup>Irasū waaripoe ĩgū pūro ũma pērā deyoa, ĩgū merā weretaminīnūrā. ĩgūsā iripoegue marā Moisés, Elías āārīnūrā. <sup>31</sup>ĩgūsāde gosesirirī merā deyoañūrā. Iripoegue: “ĩgūrē āsū waarokoa”, ārīderosūta Jerusalégue ĩgū boaburire Jesús merā werenīnūrā.

<sup>32</sup>Pedrosā būro wujakukererā, kārīrō marīrō Jesús gosesiririre, ĩgū merā āārīrārē ĩānūrā. <sup>33</sup>Moisés, Elías Jesús pūro āārānerā waaripoe Pedro ārīyupū:

—Guare buegu, marī ōōgue āārīmakū ōatariduaá. Irasirirā ure wiigá irirāra. Mūya wii, Moiséya wii, Elíaya wii irirāra, ārīyupū.

ĩgū irasū ārīkereguta, ĩgū ārīrīrē neō pémasībiriupū. <sup>34</sup>ĩgū irasū ārīripoe su yebo ĩmikāyebo túbiayuro ĩgūsārē. Iri ĩgūsārē túbiamakū, būro gūñūrā.

<sup>35</sup>Marīpū ĩmikāyebo poekague āsū ārī werenīmakū péñūrā:

—Īi yū magū, yū beyedi āārīmi. ĩgūrē ōārō péka! ārīyupū.

<sup>36</sup>Marīpū wereniadero pūgū, Jesús ditare ĩānūrā. Pedrosā gapū Jesús i nikūgue āārīrīnūrīrē neō sugu masakure ĩgūsā ĩādeare werebirīnūrā.

#### Jesús sugu majīgūrē wātī ñajāsūdire taudea

(Mt 17.14-21; Mr 9.14-29)

<sup>37</sup>Gajinū gapū ĩgūsā ũtāūgue āārānerā dijijadero pūgū, wārā masaka Jesúre bokatīrīñūrā. <sup>38</sup>Sugu masakū ĩgūsā watopegue āārīgú turaro merā ārīyupū:

—Guare buegu, yū murē būro sērēa. Yū magū suguta āārīgūrē bopoñarī merā ĩāka! <sup>39</sup>Wātī ĩgūrē ñeā, gūñaña marīrō gaguinī, naradamakū irinami. Irasirigū

majīgū īgūya disigūe sūmu wirisūnami. Wātī īgārē būro ñerō tarimakū irinami. Īgūrē neō piriduabemi. <sup>40</sup>Mu buerārē wātīrē būro béowiudoreadabu. Īgūsā neō bokatībūbirama, āriyupū.

<sup>41</sup>Jesús yajuyupū:

—Musā dapagora marā, yure būremurī opamerā, diayemarē neō pémasīmerā āārā. ¿Noōpa yoaripoe musā merā āārīgukuri? ¿Noōpa yoaripoe musā yure būremubirire gūñaturagūkuri? āriyupū. Irasū āri odo, wātī ñajāsūdi pagure:

—Mu magūrē ārika! āriyupū.

<sup>42</sup>Majīgū Jesús pūro waa ejanūgāmakū, wātī īgārē yebague tūmeépikōāyupū. Īgūrē dupaturi būro naradamakū iriyupū. Jesús gapū wātīrē: “Majīgūrē wirika!” āri, tauyupū. Irasiri odo, īgūrē pagure waiyupū. <sup>43</sup>Masaka āārīpererā Marīpu wāri turari merā iririre īārā, iāgukakōāñurā.

**Jesús dupaturi īgū boaburire weredea**  
(Mt 17.22-23; Mr 9.30-32)

Īgūsā āārīpererā Jesús iriadeare: “Ōātaria”, āri gūñaripoeta Jesús īgū buerārē āriyupū:

<sup>44</sup>—Yu musārē wererire oārō pēduripika! Kātībirikōāka! Masaka yure āārīpererā tīgūrē ñeā, gajirāguere wiarākuma, āriyupū.

<sup>45</sup>Īgūsā gapū īgū irasū āriřirē oārō pémasībiriñurā. Marīpu īgūsārē irire pémasīmakū iribiriyupū dapa. Irasirirā Jesúre gūirā: “¿Naāsū āriđuagu iriari, mu irasū āriřigū?” āri sērēñabiriñurā.

**Jesús sugu gajirā nemorō**  
**āārīgúyamarē weredea**  
(Mt 18.1-5; Mr 9.33-37; Jn 13.20)

<sup>46</sup>Pūru īgū buerā āsū āri guaseonugāñurā: “Marī watopere, ¿noā marī āārīpererā nemorō āārīřirē?” āriñurā. <sup>47</sup>Jesús īgūsā gūñarīrē iāmasīkōāyupū. Irasirigū sugū majīgūrē īgū pūro āiñú, āriyupū:

<sup>48</sup>—Sugū yaagure, ĩ majīgū irirosū āārīgūrē oārō bokatīrīñeāgū, yudere bokatīrīñeāmi. Yure oārō bokatīrīñeāgū, yure iriuidere bokatīrīñeāmi. Sugū

musā watopemū: “Gajirā nemorō āārībea”, āri gūñagū, gajirā nemorō āārīmi, āriyupū.

**Jesús: “Marīrē iāturibi, marī merāmū**  
**āārīmi”, āri weredea**  
(Mr 9.38-40)

<sup>49</sup>Pūru Juan Jesúre āriyupū:

—Guare buegu, sugū masakū mu wāi merā wātēārē: “Wirika musā ñajādire!” āri béowiumakū iābu. Īgū, marī merāmū āārībirimakū iārā, īgūrē: “Irire neō irinemobirikōāka!” ārābū, āriyupū.

<sup>50</sup>Jesús gapū āriyupū:

—Kāmutabirikōāka īgūrē! Sugū marīrē iāturibi, marī merāmūta āārīmi, āriyupū.

**Jesús Santiagore, Juārē weredea**

<sup>51</sup>Pūru Jesús ūmugasigūe mūriaburi dupiyuro ejawāgāriripoe: “Jerusalégue waagura”, āriyupū. <sup>52</sup>Īgū waaburi dupiyuro gajirārē Samaria nikūgue āārīřirī makāgue īgū kārīburore āmayudoregu iriyupū.

<sup>53</sup>Samaria marā gapū judío masaka merā gāmesūribirisiā, Jesús Jerusalégue waaburire pērā, īgūrē bokatīrīñeāduabiriñurā. <sup>54</sup>Jesús buerā Santiago, Juan Samaria marā īgūrē bokatīrīñeāduabirimakū iārā, āsū āriñurā:

—Gua Opū, ¿iripoeque Elías Marīpūya kerere weredupiyudi iriderosū, ūmugasima peamerē diju, īgūsārē wējédoremakū gāamekuri? āriñurā.

<sup>55</sup>Īgūsā irasū ārimakū pé, Jesús īgūsārē gāmenugā, iā, āriyupū:

—Irasū āriřirikōāka! Musārē irasū werenímakū irigure masībea. Musā werenířirī Ōāgū deyomarīgū wereri āārībea. <sup>56</sup>Yu āārīpererā tīgū masakare béogu aaribiribū. Īgūsārē taugu aarīgū iribū, āriyupū. Irasū āri odo, gajī makāgue waakōāyupū doja.

**Gajirā Jesúre: “Murē tuyaduakoa”,**  
**ārīdea**  
(Mt 8.19-22)

<sup>57</sup>Īgūsā maague waamakū, sugū masakū īgūsā pūro eja, Jesúre āriyupū:



—Yn Opn, mñ noó waaró murē tɔyagura, āriyupn.

<sup>58</sup> Jesús igūrē yɔjɔyupn:

—Makānū marā diayéa igūsā kāriri toreri opama. Mirāde igūsā kāriri opama. Yn āaripererā tīgū gapu kāriri opabea, āriyupn.

<sup>59</sup> Pɔru Jesús gajigure āriyupn:

—Nāka, yn merā!

Īgū gapu yɔjɔyupn:

—Yn Opn, yun boamakū igūrē yáa odo, murē tɔyagura, āriyupn.

<sup>60</sup> Jesús igūrē yɔjɔyupn:

—Ynre bñremumerā, boanerā irirosū āārírāta boanerārē yáburo. Mñ gapu Marīpu igūyarārē doreri kerere weregu aarika! āriyupn.

<sup>61</sup> Gajigu Jesúre āriyupn:

—Yn Opn, murē tɔyagura. Yn murē tɔyaburi dupiyuro yaa wii marārē seretugu waadnako dapa, āriyupn.

<sup>62</sup> Jesús igūrē āriyupn:

—Sugu masakū moānɔgāgū waadi, moādnabi gāmenɔgādújāgu, moābirikumi. Marīpu dorerire iritɔyanɔgāgū, igū gāamerirē piribi, gāmenɔgādújāgu irirosū āārīkumi. Irasirigu Marīpuware oārō iritɔyabirikumi, āriyupn.

Jesús setenta y dos igū buerārē iriudea

**10** <sup>1</sup>Pɔru marī Opn Jesús gajirā setenta y dos ūmarē beye, pērā dita dukawa, igūsārē āārīpereri igū waaburi makārīguere <sup>2</sup>āsū āri iriuyupn:

—Wārā masaka Marīpuware neō pémerā, poeque oteri duka bñribejadea irirosū āārīma. Igūsārē Marīpuware weremurā gapu, iri poere moārīmasā irirosū mérāgā āārīma. Irasirirā marī Opnre: “Gajirā mɔyare weremurārē iriuka!” āri sērēka! <sup>3</sup>Mūsāde Marīpuware wererā waaka! Oveja majīrārē makānū marā diayéa watopegue irirosū yn mūsārē ñerā āārīrōguere iriua, Marīpuware weredoregu. <sup>4</sup>Mūsāya ajuri, niyeru āābirikōāka! Gubu suri, mūsā sānarī merā dita waaka! Maague masakare bokajarā, oādore yoarīpoe weretamunībirikōāka!

<sup>5</sup>Su wiino ñajārā, iri wii marārē:

“Marīpu mūsārē siñajārī siburo”, āri oādorepurorika! <sup>6</sup>Iri wii marā Marīpu siñajārī sirīre opaduarā mūsārē oārō bokatīrīñeārā, Marīpu siñajārī sirī merā oārō āārīrikurākuma. Mūsārē gāamemerā, i siñajārī merā āārībirikuma. <sup>7</sup>Mūsā ejadea wiita dujaka! Iri wii marā mūsārē ejorire baa, iirīka! Sugu moārīmasū igū moārī waja keoro wajatakumi. Mūsā Marīpuware buerā, moārīmasā irirosū āārā. Mūsārē iri wii marā ejori, mūsā igūsārē

Marīpuware bueri waja āārā. Irasirirā gaji wiirigue āārīgorenabirikōāka! <sup>8</sup>Mūsā su makāgue ejarā, iro marā mūsārē oārō bokatīrīñeā, igūsā baari ejomakū, oārō baaka! <sup>9</sup>Iri makā marā pūrīrikurārē tauka! Āsū āri wereka: “Mérō dɔyāa, Marīpu doreri mūsā pɔroque aariburo”, ārīka!

<sup>10</sup>Gaji makāgue mūsā ejamakū, iro marā mūsārē bokatīrīñeābirimakū, wiriwāgārā, āsū ārīka igūsārē: <sup>11</sup>“Mūsāya makāma nikūwera guaya guburire tuadeare mojēbéoa. Mūsā guare gāamebiri waja Marīpu mūsārē wajamoāburire masīmakū irirā, irasū yāa. Ire oārō pémasika! Mūsā guare gāamebirikeremakū, mérō dɔyāa, Marīpu doreri aariburo”, ārīka igūsārē!

<sup>12</sup>Mūsārē werea. Marīpu āārīpererā ñerārē wajamoārīnū ejamakū, mūsārē gāamebirinerārē Sodoma marārē wajamoārō nemorō wajamoāgukumi, āriyupn Jesús.

Jesús makārī marārē igūsā igūrē  
bñremubirire weredea  
(Mt 11.20-24)

<sup>13</sup>Pɔru Jesús gaji makārī marārē āsū āriyupn:

—Mūsā Corazín marā, Betsaida marāde ñerō tarirāko. Iripoeque marā Tiro, Sidón marā, mūsā iūrō Marīpu igū turari merā iri imurōsū iri imumakū iārā, igūsā ñerō irideare piribonerā āārīmā. Igūsā ñerō irideare buro bñjawerere imurā, bñjawereri surī sāna, nitikuroque doabonerā āārīmā.

Īgūsā ñerō irideare piri, ðārī gapure iribonerā āārīmá. Musā gapu Marīpu turari merā iri ĩmurĩrē ĩakererā, musā ñerō iririre neō piribea. <sup>14</sup>Irasirigu musārē werea. Marīpu ĩgū āārĩpererā ñerārē wajamoārĩnu ejamakū, Tiro, Sidón marārē wajamoārō nemorō musārē wajamoāgukumi. <sup>15</sup>Musā Capernaum marā: “Ūmugasigue murĩārākoa”, ārī gūñadāa. Iroguere neō waabirikoa. Boanerā āārĩrōgue beōdijusūrākoa, āriyupū.

<sup>16</sup>Irasū ārī odo, ĩgū buerārē āriyupū:  
—Musā wererire pēduripĩrāno yu wereridere pēduripĩma. Musārē gāāmemerāno yudere gāāmebema. Yure gāāmemerāno yure iriuididere gāāmebema, āriyupū.

#### Jesús setenta y dos iriunerā goodea

<sup>17</sup>Puru Jesús setenta y dos iriunerā buro usuyari merā goejañurā:

—Gua Opū, wātēārē mu dorero merā, mu wāi merā gua beowiumakū, ðārō yujua, ārĩñurā.

<sup>18</sup>Jesús āriyupū ĩgūsārē:

—Bupu miārō irirosū wātēa opu Satanás ũmugasigue āārādi, yurimadijarimakū ĩabu. <sup>19</sup>Ōārō péka! Yu musārē turari sibu, āñarē, korebabare kurapeo, āārĩpereri wātĩ turaridere neō ñerō irisūrō marĩrō tarinugāburo, ārĩgū. <sup>20</sup>Musā wātēārē wiridoremakū ĩgūsā ðārō yujudeare usuyabirikōāka! Musā Marīpuyarā āārĩmakū, ũmugasigue musā wāi gojatúsūdero āārĩbú. Iri gapure usuyaka! āriyupū.

#### Jesús ĩgū Pagure usuyari sīdea

(Mt 11.25-27; 13.16-17)

<sup>21</sup>Īgū irasū ārĩri坡e Ōāgū deyomarĩgū Jesúre buro usuyamakū iriyupū.

Irasirigu Jesús ĩgū Pagure āsū āriyupū:

—Au, yu murē: “Ōātaria mu”, ārī, usuyari sía. Mu ũmugasí marā, ĩ nikū marā Opū āārā. Irasirigu: “Masĩtarinugārā, āārĩpererire pēmasīa”, ārī gūñarārē muyare masĩmakū iribea. Majĩrā irirosū murē buremurā gapure muyare masĩmakū yāa. Au, irasūta āārā.

Mu gāāmederosūta usuyari merā irasū yāa, āriyupū.

<sup>22</sup>Puru masakare āriyupū:

—Yupu yure āārĩpereri irimasĩrĩrē sĩmĩ. Neō sugu masaku yu āārĩrikurire masĩbemi. Yupu dita masĩmĩ. Neō sugu masaku Yupu āārĩrikurire masĩbemi. Yu dita masía. Yu ĩgūrē masĩdorerāde ĩgūrē masĩma, āriyupū.

<sup>23</sup>Irasū ārī odo, ĩgū buerārē ĩā, ĩgūsā ditare āsū āriyupū:

—Musāya koye merā yure ĩāa.

Irasirirā usuyāa. <sup>24</sup>Musārē werea.

Wārā iripoeue marā Marīpuya kerere weredupiyunerā, irasū āārĩmakū oparā iripoeue āārĩnerā musā dapagora ĩārĩrē ĩāduanerā āārādima. Irire ĩāduakererā, ĩābirinerā āārĩmá. Musā dapagora pērire pēduakererā, pēbirinerā āārĩmá, āriyupū.

#### Jesús ðāgū Samariamū

keori merā weredea

<sup>25</sup>Puru sugu Moisés gojadeare buerimasū Jesúre diaye yujubirimakū iridnagu wāgānugā, ĩgūrē āsū ārī sērēñayupu:

—Buegu, ĩñeonorē yure iriro gāāmerĩ, ũmugasigue perebiri okari opabu? āriyupū.

<sup>26</sup>Jesús ĩgūrē yujuyupu:

—ĪNaásū ārī gojasūyuri, Moisés gojadea pūgue? Mu irire buegu, ĩnaásū péñarĩ? āriyupū.

<sup>27</sup>Moisés gojadeare buerimasū ĩgūrē yujuyupu:

—Āsū ārī gojasūdero āārĩbú: “Marīpu mu Opure buro maĩka! Muya yujupūrā merā, mu āārĩrikurĩ merā, mu turari, āārĩpereri muya gūñarĩ merā ĩgūrē maĩka! Mu basi maĩrōsūta mu puro āārĩrādere maĩka!” ārī gojasūdero āārĩbú, āriyupū.

<sup>28</sup>Irire pégu, Jesús ĩgūrē āriyupū:

—Diyeta yujua mu. Irire irigu, ũmugasigue perebiri okarire opagūkoa, āriyupū.

<sup>29</sup>Moisés gojadeare buerimasū gapu masaka ĩgūrē: “Ōāgū āārĩmĩ”, ārī gūñamakū gāāmegū, Jesúre sērēñayupu doja:

—¿Noá aárírí, yu puro aárírá? áriyupũ.

<sup>30</sup>Ígũ irasũ árimakũ pégu, Jesús keori merã wereyupũ Ígũrẽ:

—Sugũ masakũ Jerusalégue aãrãdi Jericó waarí maague buáakumi. Ígũ irogue buáamakũ, yajarimasã Ígũrẽ bokatírí, ñeã, Ígũ opadea aãrípererire êmapeo, Ígũya surídere túwea, aĩ, Ígũrẽ buró pá, kãmitú, waakõákuma. <sup>31</sup>Ígũsã irasũ iriadero purũ, sugũ paí iri maaré waakumi. Ígũrẽ iákeregu, yoarogue iátariakõákumi. <sup>32</sup>Ígũ purũ, gajigũ Levíya bumũ iri maaré waakumi. Ígũde Ígũrẽ iákeregu, yoarogue iátariakõákumi. <sup>33</sup>Purũ sugũ Samariamũ iri maaré waakumi. Ígũrẽ iáboka, buró bopoñarí merã Ígũrẽ iákumi. <sup>34</sup>Irasirigũ Ígũ puro waa ejanugã, Ígũya kãmirẽ uye, igui deko pãmude merã pípeo, surí gasiri merã õmakumi. Õma odo, Ígũyagu burro wekague aĩpeo, Ígũrẽ aãkõákumi. Aĩa, su wii naarímasã kãrírí wiigüe eja, irogue Ígũrẽ korekumi dapa. <sup>35</sup>Gajinũ garũ Ígũya niyeru penũ moã wajataropa iri wii opure síkumi. “Õãrõ koreka ñirẽ!” árikumi. “Dupaturi aarigú, murẽ wajarinemogura ñirẽ koreri waja”, árikumi, áriyupũ Jesús. <sup>36</sup>Irire were odo, Moisés gojadeare buerimasurẽ sērẽñayupũ:

—¿Naású gũñarí mu irire pégu? ¿Niĩno garũ ñisã urerã watopemũ yajarimasã pádire Ígũ puro aãrígũrẽ irirosú õãrõ iriyuri? áriyupũ.

<sup>37</sup>Moisés gojadeare buerimasũ yujyupũ:

—Ígũrẽ bopoñarí merã iã iritamudi garũ, áriyupũ.

Ígũ irasũ árimakũ, Jesús Ígũrẽ áriyupũ:

—Mude ñi bopoñarí merã iãdi iriderosũta gajirãrẽ irigu waaka! áriyupũ.

**Jesús Marta, Maríaya wiigüe ejadea**

<sup>38</sup>Purũ Jesús Ígũ buerã merã waa, su makãgüe ejayupũ. Iri makãguere sugo Marta wãikugo Ígũrẽ bokatíríñeã, igoya wiigüe ñajãdoreyupo. <sup>39</sup>Jesús iri wiigüe ñajãjamakũ, Marta pagũmo Maríya

wãikugo Ígũya guburi puro eja doayupo Ígũ wereníríre péduago. <sup>40</sup>Marta garũ aãrípererire igo moãrírẽ buró gũñarikuyupo. Irasirigo igo pagũmo Jesúsya guburi puro doamakũ iãgõ, Ígũ puro waa, Ígũrẽ áriyupo:

—Gua Opũ, yu sugota aãrípererire moãgõ irikõãdáa. ¿Mu iãberi, yu pagũmo yure neõ iritamubirimakũ? Iгоре iritamudoreka yure! áriyupo.

<sup>41</sup>Igo irasũ árimakũ pégu, Jesús yujyupũ:

—Marta, mu wári gajino moãrírẽ gũñarikua. <sup>42</sup>Su wãirẽta iriro gãamea marírẽ. Maríya i õãrírẽ beyemo. Irasirirã, yu wereníríre igo péduamakũ, gajirã neõ igore irire pirimakũ iribirikuma, áriyupũ.

**Jesús Marípũre sērērírẽ buedea**

(Mt 6.9-15; 7.7-11)

**11** <sup>1</sup>Sunũ Jesús gajirogue Marípũre sērẽgũ iriyupũ. Ígũ sērẽ odomakũ, sugũ Ígũ buegu áriyupũ Ígũrẽ: —Gua Opũ, Juan masakare wãiyerimasũ Ígũ buerãrẽ Marípũre sērērírẽ buederosũ guadere bueka! áriyupũ.

<sup>2</sup>Jesús Ígũsãrẽ áriyupũ:

—Marípũre sērẽrã, ãsũ árika:

“Guaũ ãmugasigüe aãrígú,

aãrípererã murẽ goepeyari merã buremuburo. Mu aãrípererãrẽ doreri aariburo. Ñmugasigüe marã mu gããmerõ irirosũta i nikũ marãde iriburo.

<sup>3</sup>Ñmurikũ guare baari síka!

<sup>4</sup>Gajirã guare ñerõ irideare gua kãtirosũta mude gua ñerõ irideare kãtika! Gua ñerõ iridũamakũ kãmutaka!

Ñegũ guare ñerí árimẽsãrírẽ tau kãmutaka!” árika Marípũre sērẽrã! áriyupũ Jesús.

<sup>5</sup>Irasũ ári odo, keori merã wereyupũ Ígũsãrẽ:

—Yu ire weremakũ pérã, ¿naású gũñarí musã? Ñami deko aãrimakũ, sugũ masakũ Ígũ merãmuya wiigüe waa, Ígũrẽ ãsũ ári sērẽkumi: “Yu

merāmū, ʔreru pá duparu sika yure!  
<sup>6</sup>Gajigū yū merāmū yaa wiigūe naagū ejáami. Yū ʔgūrē gajino mērō ejorino neorō opabirakubū. Irasirigū murē sērēgū arabū”, árikumi. <sup>7</sup>ʔgū irasū árimakū pékeregū, wii poekague áarígú gapū ášū ári yujukumi: “Yūre garibobirikōáka! Makāpurore óarō biakōásiabū. Yū pūrā yū merā kārīrague yáma. Wāgānūgā, murē sígū waasubirikoá”, árikumi ʔgūrē. <sup>8</sup>Ire musārē werea. ʔgū merāmū áarikeremakū, ʔgūrē síbirikumi. Síbirikeregū, ʔgūrē piriro marīrō sērēmakū ʔā, ʔgūrē: “Garibonemobirikōáburo”, árigū, áarīpereri ʔgū gāamerīrē sikōákumi pama. <sup>9</sup>Irasirigū musārē werea. Marīpūre sērēka! Musā sērēmakū, sígukumi. Óarīrē ámará, bokarákoa. Wiigūe nājādūarā oemakū, Marīpū makāpuro tūpā nājādoregū irirosū musā sērērīrē pégukumi. <sup>10</sup>ʔgūrē sērērānorē sígukumi. Ámaráno bokarákuma. Wiigūe nājādūarā oerā irirosū ʔgūrē sērēmakū ʔāgū, ʔgūsārē nājādoregū irirosū ʔgūsā sērērīrē óarō pégukumi. <sup>11</sup>Musā pūrā páré sērēmakū, ʔtāyere síbirikoa. Waaf sērēmakūdere ánarē síbirikoa. <sup>12</sup>Ágābo diu sērēmakū, korebabare síbirikoa. <sup>13</sup>Nerā áarīkererā, musā pūrārē óarīrē símasía. Marīpū ʔmugasigūe áarígú gapū musā nemorō óarīrē símasími. Irasirigū Óāgū deyomarīgūrē sígukumi ʔgūrē sērērārē, áriyupū Jesús.

**Jesúre: “Wátī turari opami”, ári werewuadea**

(Mt 12.22-30; Mr 3.20-27)

<sup>14</sup>Puru Jesús wátī masakure werenímasíbirimakū irigūre béowiugū iriyupū. Wátīrē béowiumakū, wereníbiradi wereníakōáyupū. Masaka, ʔgū irasirimakū ʔārā, ʔāgukakōānūrā.

<sup>15</sup>Gajirā gapū Jesúre ášū ári werewuānūrā:

—ʔi wātēa opu Beelzebú turaro merā wātēārē béowiumi, áriñūrā.

<sup>16</sup>Gajirāde ʔgūrē:

—Mū diayeta turari opagu, iri turari merā gajino ʔmugasimarē iri ʔmuka!

áriñūrā. <sup>17</sup>Jesús gapū ʔgūsā gūñarīrē masísíā, ášū áriyupū:

—Su nikū marā ʔgūsā basi dukawari gāmekēārā, pereakōákuma. Su wii marā ʔgūsā basi dukawari gāmekēārā, pereakōákuma. <sup>18</sup>Musā yūre: “Wātēa opu Beelzebú turari merā wātēārē béowiumi”, ári werewuáa. Yure ʔgū turari merā wātēārē béowiuodoregū, ʔgū basi ʔgūyarārē béobukumi. Irasirirā ʔgūsā basi dukawari gāmekēārā, pereakōábukuma. <sup>19</sup>Iri irasū árimakū, musā buerire tūyarā gapū wātēārē béowiuurā, ʔnoā turari merā béowiuukuri? Musā ʔgūsārē: “Marīpū turari merā wātēārē béowiuma”, ára. Irasiriro musā yūre werewuári diaye áarībea. <sup>20</sup>Yū gapū Marīpū turari merā wātēārē béowiumakū, Marīpū doreri musā pūroguere ejasiáa, ári masísíā.

<sup>21</sup>Sugū wii opu turagu áarīpereri mojókugū, ʔgūya wiimarē óarō koremasíkumi. Gajirā ʔgū oparire ʔmamasíbirikuma. <sup>22</sup>“I mojókusíā, yaa wiire óarō koremasía”, ári gūñakeremakū, gajigū ʔgū nemorō turagu gapū ʔgūrē tarinūgā, áarīpereri ʔgū mojókurire ʔmagukumi. Irasirigū ʔgū oparire áiṕeo, ʔgū merāmarārē gueregukumi. <sup>23</sup>Yūre gāamemerā, yure ʔaturirā áaríma. Masakare yūre siiu neótamumerā, ʔgūsārē waasirimakū irirā áaríma, áriyupū.

**Jesús, wátī dupaturi masakūguere nājārīmarē weredea**

(Mt 12.43-45)

<sup>24</sup>Irasū ári odo, gajī keori merā ʔgūsārē weryepū doja:

—Wátī masakūguere áarādi wiri, purū deko marīrōgue ʔgū síñājāburore ámagorenagū waakumi. Irore bokabi, ášū ári gūñakumi: “Yū wiridi, yaa wii irirosū áarímí. Dupaturi yū wiridiguereta goeñājāgūra doja”, ári gūñakumi. <sup>25</sup>Irasirigū ʔgūguere dupaturi goeñājāgū, gajino marīrī wii, óarō ámu, ooaweadea wiire irirosū bokajakumi. <sup>26</sup>Irasirigū gajirā wātēa su mojōma pere gajī mojō peru pērēbejarā ʔgū nemorō

ñerārē siiu, ìgūsā āārìpererā merā masakuḡuere āārìnkōākumi. Irasirìḡu masaku ìḡū dupiyuro āārìrikudero nemorō ñerō āārìkumi, āriyupū Jesús.

**Jesús diayema usuyarimarē werede**

<sup>27</sup> Jesús irire wereripoe sugo nomeō masaka watopegue āārìḡō gaguiníyupo: —Mūrē pūrāku masūdeo usuyatarikumō, āriyupo Jesúre.

<sup>28</sup> Jesús gapū ìgore āriyupū: —Marìpūya werenìrìrē pérā, ìḡū dorerire irirā gapū òārō usuyārākuma, āriyupū.

**Masaka ñerā Jesúre Marìpū turari merā iri imudoredea**  
(Mt 12.38-42; Mr 8.12)

<sup>29</sup> Pūru Jesús ìḡū pūro masaka wārā nerēwāḡārìripoe āsū ārì wereyupū ìḡūsārē:

—Dapagora marā masaka ñetarirā āārìma. Yūre Marìpū turari merā gajino iri imudorekeremakū, Marìpūya kerere weredupiyudi Jonás irideade ditare wereḡura. <sup>30</sup> Iripoegue Marìpū Jonárē Nínive wāikuri makā marārē weredorederosū yūre āārìpererā tíḡūrē dapagora marā masakare weredoremi. <sup>31</sup> Marìpū āārìpererā ñerārē wajamoārìnu ejamakū, sugo iripoegue mo Sabá nikū marā opo musā dapagora marārē: “Ñegorabu”, ārìḡokumo. Yoaromogue āārìkerego, òḡue ì nikūgue aarideō āārìmō, marì ñekūsāmarā opu Salomón wārì masìrì merā wererire pégo aarìḡō. Dapagora yū Salomón nemorō masìḡū òḡue musā merā āārìkeremakū, musā gapū yū wererire péduabea. <sup>32</sup> Iripoegue Nínive marā Jonás Marìpūya kerere weremakū pérā, ìḡūsā ñerō irideare bujawere, ìḡūsā ḡūnarìrē gorawayunerā āārìmā. Dapagora yū Jonás nemorō masìḡū òḡue musā merā āārā. Yū Marìpūya kerere werekeremakū, musā ñerō iririkurire bujawerebea. Irasirirā, Marìpū āārìpererā ñerārē wajamoārìnu ejamakū, Nínive marā musā dapagora marārē: “Ñegorabu”, ārìrākuma, āriyupū.

**Jesús masakaya koye sīāḡodiru irirosū āārìrìrē buedea**  
(Mt 5.15; 6.22-23)

<sup>33</sup> Irasū ārì odo, gajì keori merā wereyupū:

—Masaka sīāḡodirure sīāḡorā, deyomarìrògue duúbirikuma. Dupa kūma dokaguedere píbirikumā. Sīāgo, wii dekogue siukuma, gajirā iri wiire ñajārā iri sīāḡodiru boyorore òārō ìā ñajāburo, ārìrā. <sup>34</sup> Musāya koye musāya ḡūnarìḡuere sīāḡodiru irirosū āārā. Musā òārì koye oparā irirosū āārìmakū, musāya ḡūnarìḡuere òārō sīāgoro irirosū āārā. Irasirirā Marìpūyare masīa. Musā ñerì koye oparā irirosū āārìmakū, musā ḡūnarìḡuere naìtīārō irirosū āārā. Marìpūyare masìbea. <sup>35</sup> Irasirirā pémasīka, musāya ḡūnarìḡuere sīāgorì, naìtīārì waabirikōāburo, ārìrā! <sup>36</sup> Musāya ḡūnarìḡuere sīāgorì, naìtīārō marìrō irirosū āārìmakū, āārìpereri Marìpūyare pémasìrākoa. Irasirirā sīāgorì boyorogue ìārōsū òārō pémasìrì merā ìḡūyare irituyārākoa, āriyupū Jesús.

**Jesús fariseo bumarārē, Moisés gojadeare buerimasārē ìḡūsā ñerō iririre werede**

(Mt 23.1-36; Mr 12.38-40; Lc 20.45-47)

<sup>37</sup> Jesús irasū ārì odoadero pūru, sugū fariseo bumū ìḡūya wiigūe baadoreḡu siiuayupū ìḡūrē. Irasirìḡu Jesús ìḡū merā waa, ìḡūya wiigūe ñajāa, eja doayupū ìḡū merā baabu. <sup>38</sup> Fariseo bumū gapū judío masaka irinìrōsū Jesús baaburi dupiyuro ìḡū moḡkoebirimakū ìāḡū, ìāḡukakōāyupū. <sup>39</sup> ìḡū ìāḡukamakū ìāḡū, marì Opū Jesús ìḡūrē āriyupū:

—Musā fariseo bumarā masaka ìūrògue dita òārō irirā, soropa weka gapū dita òārō koeadeapa irirosū āārā. Irasirirā gajirāyare yajaduarā, ñerì ditare iriduarā āārìsìā, iripa poekague ḡurari uturìro irirosū āārā. <sup>40</sup> Irasirirā neō pémasìbea. Marìpū, marìya dupure irìḡu, marì ḡūnarìdere iridì āārìmì. Ìirire pémasìberi musā? <sup>41</sup> Musā

oparire gajirārē sirā, òārō gūnarī merā sika! Irasirirā soropa poeka garpudere koeadepa irirosū āarīrākoa.

<sup>42</sup>Musā fariseo bumarā buro ñerō tarirākoa. Musā oteri matārīgā: menta, ruda wāikuri baari morērīnorē, āārīpereri oteridari dukakurinogādere sea neeō, keoro dukawa, pe mojōma diruri irikoa. Sudiru Marīpuya wiigue āia: “Īgūrē yu sirī āārā”, āri, irogue pīkoa, Īgū dorere irimurā. Irasirikererā, gajirārē diayema iririre iribe. Marīpue maibe. Irasirirā musā oterire Īgūrē sīduuro marīrō diayemadere irika! Marīpue maīrī merā buremuka!

<sup>43</sup>Musā fariseo bumarā buro ñerō tarirākoa. Musā nerērī wiiriguere nerērā, òārī doarigue dita doaduāa. Makā dekogue masakare musārē gopeyari merā bokatīrī òādozemakū gāāmea.

<sup>44</sup>Musā Moisés gojadeare buerimasā, fariseo bumarāde buro ñerō tarirākoa. Musā masāgoberi irirosū āārā. Irasirirā masaka iri goberi āārīrō weka tāpitarīarā, iri goberi poekague āārīrīrē masīberosū musā ñerō oparire masībema, āriyupu Jesús.

<sup>45</sup>Īgū irasū ārimakū pēgu, sugu Moisés gojadeare buerimasū āriyupu Īgūrē:

—Buegu, mu fariseo bumarārē irasū āriġū, guadere āri turigu yāa, āriyupu.

<sup>46</sup>Jesús gapu Īgūrē āsū āriyupu:

—Musāde, Moisés gojadeare buerimasā buro ñerō tarirākoa. Musā gajirārē: “Āsū irika!” āri, dorerā, Īgūsārē gajino buro nukūrī kōātārīrā irirosū āārīmakū yāa. Irasirirā iri dorere bokatīubema. Īgūsā musā dorere bokatīubirikeremakū, Īgūsārē neō iritamubea iri dorere iriburo, ārīrā.

<sup>47</sup>Irasirirā musā buro ñerō tarirākoa. Iripoegue marā Marīpuya kerere weredupiyunerā masāgoberi weka weanūdeare musā āmua. Īgūsārēta musā ñekūsāmarā wējēnerā āārīmā. <sup>48</sup>Īgūsā irasū wējēdero purugue, dapagora musā Īgūsā iripoegue irideare iriwekabejakōāa, Īgūsā wējēnerāya masāgoberi weka weanūdeare āmurā. Irasirirā musā Īgūsā

wējēdeare: “Ñegorabu”, āri gūnabea. Musā ñekūsāmarā Marīpuya kerere weredupiyunerārē gāāmebiriderosū musāde yure gāāmebea.

<sup>49</sup>Irasirigū iripoegue Marīpu Īgū masirī merā āsū ārīdi āārīmī: “Yaa kerere weredupiyurimasārē, yaare buerimasādere iriugura. Irire buemakū iā, surāyerire masaka wējērākuma. Gajirārē ñerō iriduarā, noō Īgūsā waarō tuyagorenarākuma”, ārīdi āārīmī Marīpu. <sup>50-51</sup>Marīpu i ūmurē iriadero puru, Abere Īgū tīgū wējēdi āārīmī. Puru Marīpuya kerere weredupiyunerārē wējēnerā āārīmā. Puru Zacarīadere Marīpuya wiima soepeoro Marīpu āārīrī taribu watopegue wējēnerā āārīmā. Irasirigū Marīpu āārīpererārē Īgūsā wējēdea waja dapagora marārē wajamoāgukumi.

<sup>52</sup>Musā Moisés gojadeare buerimasā buro ñerō tarirākoa. Musā Marīpuyare masikererā, musā basi irire iridubaea. Irasirirā gajirārē irire masīduarārē masībīrimakū yāa, āriyupu Jesús.

<sup>53</sup>Īgū irasū ārādero puru, Moisés gojadeare buerimasā, fariseo bumarāde Īgū merā guatariakōāñurā. Irasirirā buro Īgūrē werewua, wāri Īgūrē sērēñanugāñurā. <sup>54</sup>Īgū diaye yujubīrimakū pērā, Īgūrē weresāduarā, irasirīñurā.

### Jesús fariseo bumarā irikatorire weredea

**12** <sup>1</sup>Īgūsā irasiriripoe Jesús puru masaka wārā nerēñurā. Īgūsā wārā āārīsīā, gāme kuratīānokōāñurā. Jesús Īgū buerārē āsū āri werenugāyupu:

—Fariseo bumarā irikatorire òārō pēmasīka! Īgūsā irikatorī pā wemasārī morērī irirosū āārā. <sup>2</sup>Āārīpereri gajirā iāberogue irideare, durirogue irideadere purugue masīsūrokoa. <sup>3</sup>Musā naitārōgue irirosū gajirā pēberogue werenídeare boyorogue irirosū Marīpu Īgūsārē pēmakū irigukumi. Musā wii poekague yayero werenídeadere makā dekogue gaguinfrōsū gajirārē òārō pēmakū irigukumi.

**Jesús: “¿Noarē güiri merā buremurō gāamerī?” āri weredea**

(Mt 10.26-31)

<sup>4</sup>Musārē yu merāmarārē werea. Musārē wējērā, musāya dɔpu ditare boamakū irirākuma. Pɔɔguere musārē neō ñerō irinemobirikuma. Irasirirā musārē wējēduarārē güibirikōaka! <sup>5</sup>Yu musā goepeyari merā güibure weregɔra. Marīpu gapɔre güiri merā buremuka! Masakare ĩgūsā okarire emamasīmi. ĩgū emadero pɔru, ĩgūsārē perebiri peamegue béomasīmi. Irasirirā ĩgū gapɔre güiri merā buremuka!

<sup>6</sup>Masaka su mojomarā mirā wajarirā, pe niyeru koegā, mérōgā wajakuri koerigārē sīkuma. ĩgūsā mérōgā wajakukeremakū, Marīpu gapɔre ĩgūsārē òārō koremi. Neō sugure kätibemi.

<sup>7</sup>Marīpu āārīpereri musā āārīrikurire masīgū, musāya poarire: “Irikū āārā”, āri masīpeokōāmi. Irasirirā güibirikōaka! Musā, mirā nemorō wajakua. Irasirigū Marīpu mirārē korero nemorō musārē koregukumi.

**Jesús: “Masakare yure buremurirē wereka!” āridea**

(Mt 10.32-33; 12.32; 10.19-20)

<sup>8</sup>Musārē werea. Sugu, masaka péuro: “Jesúyagu āārā”, āri weremakū, yu āārīpererā tīgūde Marīpɔre wereboerā péuro: “Yaagu āārīmi ī”, āri weregukoa. <sup>9</sup>Sugu yure masīkeregu, masaka péuro: “ĩgūrē masībea”, āri weremakū, yu āārīpererā tīgūde Marīpɔre wereboerā péuro: “Yude ĩgūrē masībea”, āri weregukoa.

<sup>10</sup>Sugu yure āārīpererā tīgūrē ñerō āri werenímakū, Marīpu kätimasīmi. Ōāgū deyomarīgū gapɔre ñerō āri werenímakū, neō kätibirikumi.

<sup>11</sup>Masaka musārē ĩgūsā nerērī wiiri oparā pɔroque, weresārīrē beyerimasā pɔroque, o makārī marārē dorerā pɔroque musārē ĩgūsā weresāmurā āimākū: “¿Naásū yujurākuri, o naásū ārirākuri ĩgūsārē?” āri, buro güñarikubirikōaka! <sup>12</sup>ĩgūsā musārē

sērēñamakūta, Ōāgū deyomarīgū masīrī sīrī merā ĩgūsārē wererākua, āriyupu Jesús.

**Jesús: “Wári doebiri oparārē goeoráa”, āri weredea**

<sup>13</sup>Pɔru sugu masaka watopegue āārīgū Jesúsre āriyupu:

—Buegu, guapu boagu ĩgū opadeare guare pími. Irasirigū yu tīgūrē irire keoro dukawa, yudere sídoreka! āriyupu.

<sup>14</sup>Jesús gapɔre ĩgūrē yujɔyupu:

—Musāpu pídeare musārē dukawabu āārībea yu, āriyupu.

<sup>15</sup>Irasū āri odo, āārīpererārē āriyupu:

—Pemasika musā! Doebirire, gajinodere wáro gāamebirikōaka! Masaka wári oparā, òārī okari gapɔre opabema, wári oparī ditare güñarā, āriyupu.

<sup>16</sup>Irasū āri odo, keori merā wereyupu ĩgūsārē:

—Sugu masaku wári doebiri opakumi.

ĩgū otedeade wárigora dukakukoa.

<sup>17</sup>Irasirigū ĩgū basi güñakumi:

“¿Nasirīgukuri? Yaa oteri dukā sea duripiburi wii máa”, ārikumi. <sup>18</sup>Pɔru güñakumi doja: “Ásū irigura. Yu gajino duripírī wii āārīpɔroridea wiire béo, nemorō wári wii irigura. Iri odo, iri wiigue yaa oteri dukare āārīpereri, yaa doebiridere duripígura. <sup>19</sup>Pɔru yu basi ásu ārīgura: ‘Wári doebiri opáa. Wári bojorima baaburidere opáa. Irasirigū siñajā, baa, iiri, usuyagura’”, ārikumi.

<sup>20</sup>Marīpu gapɔre ĩgūrē ārikumi: “Mɔ neō pémasībi āārā. Dapagā ñamita boagukoa. Mɔ boamakū, ¿noā oparākuri mɔ duripíadeare?” ārikumi. <sup>21</sup>Irasíta waarākuma, masaka ĩgūsāya doebiri ditare güñarā. ĩgūsāya āārīburi ditare güña, wári doebirire duripírākuma. Irasirikererā, Marīpɔre güñamerā, ĩgū ĩūrōrē boporā irirosū āārīrākuma, āriyupu Jesús.

**Jesús, Marīpu ĩgū pūrārē korerimarē buede**

(Mt 6.25-34)

<sup>22</sup>Pɔru Jesús ĩgū buerārē ásu āriyupu doja:

—Irasirigu musārē ire weregura. Musā āārīrikurire gūnarā: “¿Ñeonorē baarākuri, ñeonorē iirīrākuri, ñeonorē sñānarākuri?” ārī, buro gūnarīkubirikōāka! <sup>23</sup>Marī okari gapu, baari nemorō wajakua. Marīya dapu, suri nemorō wajakua. Irasiriro musā āārīrikuri, musā opari nemorō wajakua. <sup>24</sup>Mirārē gūnaka! Īgūsā baaduarā, otebema. Otedea dukare seabema. Baari duripiri wiiridere opabema. Marīpu gapu Īgūsārē baari sīmi. Musā gapu, mirā nemorō wajakutarinugāa. <sup>25</sup>Musā buro gūnarīkuri merā neō mērōgā masānemobirikoa. <sup>26</sup>Musā irasū gūnarīkuri wajamarīkeremakū, ĩnasirirā gajīnorē buro gūnarīkuri? Musā gūnarīkuri merā āārīpererire neō irimasībirikoa.

<sup>27</sup>Makānūuma goori masārīrē gūnaka! Iri moābirikerero, suabirikerero, oārī surī sñānarō irirosū deyoa. Musārē werea. Opu Salomōn surī oārī sñānadero nemorō iri goori gapu oārī deyoa. <sup>28</sup>Iri goori makānūugue mata puridea goori āārīkeremakū, Marīpu oārī goori deyomakū irikeremakū, mērōgā puru ñaīdija pereakōāa. Gajīnu gapu peamegue soebéokōāsūa. Iri mata pereburi āārīkeremakū, Marīpu iri goorire oārī deyomakū yāmi. Iri goorire oārī āārīmakū irirosū nemorō musārē oārō irīgukumi. Musā Īgūrē mērōgā bremukeremakū, musārē surī sīgukumi. <sup>29</sup>Irasirirā ūmūriku musā baaburire, musā iirīburire buro gūnarīkuri merā āmabirikōāka! <sup>30</sup>I ūmu marā Marīpūre bremumerā buro gūnarīkuri merā irire āmanīkōāma. Īgūsā irasū āārīkeremakū, Marīpu musā gāāmerīrē masīsīami. Irire musārē sīgukumi. <sup>31</sup>Irasirirā musā Marīpūre masīrā, Īgū musā Opu āārīrīrē gāāmerūorika! Musā irasirīmakū, musā baa, iirīburire, musā surī sñānaburidere sīwekapeogukumi.

**Jesús marī ūmugasigue wajataburire  
buedea  
(Mt 6.19-21)**

<sup>32</sup>Musā yaarā, mērāgā, oveja su yebo marā irirosū āārā. Irasū āārīkererā,

gūibirikōāka! Musāpu ūmugasigue āārīgū Īgūyarārē dorerogue musā Īgū merā āārīmakū gāāmēmi, Īgū merā doreburo, ārīgū. <sup>33</sup>Irasirirā musā oparīre duaka! Iri duadea wajare niyerue boporārē sīka! Ūmugasiguemarē gūnaka! Irasirirā irogue perebiri wajatarire, ajurogue doebiri neō perebirire oparosu oparākoa. Irogue wajatarire yajarimasā ñajāa, āīmasībirikuma. Buruade baadedebirikuma. <sup>34</sup>Musā i ūmūma ditare: “Opaduakoa”, ārī gūnarā, irire buro maīrākoa. Ūmugasima gapure: “Opaduakoa”, ārī gūnarā, irire buro maīrākoa.

**Jesús i ūmūgue dupaturi aariburi  
dupiyuro oārō āmuyudoredea**

<sup>35</sup>Yū i ūmūgue dupaturi aariburi dupiyuro oārō āmuyuanerāgue āārīka! Sīāgodirure sīāgoanerā irirosū yūre yūka! <sup>36</sup>Sugū masaku, mojōsuadi pūrogue mojōsuari bosenu waamakū, Īgūrē moāboerā Īgū dujariburire yūkuma. Īgūsā opu Īgūya wiigue goedujaja, ñajāduagu makāpūrore Īgū dotemakū pérā, Īgūrē moāboerā mata tūpākuma. Īgūsā yúrosūta musāde yū dujariburire yūka! <sup>37</sup>Īgūsā opu goemakū, Īgū doreaderosūta irirā, ūsyarākuma. Īgūsā irasirīmakū Īgū, Īgūsā opu Īgūsārē moāboegu irirosū Īgūsārē: “Baari peoro pūro doarā aarika!” ārīgukumi Īgūsārē baari ejobu. <sup>38</sup>Īgūrē moāboerā Īgū ñami deko āārīmakū, o boyoripoe āārīmakū, Īgū goeburire oārō yūanerā āārīsā, ūsyarākuma. <sup>39</sup>Ire masīka! Sugū wii opu Īgūya wiigue yajarimasū ejaburi horare masīgū, Īgūrē yūkumi Īgūya wiigue ñajāburire kāmūtabu. <sup>40</sup>Irasirirā musāde oārō yūka! Yū āārīpererā tīgū gūñaña marīrō aarīgukoa. Irasirirā yaare iririre neō piriro marīrō yūre yūka musā! ārīyupu Jesús.

**Jesús pērā moāboerimasā keori merā  
buedea  
(Mt 24.45-51)**

<sup>41</sup>Īgū irasū āārīmakū, Pedro gapu sērēñayupu:



—Gua Opu, i keori merā weregu, ɛgua ditare weregu yári, o aārīpererārē wereri? āriyupu.

<sup>42</sup>Īgū irasū ārimakū, Jesús gaji keori merā āsū āri wereyupu ĩgūsārē doja:  
—Sugu moāboerimasū ĩgū opure bremugū ōārō pémasīgū āsū irikumi. ĩgū opu gajirogue waagú, ĩgūrē: “Yaa wii marārē ōārō koreka!” āri píkumi. Irasirigu baaripoe aārīmakū, gajirā moāboerimasārē baarire keoro ejokumi. <sup>43</sup>Irasirigu, ĩgū opu ĩgūya wii goedujamakū ĩagū, ĩgū opu dorederosūta iriadi aārīsīā, ōārō usuyakumi. <sup>44</sup>Diaye musārē werea. ĩgū irasirimakū ĩagū, ĩgū opu aārīpereri ĩgūyare ĩgūrē koredoregu pīgukumi. <sup>45</sup>Gajigu moāboerimasū ñegū gapu āsū irikumi. “Yu opu yoaripoe deyobemi”, āri gūñagū, gajirā ĩgū opure moāboerārē ūmarē, nomedere ñerō pábira, baa, iiri, mejākumi. <sup>46</sup>Īgū irasiriripoe gūñaña marīrō ĩgū opu goejakumi. ĩgūrē moāboegu gapu: “Īgū iri hora goegukumi”, ārimasibirikumi. Irasirigu ĩgū opu goejagu, ĩgū ñerō irideare pégu, ĩgūrē buro wajamoāgukumi. Marīpūre bremumerārē béorogue ĩgūrē béogukumi.

<sup>47</sup>Irasirigu sugu moāboerimasū ĩgū opu iridorerire masīkeregu, ōārō āmubiri, irire neō iribirimakū ĩagū, ĩgū opu ĩgūrē wajamoā, buro tārāgukumi. <sup>48</sup>Gajigu moāboerimasū gapu ĩgū opu iridorerire masībi, irire iribirimakū ĩagū, ĩgū opu ĩgūrē sīrūweyata tārāgukumi. Marīpū masakare ĩgū iridorerire masīmakū yāmi. Irasirigu ōārō masīgūrē ĩgū iridorerire ōārō iridoremi. Pūru ĩgūrē masīnemomakū irigu, ĩgū iridea nemorō ōārīrē iridoremi, āriyupu Jesús.

**Jesús: “Masakare gāme dukawarirākuma”, āri weredeā**  
(Mt 10.34-36)

<sup>49</sup>Pūru Jesús ĩgūsārē āriyupu doja:  
—Béoadere peame merā soebéorosū i ūmu marā ñerō iririre béogu aarigú iribu. Dapagoragāta iri ñerī aārīpererire soebéomakū ĩāñuasiadāa. <sup>50</sup>Yu ñerō

tarigukoa. Yu ñerō tariburire gūñagū, buro bujawereri merā aārīrikua. Irasirigu irire tariwerepeogugue buro usuyagukoa. <sup>51</sup>Musā yure: “Īgū i nikūguere aarigú, masakare siñajārī merā gāme aārīrikumakū irigu aarimī”, ɛārī gūñarī? Irasū aārībea. Musārē werea. Masakare ĩgūsā basi gāme dukawarimakū irigu aaribú. Irasirirā surāyeri yure bremurākuma. Gajirā yure bremubirikuma. <sup>52</sup>Dapagā merā su wii marā su mojó marā yaa kerere péadero pūru, ĩgūsā basi gāme dukawarirākuma. Ūrerā, pērā merā, pērā, ūrerā merā gāme ĩaturirākuma. <sup>53</sup>Surāyeri masaka yure bremunugādero pūru, gajirā yure bremubiridero pūru, āsū waarākuma. Sugu ĩgū magūrē ĩaturigukumi yure bremumakū ĩagū. Gajigu ĩgū pagure ĩaturigukumi. Gajigo igo magōrē ĩaturigokumo. Gajigo igo pagore ĩaturigokumo. Sugo máñekō igo bepre ĩaturigokumo. Sugo bepo igo máñekōrē ĩaturigokumo yure bremumakū ĩagū, āriyupu Jesús.

**Masaka Jesús iririre ĩamasībiridea**  
(Mt 16.1-4; Mr 8.11-13)

<sup>54</sup>Pūru Jesús masakare āsū āri wereyupu doja:  
—Musā abe ñajārō gapu ĩimikāyeborire ĩārā: “Deko merēburo yāa”, ārā. Musā ārāderosūta waāa. <sup>55</sup>Sur gapu merā mirū aarimākū: “Asirinū aārīrokoa”, ārā. Musā ārāderosūta asirinū āārā. <sup>56</sup>Musā irikatorikūrā, i nikūmarē, ūmarōmarē ĩārā: “Ōārīnū, o ñerīnū waarokoa”, āri masā. Irire ōārō masīkererā, ɛnasirirā inūrīrē Marīpū turari merā yu iri ĩmurī gapure ĩārā, neō ōārō pémasīberi? āriyupu.

**Marīrē ĩaturigure ōārō merā gāme āmudoredea**  
(Mt 5.25-26)

<sup>57</sup>Irasū āri odo, āsū ārīnemoyupu doja:  
—ɛMusā diayema iririre ĩā beyemasīberi dapa? <sup>58</sup>Sugu musārē

weresādumakū, ĩgū merā oparā p̄rogue waarā, ĩgūrē: “Dupaturi irasū iribirikoa”, āri gāme āmuka! Musā ĩgūrē āmubirimakū, weresārīrē beyerimasūguere musārē weresāgukumi. P̄ru beyerimasū musārē peresu iridoregu, suraraguere wiagukumi. <sup>59</sup>Musārē werea. Beyerimasū musārē wajaridorerire musā wajaripeobirimakū, neō musārē wiubirikumi, āriyupū.

**Jesús masakare: “Musā gūñarīrē gorawayuka!” āridea**

**13** <sup>1</sup>Jesús irasū āriripoe gajirā ĩgūrē āsū āri wereñurā:

—Galilea marā Marīpū ĩūrō waibure wējē, soepeo buremuripoe Pilato gapū ĩgūsārē wējēyupū. ĩgū irasū wējēmakū, waibu dí merā masaka dí morēākōāyuro, āriñurā. <sup>2</sup>ĩgūsā irasū ārimakū pégu, Jesús āriyupū:

—Pilato wējēnerārē, ¿naásū gūñarī? ¿ĩgūsā irasū wējēsūrā, gajirā Galilea marā nemorō ñerā āāridea waja boayuri? <sup>3</sup>Āārībea. Musārē werea. Musāde ñerī iririre bujaweremerā, musā gūñarīrē gorawayumerā, boarā, perebiri peamegue waarākoa. <sup>4</sup>Irinūgue gajirā dieciocho masakare Siloé wāikuri wii ũmarī wii ĩgūsā weka turidija, tāū wējēyuro. ¿Naásū gūñarī musā ĩgūsārē waadeare? ¿ĩgūsā irasū boarā, gajirā Jerusalén marā nemorō ñerā āāridea waja boayuri? <sup>5</sup>Āārībea. Musārē werea. Musāde ñerīrē bujaweremerā, musā gūñarīrē gorawayumerā, boarā, perebiri peamegue waarākoa, āriyupū Jesús.

**Jesús higeragu duka marīdi keori merā weredea**

<sup>6</sup>Jesús ĩgūsārē irasū āri odo, keori merā wereyupū:

—Pooe opū ĩgūya poeegue ĩgū otedi higeragu wāikudire opakumi. Sunū: “Dukakakoa”, āri, ĩāgū waakumi. Neō bokabirikumi. Duka marīkoa. <sup>7</sup>Bokabirisā, iri pooe moāgūrē werekumi: “Īāka! Ūre bojorigora ĩgu dukare āmadāa. Duka máa. Irasirigu irigure pábéokōāka! Duka marīkerero,

gajino oteboaderore kāmutanía”, ārikumi. <sup>8</sup>ĩgū irasū ārimakū pégu, ĩgūrē moāboegu āsū ārikumi: “Ūre opū, i bojorigora tamerārē níñaburo dapa. Ūre irigu p̄rore níkurē sea odo, waibu gura merā ĩjātūñagura. <sup>9</sup>Ūre irasū iriadero p̄ru, gajipoe iriro dukakakubukoa. Duka marīmakū ĩāgū, pábéodoreka!” ārikumi, āri wereyupū Jesús.

**Siñajārīnū āārimakū, Jesús dupamutirō nígōrē taudea**

<sup>10</sup>Sunū judío masaka siñajārīnū āārimakū, Jesús ĩgūsā nerērī wiigue buegu iriyupū. <sup>11</sup>Iro sugo nomeō dieciocho bojorigora pūrīrikūgo āāriyupū. Wātī igore dupamutirō nímakū iriyupū. Irasirigo diaye nīmasībiriyo. <sup>12</sup>Igo irasū āārimakū ĩāgū, Jesús igore: “Aarika!” āri siiyupū:

—Nomeō, mū pūrīrikuri tausūsíaa, āriyupū.

<sup>13</sup>Irasū āriģūta, igore ĩgūya mojōrī merā ñapeoyupū. ĩgū ñapeomakūta, diaye nīyupū. P̄ru Marīpūre: “Ōātaria mū”, āri, usuyari sīnūģāyupū. <sup>14</sup>Jesús siñajārīnū igore taumakū ĩāgū, iri nerērī wii opū gapū ĩgū merā guayupū. Irasirigu, masakare āsū āriyupū:

—Semanariku, marī moārīnūrī, su mojōma pere gajī mojō suru p̄rēbejarinūrī āārā. Irasirirā musā pūrīrikurā taudoreduarā, irinūrīrē taudorerā aarika! Dapagāno marī siñajārīnūrē irinorē iribirikōārō gāāmea, āriyupū.

<sup>15</sup>ĩgū irasū ārimakū pégu, marī Opū Jesús āsū āriyupū:

—Musā irikatorikurā āārā. Musā wekure, o burrore oparā siñajārīnū āārīkeremakū, ĩgūsārē suadeadarire kura, ĩgūsārē deko iiridorerā āībuāa.

<sup>16</sup>Igore Abraham parāmeō āārīturiagore wātēa opū Satanás dieciocho bojorigora pūrīrikumakū irimi. Iro merē siñajārīnū āārimakū, ĩgore taubirikōārō gāāmeadayuri? āriyupū Jesús. <sup>17</sup>ĩgū irasū ārimakū p̄rā, Jesúre ĩaturirā āārīpererā guyasirīpereakōāñurā. Gajirā gapū āārīpereri Jesús oārī iririre ĩārā, usuyañurā.

**Jesús mostaza wāikuri yegā puri  
masādea keori merā weredea**

(Mt 13.31-32; Mr 4.30-32)

<sup>18</sup> Puru āriyupu doja:

—Marīpu īgūyarārē doreri, ĩneéno irirosū āārikuri? ĩNeéno keori merā weregukuri? <sup>19</sup> I irirosū āārā. Suye oteriyē mostaza wāikuri yegārē oterosū āārā. Iri yegārē sugū masakū īgūya poeue otekumi. Īgū oteadero puru, yukū wādi irirosū puri, masākoa. Irasirirā mirā wārā irigū dupurigūe īgūsāya surī suakuma, āriyupu.

**Jesús pā wemasārī morērī poga keori  
merā weredea**

(Mt 13.33)

<sup>20</sup> Dupaturi keori merā  
werenemoyupu:

—Marīpu īgūyarārē dorerire, ĩneéno keori merā werenemogukuri? <sup>21</sup> I irirosū āārā. Pā wemasārī morērī poga irirosū āārā. Sugo nomeō pā irigo, mērōgā pā wemasāmakū iriri poga merā trigo pogare morēkumo. Igo irasū morēadero puru, iri poga mērōgā āārikerero, wemasāseyakōākoa, āriyupu.

**Jesús eyabiri makāpurore nājāri  
keori merā weredea**

(Mt 7.13-14, 21-23)

<sup>22</sup> Puru Jesús Jerusalégue waagū, paga makārīrē, mutā makārīgādere buetariwāgāyupu. <sup>23</sup> Irogue sugū masakū īgūrē āsū āri sērēñayupu:

—Yū Opū, ĩMarīpu perebiri peamegue waabonerārē taumurā mērāgā āārikuri? āriyupu.

Īgū irasū ārimakū pēgu, Jesús i keori merā wereyupu:

<sup>24</sup>—Marīpu purogue nājāduarā, īgūyare irika! Musārē werea. Wārā īgū purogue nājāduakererā, nājāmasībirikuma. Irogue nājāduamakū diasagorāa. Eyabiri makāpuro nājārō irirosū āārā. <sup>25</sup> Marīpu, sugū wii opū irirosū āārimi. Wii opū wāgānugā, makāpurore biadero puru, musā gapū makāpurogue āārīrā īgūya wiire

nājāduarā, āsū ārīrākoa īgūrē: “Gua opu, guare tūpāsōogu aarika!” ārīrākoa. Irasū ārikeremakū, wii opū gapū: “Musārē masībea. Noó marā āārīrā āārīkoa”, āriḡukumi. <sup>26</sup> Īgū irasū ārimakū, musā gapū āsū ārīrākoa: “Gua mu merāta baa, iiri iribu. Guaya makāguedere buegorenabu”, ārīrākoa. <sup>27</sup> Musā irasū ārimakū, āsū yujugukumi: “ ‘Musārē masībea. Noó marā āārīrā āārīkoa’ ārisiāa. Musā nērō irirā āārā. Irasirirā āārīpererā waaka! Yū purore wirika!” āriḡukumi wii opū musārē. <sup>28</sup> Irasirirā, Abraham, Isaac, Jacob, āārīpererā Marīpuya kerere weredupiyunerā merā Marīpu īgūyarārē dorerogue āārimakū īārā, musā gapū makāpurogue béosūnerā āārisiā, pūrīsūrā musāya guikare kūrīduūtū orerākoa. <sup>29</sup> Irasū waaripoere norte marā, sur marā, abe mūrīriro marā, abe nājārō marā Marīpu īgūyarārē dorerogue eja, usuyari merā baa doanīrākuma. <sup>30</sup> Irasirirā dapagorare ubu āārīrā, puruguerē oparā dujarākuma. Dapagorare: “Oparāgora āārā”, ārīrā gapū puruguerē ubu āārīrā dujarākuma, āriyupu Jesús.

**Jesús Jerusalén marārē īāgū oredea**

(Mt 23.37-39)

<sup>31</sup> Jesús irasū āriripoe surāyeri fariseo bumarā īgū purogue eja, āsū ārīnūrā: —Herodes mūrē wējēduami. Irasirigū gajirogue waaka! ārīnūrā.

<sup>32</sup> Jesús gapū īgūsārē yujyupu:

—Āsū āri wererā waaka, īgū āriktorikugure: “Dapagārē, nāmīgādere āsūta irigura. Wātēārē béowiugukoa. Pūrīrikurārē taugukoa. Irasirigū nāmīgā sinu gapū odogukoa”, ārāmi, āri wereka īgūrē! <sup>33</sup> Dapagā, nāmīgā, nāmīgā sinu gapudere Jerusalégue waagara. Iro marā Marīpuya kerere weredupiyunerārē wējēnerā āārimi. Irasirigū yure Marīpuya kerere weredupiyugure īgūsā wējēbure iri makāgue āārīrō gāāmea.

<sup>34</sup> Musā Jerusalén marā Marīpuya kerere weredupiyurimasārē wējēkōā. Īgū iriunerārē ūtāyeri merā dea wējēa. Wāri yu musārē, āgābo igo pūrārē,

igoya kédupuri merā neeōnūrōsū neeōnūduadibū. Musā gapu yu irasū irimakū neō gāamebiribū. <sup>35</sup>Irasiriro musā āārīrī makā, béodea makā dujarokoa. Musārē diayeta werea. Musā yure dupaturi iābirikoa. Pūrugue musā: “Marīpu iriudi oātarigu oārō aariburo”, ārīrā, yure dupaturi iārākoa doja, āriyupu Jesūs.

**Jesús sugu bijiri pūrīrikugure taudea**

**14** <sup>1</sup>Sunū Jesūs, judío masaka siñajārīnu āārimakū, sugu fariseo bumarā opūya wiigue baagu waayupu. Irogue āārīrā gajirā fariseo bumarā īgūrē iānūrīnkōāñurā. <sup>2</sup>Īgūsā baaro pūrogue sugu masakū bijiri pūrīrikugū Jesūs diaye āāriyupu. <sup>3</sup>Irasirīgu Jesūs, Moisés gojadearē buerimasārē, fariseo bumarādere āsū āri sērēñayupu:

—Siñajārīnu āārimakū, ĩsugu pūrīrikugure taudoreri, o taudoreberi? āriyupu.

<sup>4</sup>Īgū irasū ārimakū pérā, neō yujūbirīñurā. Īgūsā yujūbirimakū iāgū, Jesūs bijiri pūrīrikugure tauyupu. Odo, īgūrē: “Oārō waaka!” āriyupu. <sup>5</sup>Puru īgūsārē sērēñayupu doja:

—Siñajārīnu āārīkeremakū, musāyagu burro, o musāyagu weku gobegue meēñajādire iārā, ĩmata āi wiubiribukuri? āriyupu.

<sup>6</sup>Īgūsā gapu, īgū irasū āri sērēñarīrē yujūmasībirīñurā.

**Mojōsuari bosenu siiusūnerāya keori merā werede**

<sup>7</sup>Jesūs fariseo bumarā opūya wiigue āārīgū, iri wiimu siuanerā ejamakū iāyupu. Īgūsā oārī doaripērīrē beyeñurā, oparā irirosū doamurā. Īgūsā irasirimakū iāgū, Jesūs i keori merā wereyupu īgūsā āārīpererārē:

<sup>8-9</sup>—Sugu wii opu mojōsuari bosenu irigu musārē siuadero puru, musā īgūya wiigue ejarā, oparā doarire beye doabirikōāka! Iri wii opu gajirā īgū siuanerārē musā nemorō gopeyarā ejamakū iāgū, musārē āsū ārīgukumi:

“Īsā gapure musā doarire sika! Musā gapu sōogue doarā waaka!” ārīgukumi. Īgū irasū ārimakū pérā, musā gūyāsīrīrī merā ubu āārīrā doarigue doarā waarākoa. <sup>10</sup>Irasirīrā, wii opu musārē siumakū, ubu āārīrā doarigue doaka! Musā irasirimakū iāgū, iri wii opu musārē: “Oparā doarigue doarā aarika!” ārīgukumi. Īgū irasirimakū iārā, gajirā īgū siuanerā musārē buremurī merā iārākuma. <sup>11</sup>Sugu īgū basi: “Gajirā nemorō āārā”, āri gūñagūnorē Marīpu īgūrē ubu āārīgū dujamakū irīgukumi. Gajigu: “Gajirā nemorō āārībea”, āri gūñagū gapure Marīpu īgūrē gajirā nemorō āārimakū irīgukumi, āriyupu.

<sup>12</sup>Irasū āri odo, īgūrē siuadire āsū āriyupu:

—Mu bosenu irigu, mu merāmarārē, mu pagupūrārē, mūyarārē, doebiri oparārē siubirikōāka! Mu īgūsārē siumakū, murē īgūsāde siu gāmibukuma. Īgūsā irasiriri merā īgūsā baadeare murē ejo gāmibukuma. <sup>13</sup>Mu bosenu irigu, boporārē, buyarimasārē, guburi buanerārē, koye iāmerārē siuka! <sup>14</sup>Mu irasirimakū, Marīpu murē oārō irīgukumi. Īgūsārē mu siudea waja, īgūsā murē siu gāmibirikuma. Irasirigu Marīpu diayemarē irirā boanerārē masūrīnu āārimakū, murē oārīrē wajarīgukumi, āriyupu Jesūs.

**Jesús bosebaarinu keori merā buede**

<sup>15</sup>Īgū irasū ārimakū pégu, sugu irogue baa doanīgū īgūrē āriyupu:

—Marīpu īgūyarārē dorerogue īgū puro baa doanīrā buro usuyarākuma, āriyupu.

<sup>16</sup>Īgū irasū ārimakū, Jesūs keori merā wereyupu īgūrē:

—Sugu wāri bosebaarinu irigu wārā masaka siukumi. <sup>17</sup>Īgū siuadero puru, bosenu āārīrīñurē īgūrē moāboegure īgū siuanerārē weredoregu iriukumi. “Aarika! Āārīpereri bosenu marē āmusiami”, āri weredorekumi.

<sup>18</sup>Īgū irire weremakū pérā, āārīpererā: “Masīña maa, waabirikoa”, ārīkuma. Īgū siupurōrisūadi moāboegure āsū

ārīkumi: “Dapagorata nikū wajari odoa. Irore iāgū waabu yāa. Irasirigu mū opure: ‘Masīña máa, waabirikoa’, ārāmi, ārī wereka!” ārīkumi. <sup>19</sup>Gajigu āsū ārīkumi: “Wekua pe mojomarā wajariabu. Īgūsārē keoñagū waabu yāa. Irasirigu mū opure: ‘Masīña máa, waabirikoa’, ārāmi, ārī wereka!” ārīkumi. <sup>20</sup>Gajigu āsū ārīkumi: “Yū dapagorata mojosua odoa. Irasirigu iri bosenurē waabirikoa”, ārīkumi. <sup>21</sup>Īgū irasū ārīmakū, moāboegu gapu goedujāa, Īgū opure Īgūsā ārādeare werekumi. Īgū weremakū pégu, opu būro gua, āsū ārīkumi Īgūrē moāboegure: “Murigorāa. Makā dekoma maarīgue āārīrārē āmagū waaka! Irasirigu boporārē, poyarimasārē, koye iāmerārē, gubu buanerārē mumurō merā yaa wiigue āirika!” ārīkumi. <sup>22</sup>Puru moāboegu Īgū opure werekumi: “Yū opu, mū doreaderosūta masakare siiuabu. Wii gapure uturibema dapa”, ārīkumi. <sup>23</sup>Īgū irasū ārīmakū pégu, Īgū opu Īgūrē dorekumi doja: “Maarīgue waaka! Paga maarīgue, mutā maarīgāgue mū bokajarārē turaro merā siiuwāgārika! Irasirimakū, yaa wiire uturirākuma. <sup>24</sup>Diayeta murē werea. Neō sugu yu siiupuroriadinerā baaboadideare mērōgā baabirikuma”, ārīkumi opu Īgūrē moāboegure, ārī wereyupu Jesús.

**Jesús: “Sugu yure tūyaduamakū diasagorāa”, ārī weredea**

(Mt 10.37-38)

<sup>25</sup>Wārā masaka Jesúre tūyañurā. Irasirigu Īgūsārē gāmenugā iā, āsū ārīyupu:

<sup>26</sup>—Sugu yaa buerire buetūyaduagu, Īgū pagure, pagore, marāpore, pūrārē, pagupūrārē, pagupūrā nomerē, Īgū basī maĩrō nemořō yu gapure maĩrō gāamea. <sup>27</sup>Sugu yure tūyaduari waja curusague pábiatū wējēsūbu irirosū āārīkeregū, yure neō piriro maĩrō yure tūyaníkōāburo. Yure tūyaduabi, yu buegu āārīmasībirikumi. <sup>28</sup>Sugu, musā watopegue āārīgū, ūmarī wiire iriburo dupiyuro: “¿Neéno merā

iripeogukuri?” ārī gūñagū, iri wiire iriburi wajakuburire keopurorikumi.

<sup>29</sup>Wajakuburire keopuroribi, iri wiire iripeobirikumi. Īgū iripeobirimakū iārā, gajirā Īgūrē būridakuma.

<sup>30</sup>—“Iāka! Īi wiire iriadiñumi.

Iripeomasībirinūmi”, ārī būridakuma Īgūrē. <sup>31</sup>Su nikū marā opu, gajigu opu merā gāmewējēburo dupiyuro Īgūyarā surarare keopurorikumi. “¿Yū diez mil surara merā, gajigu veinte mil surara opagu merā gāmewējēgū waagū bokatībukuri?” ārī gūñakumi. <sup>32</sup>Keoña: “Bokatībirikoa”, ārīkumi. Irasirigu, gajigu opu Īgūyarā surara merā gāmewējēgū aarimakū, yoarogue Īgū āārīmakūta: “Gāmewējēbirikōārā”, ārī kere iriukumi Īgūyagure. <sup>33</sup>I irirosūta yu buerā āārīduarā musā iriburire ōārō gūñadupiyuro gāamea. Āsū āārā. Musā gāamerīrē piriduamerā yu buerā āārīmasībea.

**Moā ōārō okari irirosū āārīrō gāamea, ārī weredea**

(Mt 5.13; Mr 9.50)

<sup>34</sup>Moā ōārō okari āārīmakū ōāgorāa. Moā okadea okabirimakū, dupaturi okamakū irimasīña máa. <sup>35</sup>Moā okabirimakū ōabea. Béokōārō gāamea. Irasirirā musā moā okabirimakū béosūburi irirosū neō āārībirikōaka! Gāmipūrī oparā, ire ōārō péka! ārī wereyupu Jesús.

**Jesús oveja dederidi keori merā budea**

(Mt 18.10-14)

**15** <sup>1</sup>Gajinu wārā romano marā opure niyeru wajaseabosarimasā, ñerō iririmasāde Jesús puro Īgū buerire péra ejañurā. <sup>2</sup>Īgūsā irasū ejamakū iārā, fariseo bumarā, Moisés gojadeare buerimasāde Jesúre āsū ārī werewuñurā: —Ī ñerārē bokatīrīñea, Īgūsā merā baami, ārīñurā.

<sup>3</sup>Īgūsā irasū ārīmakū pégu, Jesús i keori merā wereyupu Īgūsārē:

<sup>4</sup>—Oveja korerimasū cien oveja opagu, sugu oveja dederimakū iāgū, noventa y

nueve ovejare makā turo ĩgūsā baarogue duripíkōā, dederiadire āmagú waakumi. ĩgūrē bokagugue āmuduúkumi. <sup>5</sup>ĩgūrē bokagu, usuyari merā ĩgūrē āikōā, <sup>6</sup>ĩgūya wiigue āi dujáakōākumi. Āi dujaja, ĩgū pūro āārīrārē, ĩgūyarārē siiu neeōkumi. “Yaagu oveja dederiadire bokáabū. Irasirirā yu merā usuyaka!” ārīkumi.

<sup>7</sup>Musārē werea. Sugu ñerō irigu, oveja dederiadi irirosū āārīmi. Irasirigu ĩgū ñerō iririre bujawere, ĩgū gūñarīrē gorawayumakū, Marīpu pūro āārīrā būro usuyama. Gajirā wārā masaka ĩgūsā noventa y nueve oveja, makā turogue duripīnerā irirosū āārīrā, āsū ārī gūñadima: “Ñerō iribea gua gapu. Irasirirā gua ñerō iririre bujoweri opabea”, ārī gūñama. ĩgūsā irasū ārī gūñamakū, Marīpu pūro āārīrā usuyabema.

**Jesús niyeru koe dederidea  
keori merā buede**

<sup>8</sup>Sugo nomeō pe mojōma niyeru koeri wajapari koeri opakumo. Su koe dederimakū ĩāgō, sīāgodirure sīāgo, wiire ooa, oārō āmapekumo. Iri koere bokagogue āmaduúkumo. <sup>9</sup>Iri koere bokago, ĩgo pūro āārīrārē, ĩgoyarārē siiu neeōkumo. “Yaa niyeru koe, dederiadea koere bokáabū. Irasirirā yu merā usuyaka!” ārīkumo. <sup>10</sup>Musārē werea. Sugu ñerīrē irigu ĩgū ñerī iririre bujawere, ĩgū gūñarīrē gorawayumakū, Marīpūre wereboerā būro usuyarākuma. ĩgū dederiboadi dederibirimakū ĩārā, būro usuyarākuma, ārīyupu Jesús.

**Jesús sugu pērā pūrākudi  
keori merā buede**

<sup>11</sup>Irasū ārī odo, Jesús gaji keori merā bueyupu doja:  
—Sugu masaku pērā ūma pūrākukumi. <sup>12</sup>Sunu pagumu gapu pagure āsū ārīkumi: “Au, mū boagu, yure siburire ñapagorata yure síweoka!” ārīkumi. ĩgū irasū ārimakū pégu, ĩgū pūrā pērāguereta ĩgū oparire dukawa, sikumi. <sup>13</sup>Mérōgā pūrta, pagumu

gapu ĩgū pagu síadeare āārīpereri duapeokōākumi. Pūru ĩgū duadea waja niyeru merā yoarogue gaji nikūgue waakōākumi. Irogue eja, ĩgūya niyerure ñerō iriri merā ĩrisiripeokōākumi.

<sup>14</sup>ĩgūya niyeru ĩrisiribeoadero pūru, iri nikūguere baari pereakōākoa.

Irasirigu būro uaboapurorinugākumi.

<sup>15</sup>Irasirigu, sugu iri nikūmu pūro, moārī āmagú waakumi. ĩgū gapu ĩgūrē ĩgūya moārī āārīrōgue yeseare koredoregu iriukumi. <sup>16</sup>Yapiduagu, yeasea baarireta baaduadikumi. Neō gajirā ĩgūrē baari ejobirikuma. <sup>17</sup>Irasirigu āsū ārī gūñanugākumi: “Yurūya wiire wārā ĩgūrē moāboerā āārīkeremakū, baari wāro duyanabū. Yu gapu oōguere būro uaboari merā kōmogūgue irikoa.

<sup>18</sup>Irasirigu yupu pūrogoe goedujāagura doja. Āsū ārīgura ĩgūrē: ‘Au, yu Marīpu ĩūrōrē ñerō irikubū. Mudere irasūta irikubū’, ārīgura. <sup>19</sup>Ñegū āārā. Yūre:

“Yu magū āārā”, ārībirikōāka! Irasirigu yure sugu mūrē moāboegu irirosū opaka! ‘ārīgura yurūre’, ārī gūñakumi.

<sup>20</sup>Irasū ārī gūña, maague waa, ĩgū paguya wiigue goedujāakōākumi.

ĩgū yoarogue aarimakūta, ĩgū pagu ĩgūrē ĩā, būro boponakumi. Pūru ūmawāgā, ĩgūrē bokatīrī, pábua, mimi irikumi. <sup>21</sup>Irasirigu ĩgū pagure ārīkumi:

“Au, yu Marīpu ĩūrōrē ñerō irikubū. Mudere irasūta irikubū. Ñegū āārā. Yūre: ‘Yu magū āārā’, ārībirikōāka! Irasirigu yure sugu mūrē moāboegu irirosū opaka!” ārīkumi ĩgū pagure.

<sup>22</sup>ĩgū irasū ārīkeremakū, ĩgū pagu gapu ĩgūrē moāboerārē ārīkumi: “Murīgorāa.

Surī oārīrē āirā waa, sāka! Mojōsūrū túsārī berodere sāka! Gubu surīdere sāka! <sup>23</sup>Weku majīgū oārō díikugure āirā waa, wējeka, ĩgūrē baa, yu magū goejari bosenu irimurā. <sup>24</sup>Ī yu magū boakōākumi, ārādi goejami. Okami. Dederidire marī bokāa”, ārīkumi. Pūru bosenu ĩrinugākuma.

<sup>25</sup>ĩgūsā bosenu iriripoe, masā tīgū gapu poeque āārīkumi. Irogue āārādi goedujarigu, wī pūro eja, ĩgūsā bayarire pékumi. <sup>26</sup>ĩgūsā bayamakū

pégü, sugü ïgü pagure moãboegure siiu, sêrêñakumi: “¿Naásü waáari wiiguere?” árikumi. <sup>27</sup>“Mü pagumü püríri marígü, òägü goejami. Irasirigü mupü usuyari merä wekü majígü dílkugure wêjêdoreami”, ári yujukumi moãboegu ïgürê. <sup>28</sup>Ígü irasü ári weremakü pégu, masä ígü gapü buro guakumi. Wiigue ñajábirikumi. Ígü ñajábirimakü iägü, ïgü pagü wiria, ïgürê: “Ñajárika!” áradikumi. <sup>29</sup>“Au, péka! Yü wári bojori mü dorerire neò suñarò tarinügärò maríró murè moãbosabü. Yü irasirikeremakü, neò sugü waibü sibiribü, yü merámarä merä bosenu iriburo, árigü. <sup>30</sup>Í mü magü gapü ñerä nome merä müyare irisiribéodi áärímí. Irire irisiribéo odo, ïgü goejamakü, wekü dílkugure ïgürê wêjê, ejoa”, árikumi ïgü pagure. <sup>31</sup>“Makü, mü yü merä áäríníköáa. Irasiriro áärípereri yü opari müya dita áärä. <sup>32</sup>Í mü pagumü boaköákumi, árädi goejami. Okami. Dederidire marí bokáa. Irasirirá ïgü goejamakü, marí bosenu iri usuyamakü òägüáa”, árikumi ïgü magürê, ári weryupü Jesús.

**Jesús, wári doebiri opaguyare koreboegu keori merä weredeá**

**16** <sup>1</sup>Jesús irasü ári odo, ïgü buerärê i keori merä weryupü: —Sugü masakü wári doebiri opagu áäríkumi. Irasirigü, ïgüyare koregure opakumi. Gajirá gapü ïgü òärò korebirimakü iärä, ïgü opuquere: “Müya niyerure irisirigü iriami”, ári weresákuma. <sup>2</sup>Ígüsä weresámakü pégu, ïgüyare koregure siiu: “Gajirá yaa niyeru mü irisirire weresáma. Yaare mü moäríre gojatúri pürê yure ímuka! Irasirigü yaare korenemobiriköáka pama!” árikumi ïgü opu ïgürê. <sup>3</sup>Ígü irasü árimakü, niyeru koregu ásü ári güñakumi: “Yü opu ñere béowíubu yámi. Yü turabea. Irasirigü turaro moäríre bokatübirikoa. Gajirärê niyeru sêrê doanígü, guyasírigorakoa. ¿Nasirigükuri yü?” ári güñakumi. <sup>4</sup>Puru güñanemokumi doja: “Dapagorare yü iriburire masísíáa. Yure moärí

marímakü, yü ásü irimakü iärä, yure gajirá ïgüsäya wiirigue ñajáderorákuma”, ári güñakumi. <sup>5</sup>Irasirigü, ïgü opuere wajamorärê suguno ditare siiu, sêrêñakumi ejarapurorigure: “¿Yü opuere noópa wajamorí mü?” ári sêrêñakumi. <sup>6</sup>Wajamogü ïgürê yujukumi: “Cien dukari olivo wáikudi uyere wajamokoa”, árikumi. Ígü irasü ári weremakü, ásü árikumi ïgürê: “Doaka, murígoráa! Mü wajamoríre gojatúdea pü, i pü áärä. Iri pürê ái, gají püguere cincuenta dukarita gojatúka!” árikumi. <sup>7</sup>Puru gajigure sêrêñakumi: “¿Mukoa, noópa wajamorí?” árikumi. Wajamogü ïgürê yujukumi: “Cien trigo ajuri wajamokoa”, árikumi. Ígü irasü árimakü, ásü árikumi ïgürê: “Mü wajamoríre gojatúdea pü, i pü áärä. Iri pürê ái, gají püguere ochenta ajurita gojatúka!” árikumi. <sup>8</sup>Ígü opu, ïgü irasü òärò irikatomerémakü iägü: “Mü ñegü áäríkeregu, mü masíri merä òärò niyerure moámasía”, árikumi. I ümugue marä Marípüre masíbirikererä, Marípuyará ïgüsäya niyerure moámasíró nemorò moámasíma, ári weryupü Jesús.

<sup>9</sup>Irasü ári odo, ásü ári werenemoyupü: —Musä i ümuma oparire boporärê síka, müsärê maíburo, árirá! Musä irasü símakü, müsä opadea pereadero puru ümugasigü müsä ejamakü, írogu áärírá müsärê usuyari merä bokatíriñeärákuma.

<sup>10</sup>Sugü mérígä opari merä òärò irigü, wári opari merádere òärò irigükumi. Gajigü mérígä opari merä òärò iribi, wári opari merádere òärò iribirikumi. <sup>11</sup>Musä i ümuma merä òärò iribirimakü, ¿noä Marípuyare diaye òärí oparire síbukuri müsärê? <sup>12</sup>Gajiguyare müsä òärò iribirimakü, ¿noä müsä òärò áäríburire síbukuri müsärê?

<sup>13</sup>Neò sugü moärímasü përá oparärê moãboemasíbirikumi. Sugü opuere maígü, gajigü gapure maíbirikumi, o sugü opuere büremugü, gajigü gapure yujubirikumi. Ígüsä irirosüta niyerure maítarigü, Marípü gapure maíbemi, áriyupü Jesús.

<sup>14</sup>Īgū irasū ārimakū pérā, fariseo bumarā gapu niyerure maĩrā āārisiā, ĩgūrē buridañurā. <sup>15</sup>Īgūsā irasū buridakakū pégu, Jesús ĩgūsārē wereyupu:

—Musā, masaka ĩūrōrē ōārō iriadāa. Īgūsā, musā iririre ĩārā: “Ōārā diayemarē irirā āārĩma”, āirĩrē buro péduāa. Marĩpu gapu musā gūñarĩrē masĩmi. Masaka ĩgūsā basi iririre: “Ōātaria”, ārĩ gūñadima. Marĩpu gapu ĩgūsā iririre: “Netaria”, ārĩ ĩāmi.

**Jesús, Marĩpu dorerire, ĩgū marĩ Opu āārĩrĩrē weredea**

<sup>16</sup>Juan masakare wāiyedi ejaburo dupiyuro Marĩpu ĩgū Moisére doreri pídeare merā, ĩgūya kerere weredupiyunerā buedea merā marĩrē doredi āārĩmĩ. Dapagora gapure Juan ejadero puru, Marĩpuya ōārĩ kerere, ĩgūyarārē dorerire yu werea. Yu irire weremakū pérā, masaka ĩgūsā turari merā ĩgūyarārē doreroguere buro ñajādñama.

<sup>17</sup>Ūmugasi, i nikūde pererokoa. Iri perekeremakū, Marĩpu Moisére doreri pídeare neō béobirikumi. Iri doreri merā āārĩpereri ĩgū: “Āsū irigura”, ārideare iriyuwarikugukumi ĩgū ārĩderosūta, ārĩyupu Jesús.

**Jesús masakare: “Musā marāposā nomerē béobirikōāka!” ārĩ buedea**  
(Mt 19.1-12; Mr 10.1-12)

<sup>18</sup>Irasū ārĩ odo, āsū ārĩnemoyupu:

—Sugu ĩgū marāpore béo, gajigo merā marāpokugū, igo merā ñerō irigu yāmi. Gajigu béodeore marāpokugude igo merā ñerō irigu yāmi, ārĩyupu.

**Jesús doebiri wāri opaguya, gajigu Lázaro wāikuguya keori merā buedea**

<sup>19</sup>Puru Jesús gajĩ keori merā wereyupu doja:

—Sugu wāri doebiri opagu āārĩdi āārĩmĩ. Surĩ wajaparire sñādi āārĩmĩ. Irasirigu wāri opagu āārĩsiā, ūmuriku bosenu irigu irirosū ōārĩ ditare baarikūdi āārĩmĩ. <sup>20</sup>Gajigu bopogu

Lázaro wāikugu, ĩgūya dupu āārĩperero kāmikugu wāri doebiri opaguya wii makāpuro doanadi āārĩmĩ. <sup>21</sup>Wāri doebiri opagu baamakū, bopogu gapu ĩgū baasiridijuri pogare baayapiduagu, sea, baadi āārĩmĩ. ĩgū iro doaripoe diayéa ĩgū puro eja, ĩgūya kāmire neerēnerā āārĩmĩ.

<sup>22</sup>Puru bopogu boakōadi āārĩmĩ. ĩgū boamakū, Marĩpore wereboerā paraíso wāikurogue Abraham āārĩrōgue ĩgūrē āimurĩnerā āārĩmĩ. Mérōgā puru wāri doebiri opagude boakōadi āārĩmĩ. ĩgū boamakū, ĩgūrē yānerā āārĩmĩ. <sup>23</sup>Irasirigu doebiri opagu āārĩdi boanerā āārĩrōgue eja, buro poyari merā āārĩdi āārĩmĩ. ĩgū iroque āārĩgū, ūmugasigue ĩāmu, Abrahamē yorogue āārĩmakū ĩādi āārĩmĩ. Lázarodere ĩgū merā āārĩmakū ĩādi āārĩmĩ.

<sup>24</sup>Irasirigu buro gaguinĩdi āārĩmĩ: “Yu ñekū Abraham, bopoñari merā ĩāka yure! Lázarore iriuka! ĩgū yure ĩgūya mojōsūrū merā dekore yosa, yaa nedirure yusañajāmakū irigu aariburo. Yu i peameguere buro poyagu irikoa”, ārĩdi āārĩmĩ. <sup>25</sup>Īgū irasū ārĩkeremakū, Abraham gapu ĩgūrē āsū ārĩdi āārĩmĩ: “Maku, okagu āārĩgūgue āārĩpereri ōārĩrē opabu mu. Lázaro gapure ūmuriku ñerō waabu. Dapagorare mu ñerō tariripoere ĩgū gapu ōdoguere usuyari merā āārĩkōgū yāmi.

<sup>26</sup>Gajĩ āsū āārā. Ūkūārĩ gobe miē āārā. Irasirirā ōdoguere āārĩrā mu puroguere waamasibema. Mu purogue āārĩrā ōdogue aariduakererā, aarimasibema”, ārĩdi āārĩmĩ Abraham. <sup>27</sup>Īgū irasū ārĩmakū, doebiri opadi āsū ārĩdi āārĩmĩ: “Yu ñekū Abraham, murē buro sērēa. Lázarore yurūya wiigue iriuka! <sup>28</sup>Yu su mojōma pererā pagupūrāka. Lázarore weredoregu iriuka, ĩgūsārē ōdoguere ñerō waarōguere aaribirikōāburo, ārĩgū”, ārĩdi āārĩmĩ. <sup>29</sup>Īgū irasū ārĩmakū, Abraham gapu yujudi āārĩmĩ: “Marĩpu ĩgū dorerire Moisére pídeare, Marĩpuya kerere weredupiyunerā gojadedere opama mu pagupūrā. Irasirirā irire bue, būremuburo”, ārĩdi āārĩmĩ. <sup>30</sup>Īgū irasū



ārīmakū, doebiri opadi gapu yujudi āārīmi: “Yu ņekū Abraham, īgūsā irire opakererā, ōārō būremubirikuma. Lázaro boadigue masā, īgūsā pūro waa, īgūsārē weremakū, īgūsā ņerō iririre būjawere, īgūsā gūñarīrē gorawayurākuma. Irasirirā ōārī gapure irirākuma pama yu pagupūrā”, āārīdi āārīmi. <sup>31</sup> Īgū irasū ārīmakū, Abraham gapu īgūrē āsū ārī weredi āārīmi: “Mū pagupūrā Marīpu īgū dorerire Moisére pīdeare, īgūya kerere weredupiyunerā gojadeadere būremumerā, Lázaro boadigue masā, īgūsārē weremakūdere Marīpure būremubirikuma”, āārīdi āārīmi Abraham, ārī weryupu Jesús.

**Gajirārē ņerō irimakū iribirikōāka! ārī weredeā**

(Mt 18.6-7, 21-22; Mr 9.42)

**17** <sup>1</sup> Jesús īgū buerārē āsū ārī weryupu:

—Masakare ņerō irimakū iriri, āārīnīkōārokoka. Gajirārē ņerō irimakū iriguno gapu ņetarīro tarīgukumi. <sup>2</sup> Sugū yure būremugūrē majīgū irirosū āārīgūrē ņerō irimakū irigu, būro wajamoāsūgukumi. Irasiriro, īgū gajigure ņerō irimakū iriburi dupiyuro masaka īgūrē wārīye ūtāye merā wūnugūge suasiu, wādiyague meeyomakū ōābukoka. <sup>3</sup> Irasirirā ōārō pémasīka musā! Mūyagu mūrē ņerō irimakū īāgū: “Irinorē iribirikōāka!” ārīka īgūrē! Irasirigu īgū ņerō iriadeare būjawere, īgū gūñarīrē gorawayumakū īāgū, īgū ņerō iriadeare kātika! <sup>4</sup> Irasirigu sunārē su mojōma pere gaji mojō peru pērebejarigora mūrē ņerō irimakū īāgū, irikuta mūrē kātiri sērēgū ejamakū, kātika! ārīyupu.

**Marīpure būremurirē weredeā**

(Mt 13.31-32)

<sup>5</sup> Jesús irasū ārīmakū pērā, īgū buerā āsū ārīñurā:

—Gūare Marīpure būremunemomakū irika!

<sup>6</sup> Īgūsā irasū ārīmakū, marī Opu Jesús ārīyupu:

—Marīpure musā būremurī opari, mostazayegā irirosū mērōgā āārīkeremakū, īgū sicómoro wāikudire: “Tūāduuwāgā, wādiyague ejanūgārō waaka!” ārībukoka. Musā būremurī merā doremakū, musā ārīrōsūta waakoka, ārīyupu.

**Sugū moāboerimasū iririre weredeā**

<sup>7</sup> Irasū ārī odo, āsū ārīnemoyupu doja:

—Musā watopegue āārīgū sugū moāboegure opakumi. Īgū poegue moākumi, o wekware korekumi. Īgū moā odo, wiigū dujajamakū tārā, īgūrē: “Murīgōra, baagu aarika!” ārībukuri?

<sup>8</sup> Ārībirikoka. Āsū gapu ārīkoka: “Yu baaburire āmuka! Pūru yu baa, iiri iriripoere yure baari sīnemobu yūka! Yu baa ooadero pūru, mude baagukoka pama”, ārīkoka musārē moāboegure.

<sup>9</sup> Īgū musā moādorere ōārō irimakū īārā, īgūrē: “Ōāa, mū merā usyāa”, ārībukuri? Ārībirikoka. <sup>10</sup> Musāde īgū irirosūta āārīpereri Marīpu dorerire iri odo, āsū ārīka! “Gua īgūrē moāboerā, ubu āārīrā āārā. Īgū doreri gūare pīdea ditare iriabū”, ārīka! ārīyupu.

**Jesús pe mojōmarā kāmī boarārē taudeā**

<sup>11</sup> Gajinu Jesús Jerusalégue waagū, Samaria nikū, Galilea nikū watope tariwāgāyupu. <sup>12</sup> Iro āārīrī makāgue īgū ejaripoe pe mojōmarā ūma kāmī boarā īgūrē bokatīrīrā aarīñurā. Kāmī boarā āārīsīā, yawewyarogue dujanūgā, suro merā gaguinīñurā:

<sup>13</sup> —Jesús, buegu, guare bopoñarī merā iāka! ārīñurā.

<sup>14</sup> Jesús īgūsārē īāgū, āsū ārīyupu: —Paīare musāya dupure imurā waaka! ārīyupu.

Īgūsā maague waaripoe īgūsāya kāmī yaripereakōāyuro. Kāmī marīrā dujañurā. <sup>15</sup> Irasirigu sugū īgūsā watope mū īgūya kāmī yarimakū īāgū, Jesús pūroge gāmedujarigu, busūro merā Marīpure: “Ōātaria mū”, ārī, usyari sīyupu. <sup>16</sup> Jesús pūro ejagu, īgūya guburi pūro űadukupuri merā

ejamejāja, ĩgūya diapure yebague moomejāja, Jesúre: “Óāa”, āri, usųyari sīyupu. ĩgū Samariamų āarıyupu.

<sup>17</sup>Jesús, ĩgū sugęta irasirimakū ĩgū, āsū ārıyupu:

—Pe mojōmarā āārāma kāmı tausūanerā. ĩGajırā su mojōma pere gajı mojō wapıkudıru pērebejarā gapu noogue āārıkuri? <sup>18</sup>ĩ guaya nikūmu āārıbi dita Marıpure usųyari sıgū gamedujariañumi. ĩNasırırā gajırā ĩgū merā āārānerā gapu aaribirayuri? ārıyupu.

<sup>19</sup>Irasū ārı odo, ĩgūrē āsū ārıyupu:

—Wāgānųgā, waaka! Mų Marıpure bųremurı opasıā, kāmı marıgū dujabu, ārıyupu.

### Jesús, Marıpu doreri ejaburire weredeā

(Mt 24.23-28, 36-41)

<sup>20</sup>Iro āārırā fariseo bumarā Jesúre āsū ārı sērēñañurā:

—ĩNaásū āārımakū, Marıpu ĩgūyarārē doreri ejarokuri? ārıñurā. ĩGūsā irasū ārımakū pęgu, yųyuyupu:

—Marıpu ĩgūyarārē doreri ejamakū, musā ĩāmasıbea. <sup>21</sup>“Marıpu ĩgūyarārē doreri oogue āārābu, o sōogue āārā”, ārımasıña maa. ĩGūyarārē doreri musā watopegue āārısiāā, ārıyupu.

<sup>22</sup>Irasū ārı odo, ĩgū buerārē āsū ārıyupu:

—Pųnųgue yų āārıpererā tıgū i ĩmųgue dupaturi aariburire bųro ĩāduarākoa. Yų aarıburı dupıyuro sunų yųre ĩāduakererā, neō sunų ĩābirıkoa.

<sup>23</sup>Gajırā musārē āsū ārırākuma. “ĩāka! Cristo oōta āārımi”, o gajırā: “Cristo sōogue āārāmi”, ārırākuma. ĩGūsā irasū ārıkeremakū, ĩgūsārē neō tųyabırıkōāka! <sup>24</sup>Yų āārıpererā tıgū i ĩmųguere dupaturi aarıgū, bupu āārıperero ĩmarōrē gūñaña marırō mıārōsū, gūñaña marırō aarıgūkoa.

<sup>25</sup>Yų dupaturi aarıbuo dupıyuro yųre bųro ñerō tarıro āārā. Dapagora marā yųre gāamebirıkuma. <sup>26</sup>Noē āārıdeapoe marārē waaderosıta yų āārıpererā tıgū aarıbuo dupıyurogārē waarokoa.

<sup>27</sup>Noē āārıdeapoe masaka baa, iırı, mojōsuaunanerā āārımā. ĩGūsā pūrā nomerē nomesunanerā āārımā. Noē doódiru wadırugue ñajārınųguedere irasıta irınkōāunanerā āārımā. Pųru Marıpu ĩgūsā āārıpererē mıübēopeokōādı āārımı. Irasıta waarokoa yų dupaturi aarımakūdere.

<sup>28</sup>Lot āārıdeapoedere murārōta irıunanerā āārımā. Baa, iırı, wajari, dua, ote, wiıre irıunanerā āārımā. <sup>29</sup>ĩgūsā irasū irırıpoe ĩgūsāya makū Sodoma wāıkuri makārē Lot wrıdeanųrē deko merērōsū, ĩmųgasıma peame, azufre wāıkuri poga ũjādıjari, ĩgūsārē wējēpeokōādero āārıbū. <sup>30</sup>Yų āārıpererā tıgū gūñaña marırō i ĩmųgue dupaturi aarırınųrē masakare irasıta waarokoa.

<sup>31</sup>Irasū waarıpoere sugu ĩgūya wıı wekague āārıgū, wıı poekague ĩgūyare āıgū dıjabırıkōāburo. Murārōta gajıgu ĩgūya poeegue āārıgū, ĩgūya wııgue dıjāabırıkōāburo. <sup>32</sup>Lot marāpo igoya makārē ĩāgamedujugo, moā turu irırosū poyanųgādeare gūñaka! <sup>33</sup>Sųgu ĩgūya āārıburı dıtare gūñagū perebırı peamegue waadederıgukumi. Gajıgu yaare gūñagū tarıgukumi. Marıpu pųrogue waagukumi ĩgū merā oārō āārırıbu.

<sup>34</sup>Mūsārē werea. Irasū waaburı ñamırē, pērā peyarogue kārırākuma. Sųgu yųre bųremugū āısųgukumi. Gajıgu yųre bųremubı dıjagukumi.

<sup>35</sup>Nomede pērā ojoduka bıurā āārırākuma. Sugo yųre bųremugū āısųgokumo. Gajıgo yųre bųremubeo dıjagokumo. <sup>36</sup>Pērā poeegue moārā āārırākuma. Sųgu āısųgukumi. Gajıgu dıjagukumi, ārıyupu.

<sup>37</sup>ĩgū irasū ārımakū pērā, ĩgū buerā sērēñañurā:

—Gųa Opų, ĩnoogue irasū waarokuri? ārıñurā.

Jesús yųyuyupu:

—Mımuā nerēmakū ĩārā, masaka sugu waıbu boadı āārırōrē masıkuma. I irırosū yų aarımakū ĩārā, ĩgūsā wajamoāsıburıre masırākuma, ārı wereyupu Jesús.

Jesús sugo wapiweyo, weresārīrē  
beyerimasū keori merā buedea

**18** <sup>1</sup>Puru Jesús igū buerārē buegū, āsū āriyupu: “Musā Marīpure sērērā, piriro marīrō gūnaturari merā sērēka!” āriyupu. Irasirigu i keori merā weryupu. <sup>2</sup>Āsū āriyupu:

—Su makārē sugū weresārīrē beyerimasū āārīkumi. Īgū Marīpure, masakadere buremubirikumi. <sup>3</sup>Iri makārēta sugo wapiweyo āārīkumo. Igo igū pūroge igūrē iritamurī sērēgō waanakumo: “Yure iaturigure wajamoāadoreka!” ārinakumo. <sup>4</sup>Igo irasū āirīriku, igore: “Iribirikoa”, ārinakumi. Īgū irasū ārīkeremakū, wāri igūrē sērē, garibokumo. Igo gariborire piribirimakū iāgū, āsū āri gūnakumi igū basi: “Yu Marīpure, masakadere buremubi āārīkeremakū, <sup>5</sup>igo yure garibotarimo. Yure irasū garibogo yure gariboreamakū yāmo. Irasirigu igore iaturigure igo weresārīrē pé, igūrē wajamoāoderegukoa pama”, ārīkumi, āri weryupu Jesús.

<sup>6</sup>Irasū āri odo, marī Opū werenemoyupu:

—Ī weresārīrē beyerimasū ñegū āārīkeregu, igo sērēnīrīrē pékumi. Īgū irasirideare oārō pémasika musā! <sup>7</sup>Īgū nemorō Marīpu gapū igū beyenerārē ūmurī, ñamirī igūrē buro sērēnīrārē iritamugukumi. “Iritamubirikoa”, āribirikumi igūsārē. <sup>8</sup>Musārē werea. Marīpu gajirā igūsārē ñerō irimakū iāgū, igūsā sērērīrē pé, yooboro marīrō igūsārē iritamugukumi. Īgū irasū oārō pégu āārīkeremakū, yu āārīpererā tīgū i ūmugue dupaturi aarīgū, Marīpure buremurārē igūrē sērērārē bokagakuri? āriyupu.

Jesús fariseo bumū, gajigu romano  
marā opure niyeru wajaseabosarimasū  
keori merā buedea

<sup>9</sup>Jesús irasū āri odo, gajī keori merā bueyupu. “Gua gapū oārā āārā. Gajirā gapū ñerō irirā āārīma”, āri gūnarārē i keori merā āsū āri weryupu:

<sup>10</sup>—Pērā ūma Marīpuya wiigue igūrē sērērā waakuma. Sugū fariseo bumū, gajigu romano marā opure niyeru wajaseabosarimasū āārīkuma. <sup>11</sup>Fariseo bumū gapū ejanugā, iāmu, āsū āri werenīkumi: “Gurpu, yu murē usuyari sīa. Yu, gajirā yajarimasā, ñerī iririmasā, nome merā ñerō iririmasā irirosū āārībea. Irasū āārīmakū, neō ĩ romano marā opure niyeru wajaseabosarimasū irirosū āārībea. Irasirigu murē usuyari sīa. <sup>12</sup>Semanarikū penū berea murē buremugū. Pe mojōma niyeru koeri wajatagu, su koe murē sīa. Āārīpereri yu wajatarire murē irasū dita sīa”, ārīkumi. <sup>13</sup>Niyeru wajaseabosarimasū gapū neō ñajārōge dujanugā, muūsionugāja, igū ñerī oparire gūna, bujawere, ūmugasigū neō iāmurō marīrō igūya koretibire pá, āsū ārīkumi Marīpure: “Yu ñegū āārā, irasirigu yure bopoñarī merā iāka!” ārīkumi. <sup>14</sup>Musārē werea. Ī niyeru wajaseabosarimasū, Marīpu iūrō oāgūge igūya wiigue dujāakumi. Fariseo bumū gapū, Marīpu iūrō waja opaguta igūya wiigue dujāakōākumi. Āsū āārā. Sugū igū basi: “Gajirā nemorō oāgū āārā”, āri gūnagūnorē Marīpu igūrē ubu āārīgū āārīmakū irigukumi. Gajigu Marīpure: “Ñerō iriabū, irasirigu yure bopoñarī merā iāka!” ārīgū gapure Marīpu igū iūrō oāgū āārīmakū irigukumi, āri weryupu Jesús.

Jesús majirāya āārīburire Marīpure  
sērēbosadea

(Mt 19.13-15; Mr 10.13-16)

<sup>15</sup>Puru masaka majirāgārē Jesure moañadorerā igū puro āijañurā. Īgūsā āijamakū iārā, Jesús buerā igūsārē bokatīrī: “Īgūrē garibobirikōāka!” āriñurā. <sup>16</sup>Jesús gapū majirāgārē igū puro siiu, igū buerārē āriyupu:

—Majirā yu pūroge aariburo. Kāmutabirikōāka igūsārē! Marīpu igūyarārē doreroge āārīmurā, iīsā majirā yure usuyari merā bokatīrīñeārā irirosū āārīma. <sup>17</sup>Diayeta musārē werea. Īsā majirā Marīpure igūsā Opure gāāmerā irirosū āārīmerāno,

Īgūyarārē doreroguerē waabirikuma, āriyupū.

**Sugu maamu wári doebiri opagu**

**Jesús merā werenídea**

(Mt 19.16-30; Mr 10.17-31)

<sup>18</sup>Puru sugu judío masaka oparā merāmū Jesúre sērēñayupū:

—Ōāgū buegu, yū ūmugasigū perebiri okarire wajatadūagu, ĩñeénonē irigūkuri? āriyupū.

<sup>19</sup>Jesús ĩgūrē āriyupū:

—ĪNasirigū yure: “ōāgū”, āriri? Marīpū sugūta ōāgū āārīmi. <sup>20</sup>Mū, ĩgū doreri pídeare masía: Gajigū marāpo merā ñerō iribirikōāka! Masakare wējēbirikōāka! Yajabirikōāka! Gajirāyamarē ārikatori merā weribirikōāka! Mū pagusāmarārē gopeyari merā buremuka! āriyupū.

<sup>21</sup>Īgū irasū ārimakū pégu, Jesúre yujyupū:

—Iri doreri āārīpererire majīgūgāgueta iripeosiabū yū, āriyupū.

<sup>22</sup>Īgū irasū ārimakū pégu, Jesús ĩgūrē āsū āriyupū:

—Mūrē su wāi dūyáa. Āārīpereri mū oparire duagu waaka! Mū duadea wajare boporārē guereka! Irasirigū ūmugasiguere wári ōārī opagukoa. Odo, yū merā aarika! āriyupū.

<sup>23</sup>Īgū irasū ārimakū pégu, ĩgū gapū ĩgū wári oparire maísā, būro bujawereri merā āārīnūgāyupū. <sup>24</sup>Īgū bujaweremakū ĩāgū, Jesús āsū āriyupū:

—Wári doebiri oparārē Marīpū ĩgūyarārē dorerogue ĩgūsā waadūamakū diasatariakōāa. <sup>25</sup>Camellu wawiru gobegāgū ñajātariweremasībirikumi. I nemorō wári doebiri opagure Marīpū ĩgūyarārē dorerogue waamakū diasāa, āriyupū.

<sup>26</sup>Īgū irasū ārimakū pérā, masaka āsū ārīñurā:

—Iro merē, ĩnoā gapū Marīpū tausūmurā ĩgū pūroque waamurā āārībukuri? ārīñurā.

<sup>27</sup>Jesús ĩgūsārē āriyupū:

—Masaka ĩgūsā basi ĩgūsā iriri merā Marīpū pūroque waamasībema. Marīpū

dita ĩgūsārē ĩgū pūro āārīmurā waamakū irimasīmi, āriyupū.

<sup>28</sup>Īgū irasū ārimakū pégu, Pedro ĩgūrē āriyupū:

—Gua Opu, gua mūrē tūyarā, āārīpereri gua opadeare pípeokōābū, āriyupū.

<sup>29</sup>Īgūrē Jesús āsū ārī yujyupū:

—Dayeta musārē werea. Marīpū ĩgūyarārē doreri kerere wererē waarā, ĩgūsāya wiirire, marāposā nomerē, ĩgūsā pagupūrārē, pagusāmarārē, pūrārē pípeorā, wári ōārī wajatarākuma.

<sup>30</sup>Īgūsā iro dupiyuro opaderosū i ūmuguere nemorō wári ōārī wajatarākuma. Puru i ūmū peremakū, ūmugasigū perebiri okari oparākuma Marīpū merā āārīnūmurā, āriyupū.

**Dupaturi Jesús ĩgū boaburire weredeā**

(Mt 20.17-19; Mr 10.32-34)

<sup>31</sup>Puru Jesús ĩgū buerārē pe mojōma pere su gubu peru pērēbejarā ditare siiuwāgā, āriyupū:

—Ōārō péka! Marī Jerusalégue waarā yāa. Iroque āārīpereri Marīpūya kerere weredupiyunerā yure āārīpererā tīgūrē gojaderosūta yure waarokoa. <sup>32</sup>Irasirirā yure ñeā, judío masaka āārīmerāguere wiarākuma. ĩgūsā yure būrida, ñerō wereni, síku eotūbīrarākuma.

<sup>33</sup>Yure būro tārārākuma. Irasiri odo, wējērākuma. ĩgūsā yure wējēadero purū, ūrenū waarō merā masāgukoa, āriyupū.

<sup>34</sup>Īgū buerā ĩgū irasū ārī wererire āārīpererire neō pémasībirīñurā. Marīpū irire ĩgūsārē pémasīmakū iribiriyupū dapa.

**Jesús Jericómūrē koye ĩābire taudea**

(Mt 20.29-34; Mr 10.46-52)

<sup>35</sup>Puru Jesús Jericó wāikuri makā tūroque ejaripoe ĩgū waarī maa tūro sugu koye ĩābi niyeru sērē doanīyupū.

<sup>36</sup>Irasirigū masaka wārā ĩgū pūro tariwāgānamakū pégu, iro āārīrārē sērēñayupū: “ĪNasirirā masaka wārā tariwāgānarī?” āriyupū.

<sup>37</sup>—Jesús Nazaretmū aarigú yāmi, ārīñurā.

<sup>38</sup> Ìgūsā irasū ārimakū pégu, āsū āri gaguiníyupũ:

—Jesús, David parāmi āāríturiagu, yure bopoñarí merā iāka! āriyupũ.

<sup>39</sup> Ìgū irasū āri gaguinímakū, masaka Ìgū dupiyuro āārírā gapũ Ìgūrē: “Toeaka!” āriñurā. Ìgūsā irasū ārīkeremakū, Ìgū gaguiníadero nemorō gaguinínemoyupũ:

—David parāmi āāríturiagu, yure bopoñarí merā iāka! āriyupũ.

<sup>40</sup> Ìgū irasū ārimakū pé, Jesús dujanugāja, masakare: “Āirika Ìgūrē!” āriyupũ. Ìgū irasū ārimakū pérā, gajirā Ìgūrē āiwāgāñurā. Ìgū p̄rogue āijamakū, Jesús Ìgūrē sērēñayupũ:

<sup>41</sup> —¿Neénorē yũ m̄rē irimakū gāāmerí? āriyupũ.

—Yũ Op̄, yure koye iāmakū irika! āri yũjuyupũ.

<sup>42</sup> —Jáu, iāka pama! Mũ yure b̄remurí op̄a. Irasirigu tausúa, āriyupũ Jesús Ìgūrē.

<sup>43</sup> Ìgū irasū ārimakūta, oārō iāmasiakōāyupũ. Irasirigu Jesúre t̄yawāgā, Maríp̄re: “Ōātaria m̄”, āri, us̄yari s̄iyupũ. Āārīpererā Ìgūrē irasū waamakū iārāde, Maríp̄re us̄yari s̄inurā.

#### Jesús Zaqueore iābokadea

**19** <sup>1</sup> P̄rũ Jesús Jericógue eja, iri makārē tariwāgāgū iriyupũ. <sup>2</sup> Irore sugũ masakũ Zaqueo wāikugũ wārí doebiri opagũ, romano marā op̄re niyeru wajaseaboerimasā op̄ āārīyupũ. <sup>3</sup> Ìgū Jesúre iāñadiyupũ. Masaka wārā watopegure ūmabi āārīsīā, Jesúre neō iābokabiriyupũ. <sup>4</sup> Irasirigu ūmadupiyuwāgā, Jesús tariwāgāburo p̄romũ yuku sicómoro wāikudigue m̄riayupũ Ìgūrē: “Ìāgura”, ārigũ. <sup>5</sup> Jesús irigu p̄ro tariagu, ūmarōgue peyagure iāboka, Ìgūrē āsū āriyupũ:

—Zaqueo, murígora, dijirika! Yũ dapagārē m̄ya wiita dujagũkoa, āriyupũ.

<sup>6</sup> Ìgū irasū ārimakū pé, Zaqueo mumurō merā dijiri, Jesúre b̄ro us̄yari merā bokatírīgũ waayupũ. <sup>7</sup> Ìgū

irasirimakū iārā, āārīpererā masaka werew̄añurā: “¿Nasirigu Jesús ñegũya wiigue dujagu waarí?” āriñurā.

<sup>8</sup> Irasirigu Zaqueo Ìgũya wiigue ejadero p̄rũ, wāgānugā, marí Op̄ Jesúre āriyupũ:

—Yũ Op̄, péka! Gajino boporārē yũ oparire deko merā dukawagura. Yũ gajirārē ārikatori merā yajadeare wapikuri āārīnemorō Ìgūsārē wiagura, āriyupũ.

<sup>9</sup> Jesús irire pégu, iri wii āārírārē āsū āriyupũ:

—Dapagā merā Ìgū, Ìgũya wii marā, Ìgūsā ñerō iridea wajare tausúma. Ìgũde Abraham parāmi āāríturiagu, yure b̄remugũ āārīmi. <sup>10</sup> Yũ āārīpererā t̄īgũ p̄rebiri peamegue waadederibonerārē āma, taugu aarigú iriba, āriyupũ.

#### Jesús pe mojōma niyeru koeri keori merā buedea

<sup>11</sup> Jesús Zaqueo merā werenímakū masakũ péñurā. Ìgū Jerusalén t̄rogue āārímakū iārā, āsū gūñañurā: “Gūñaña marírō Maríp̄ Ìgũyarārē dorero ejaburo yāa”, āri gūñañurā. Irasirigu Jesús keori merā Ìgūsārē <sup>12</sup> āsū āri wereyupũ:

—Sugũ masakũ, op̄ ñajáburo dupiyuro yorogue gaji nikũgue waakōākumi. Ìgūrē op̄ sóoadero p̄rũ, Ìgũya nikūrē goekumi. <sup>13</sup> Ìgū waaburo dupiyuro Ìgūrē moāboerā pe mojōmarārē siukumi. Siiu, Ìgūsākũ su koe wajapari niyeru koe s̄i, Ìgūsārē āsū ārikumi: “Yũ irogue āārīripoe i niyeru koe merā gajino wajari, duaka, gaji niyeru koeri wajatanemomurā!” ārikumi. <sup>14</sup> Irasū āri odo, op̄ ñajābu waakōākumi pama. Ìgũya nikū marā gapũ Ìgūrē gāāmebirikuma. Irasirirā, Ìgū waadero p̄rũ, gajirārē Ìgūrē weredorerā iriukuma. Irasirirā Ìgūrē: “Mũ, gũ op̄ āārímakū gāāmebea”, ārikuma. <sup>15</sup> Ìgūsā Ìgūrē gāāmebirikeremakū, Ìgūsā op̄ ñajākumi. Op̄ ñajāa odo, Ìgũya nikũgue goedujāakumi. Irasū goedujajagu, Ìgūrē moāboerārē Ìgūsā niyeru koe merā wajatanemoadeare masibu, Ìgūsārē siukumi. <sup>16</sup> Ìgū p̄ro ejar̄rorigũ āsū

ārīkumi: “Yū opu, mū niyeru koe yūre sīdea koe merā gaji pe mojōma koeri wajatanemobu”, ārīkumi. <sup>17</sup>Īgū irasū ārīmakū pégu, īgū opu ārīkumi: “Ōāgorāa. Mū yūre moāboegu oāgū āārā. Yū dorederosūta yū mērōgā murē pīdea merā ōārō iriyo. Irasirigu pe mojōma makārīrē doregu āārīgukoa”, ārīkumi īgū opu īgūrē. <sup>18</sup>Puru gajigu āsū ārīkumi: “Yū opu, mū niyeru koe yūre sīdea koe merā gaji su mojōma koeri wajatanemobu yūde”, ārīkumi. <sup>19</sup>Īgū irasū ārīmakū pégu, īgū opu ārīkumi: “Su mojōma makārīrē doregu āārīgukoa”, ārīkumi.

<sup>20</sup>Puru gajigu āsū ārīkumi: “Yū opu, mūya niyeru koe ōō āārā. Iri koere surīro gasiro merā ōma, duripību. <sup>21</sup>Mū gajirārē burō turaro merā moādoregu āārā. Mū basi moābirikeregu, otebi āārīkeregu, murē moāboerārē oterire otedore, īgūsārē oteri dukare seadore, irire mū basita opāa. Irasirigu murē gūiabu”, ārīkumi īgū opu. <sup>22</sup>Īgū irasū ārīmakū pégu, īgū opu ārīkumi: “Mū yūre moāboegu nēgū āārā. Irasirigu murē wajamoāgura. Mū yūre wereri merāta murē weregura. Mū yūre āsū ārā: ‘Mū gajirārē burō turaro merā moādoregu āārā. Mū basi moābirikeregu, otebi āārīkeregu, murē moāboerārē oterire otedore, īgūsārē oteri dukare seadore, irire mū basita opāa’, ārā mū yūre. <sup>23</sup>Mū irasū ārīgū, ĩnasirigu yū murē sīdea koere niyeru duripīri wiigue duripībiriri? Irogue duripīmakū, i wii moārā iri koe merā wāro wajatanemobosabukuma murē. Irasirigu, yū goejagu, mū yūre īgūsā iriri merā wajatanemobosadeare nēāboakuyo”, ārīkumi īgū opu īgūrē. <sup>24</sup>Irasū ārī odo, gajirārē īgū puro āārīrārē ārīkumi: “Īgūrē niyeru koere ēma, pe mojōma koeri opagu gapure sīka!” ārīkumi. <sup>25</sup>Īgū irasū ārīmakū, īgūsā āsū ārīkuma īgūrē: “Gua opu, pe mojōma koeri opagu opasiami”, ārīkuma. <sup>26</sup>Īgūsā irasū ārīmakū, opu āsū ārī yujukumi: “Mūsārē werea. Āārīpererā īgūsā opari merā ōārō irirā ōārīrē sīnemosūrākuma. Gajirā

ōārō irimerā īgūsā mērōgā opadideare ēmapeokōāsūrākuma. <sup>27</sup>Dapagorata yūre iaturirārē yūre opu nājāmakū gāamemerārē yū pūrogue āirika! Yū iūrō wējēka īgūsārē!” ārīkumi opu īgūrē moāboerārē, ārī wereyupu Jesús.

#### Jesús Jerusalégu ejadea

(Mt 21.1-11; Mr 11.1-11; Jn 12.12-19)

<sup>28</sup>Irasū ārī odo, gajirā dupiyuro Jerusalégu waayupu doja. <sup>29</sup>Irogue waa, Betfagē, Betania wāikuri makārī puro ejapuroriyupu. Iri makārī, Olivos wāīkudi itāū āārīdujimejārōgue āārīyuro. Irogue ejagu, īgū buerā pērārē āsū ārī iriuyupu:

<sup>30</sup>—Si makā marī bokatīūrō āārīrī makāgue waaka! Iro ejarā, sugū burrore īgūsā suantūadire neō suñarō peyasūna marīgūrē bokajarākoa. Īgūrē kura, ōōogu āirika! <sup>31</sup>Sugu mūsārē: “ĳNasirimurā īgūrē kurari?” ārīmakū: “Marī Opu gāāmeami”, ārīka! ārī iriuyupu.

<sup>32</sup>Īgū irasū ārīmakū, īgū buerā pērā makāgue waañurā. Irogue Jesús īgū ārāderosūta waayuro. <sup>33</sup>Irasirirā burrore īgūsā kuramakū iārā, īgū oparā īgūsārē sērēñañurā:

—ĳNasirimurā burrore kurari? ārīñurā.

<sup>34</sup>Īgūsā irasū ārīmakū pērā, āsū ārī yujñurā:

—Marī Opu īgūrē gāāmeami, ārīñurā.

<sup>35</sup>Puru burrore Jesús pūrogue āiāñurā. Āija, īgūsāya wekama surīre túwea, burro weka peo, Jesūre īgū wekague mārībejamakū iriñurā. <sup>36</sup>Jesús peyawāgārimakū, masaka īgūsāya wekama surīre túwea āi, īgū waaburi maaré sēōpīdupiyuñurā īgūrē būremurā. <sup>37</sup>Irasirirā Jerusalén pūrogue eja, Olivos wāīkudi itāū dijarirā, āārīpererā Jesūre būremurā īgūrē irogue tūyanerā āārīpererā īgū Marīpu turaro merā iri ĩmumakū iādeare gūñarā, usuyari merā Marīpūre: “Ōātaria mū”, ārī, burō gaguiniñurā īgūrē būremurā. <sup>38</sup>Āsū ārīñurā:

Marī Opure usuyari sīrā! Ī Marīpu marīrē taugu iriudi ōārō aariburo. Ūmugasigūe āārīrā siñājaburo.

Ígūsáde Marípure: “Ōātaria mu  
 āārīpererā Opū āārīgū”, āri,  
 usuyari sīburo, ārīñurā.”

<sup>39</sup>Ígūsā irasū ārīmakū pérā, surāyeri  
 fariseo bumarā irogue āārīrā Jesúre  
 ārīñurā:

—Buegu, mu buerārē wereka!  
 Toedoreka ígūsārē! ārīñurā.

<sup>40</sup>Ígūsā irasū ārīmakū, Jesús ígūsārē  
 uyjuyupū:

—Musārē werea. Ígūsā usuyari merā  
 wereníbirimakū, Marípū i útāyerire  
 gaguinímakū iribukumi, āriyupū.

<sup>41</sup>Purū Jesús Jerusalén turo eja, iri  
 makārē iā, oreyupū. <sup>42</sup>Āsū āriyupū:

—Jerusalén marā, dapagā Marípū  
 musārē ōārō siñajārī síduarire  
 pémasímakū ōātariñoakuyo. Marípū  
 irasū síduakeremakū, musā irire  
 neō pémasíduabea. Irasirigū Marípū  
 musārē irire pémasídobemi.

<sup>43</sup>Irasiriro musārē ñerō waarínū  
 ejarokoa. Musārē iaturirā musāya  
 makā turore wea kāmutamañjarākuma.  
 Musā wiriboadeare āārīpererogúe  
 biapeokōārākuma musārē ñeamurā.

<sup>44</sup>Irasirirā musārē yebague  
 wējēmeépírākuma. Musārē iri makā  
 marā āārīpererārē wējēpeokōārākuma.  
 Ūtāyeri weadeade neō gajiyē weka  
 dujabirikoa. Musārē Marípū ígū  
 tauduarinū ejakeremakū, musā ígūrē  
 iāmasíbirideea waja, ígūrē béodea waja  
 irasū waarokoa, āri wereyupū Jesús.

#### Jesús Marípuya wiigúe duarārē béowiudea

(Mt 21.12-17; Mr 11.15-19; Jn 2.13-22)

<sup>45</sup>Purū Jerusalégúe ejagū, Jesús  
 Marípuya wiigúe ñajāyupū. Irogue  
 ñajāa, doebiri duarārē, ígūsā  
 duarire wajarirādere bokaja, ígūsārē  
 béowiuyupū. <sup>46</sup>Ígūsārē āsū āriyupū:

—Marípū ígūya werenírī gojadea  
 pūgue āsū ārīdī āārīmī: “Yaa wii, yure  
 buremurā yure sērērī wii āārā”, ārīdī  
 āārīmī. Musā gapū yajarimasāya wii  
 irirosū āārīmakū yāa, āriyupū Jesús.

<sup>47</sup>Ūmuriku Jesús Marípuya wiigúe  
 masakare buegu waanayupū. Ígū irasū  
 buegu ejamakū iā, Moisés gojadeare  
 buerimasā, paía oparā, gajirā judío  
 masaka oparāde: “¿Nasiri ígūrē  
 wējērākuri?” āri gūñamañurā. <sup>48</sup>Ígūsā  
 ígūrē wējēduakeremakū, masaka  
 āārīpererā ígū werenírīrē ōārō  
 pénurūñurā. Irasirirā Jesúre wējēduarā:  
 “Āsū irirā, ígūrē wējēmurā”, āri,  
 āmumasíbirīñurā.

#### Judío masaka oparā Jesúre: “¿Noā murē doreri?” āri sērēñadea

(Mt 21.23-27; Mr 11.27-33)

**20** <sup>1</sup>Gajinū Jesús Marípuya wiigúe  
 āārīrārē Marípū masakare  
 tauri kerere buegu iriyupū. Ígū irasū  
 buemakū, paía oparā, Moisés gojadeare  
 buerimasā, judío masaka murā merā ígū  
 pūrogue eja, <sup>2</sup>ígūrē sērēñañurā:

—Wereka guare! ¿Noā murē doreri,  
 mu irasirimakū? ¿Noā murē: “Āsū irika!”  
 ārīrī? ārīñurā.

<sup>3</sup>Jesús ígūsārē uyjuyupū:

—Yude musārē sērēñagura. Yujūka  
 yūdere! <sup>4</sup>Juan masakare deko merā  
 wāiyemakū, ¿noā ígūrē wāiyedoregu  
 iriyuyuri, Marípū, o masaka? āriyupū.

<sup>5</sup>Ígū irasū ārīmakū pérā, ígūsā basi  
 āsū āri gāme wereníñurā:

—¿Naásū āri yujurākuri marī? “Marípū  
 Juārē doredi āārīmī”, marī ārīmakū,  
 Jesús marīrē: “¿Nasirirā ígū weredeare  
 buremubiriri musā?” ārībukumi.

<sup>6</sup>Āārīpererā masaka: “Diayeta Juan  
 Marípuyare weredupiyudi āārīmī”,  
 āri gūñama. Marī: “Masaka Juārē  
 wāiyedorenerā āārīmā”, ārīmakū, masaka  
 marīrē útāyeri merā dearākuma, ārīñurā.

<sup>7</sup>Irasirirā Jesúre āsū āri uyjūñurā:

—Juārē wāiyedoredire gua masíbea,  
 ārīñurā.

<sup>8</sup>Ígūsā irasū ārīmakū, Jesús ígūsārē  
 āriyupū:

—Iro merē musā yure: “¿Noā murē  
 irire doreri?” āri sērēñadeare yude  
 musārē uyjūbea, āriyupū.

**Jesús ñerā moārā keori merā buedea**  
(Mt 21.33-44; Mr 12.1-11)

<sup>9</sup>Puru Jesús i keori merā masakare āsū āri buenəgəyupu:

—Sugu masakā ɨgūya poeegue ɨguidarire otekumi. Ote odo, gajirārē ɨri pooere wayu: “Yū otedea dukare deko merā sīrākoa, yū musārē ɨri pooere wayuri waja”, āriikumi. Irasū āri odo, gajirogue waakōākumi. Yoaripoe deyomarīkumi. <sup>10</sup>Puru ɨgui ñiripoe āārimakū, ɨgūrē moāboegure ɨgūya poeema oteri dukare deko merā sērēdoregu iriukumi. Pooere moārā gapu ɨgū iriuidare irogue ejamakū iārā, ɨgūrē pākuma. Neō sutō ɨguitō sīrō marīrō ɨgūrē iridujukuma. <sup>11</sup>Puru poe opu gajigu ɨgūrē moāboegure iriuidikumi doja. Pooere moārā gapu ɨgūdere pá, ñerō irikuma. Neō gajino sīrō marīrō ɨgūdere iridujukuma. <sup>12</sup>Puru poe opu gajigu ɨgūrē moāboegure iriuidikumi doja. Pooere moārā gapu ɨgūrē kāmítú, ɨri poe tɨrogue béokōākuma.

<sup>13</sup>ɨgūsā irasiridero puru, poe opu āsū āri gūñakumi: “¿Nasirigukuri yu?” āriikumi. “Āsū irigura. Yū magū yū maigūrē iriugura. ɨgūrē iriumakū, ɨgūrē buremurākuma”, āri gūñadikumi. <sup>14</sup>Irasirigu ɨgū magūrē iriukumi. ɨgū irogue ejamakū iārā, poe moārā gapu ɨgūsā basi āsū āri gāme werenikuma: “Īta purugue i pooere opabu āārimī. ɨgūrē wejēkōārā! Irasirirā marī basi i pooere oparākoa”, āriikuma. <sup>15</sup>Irasirirā ɨgūrē ñeā, poe tɨrogue āiwāgā, wejēbéokōākuma, āriyupu Jesús.

Irasū āri odo, ɨgūsārē sērēñayupu:

—Musā péñamakū, ɨgū magūrē wejēadero puru, ¿nasirigukuri poe opu ɨgūya pooere moārārē? Āsū irigukumi. <sup>16</sup>Irogue waa, ɨgūsārē wejē, ɨri pooere gajirā gapure sīgukumi, āriyupu Jesús. ɨgū irasū ārimakū pérā, masaka gapu āsū āriñurā:

—Neō marīrē irasū waabirikōāburo, āriñurā.

<sup>17</sup>Jesús gapu ɨgūsārē iā, āsū āri sērēñayupu:

—Marīpuya werenirī gojadea pūgue āsū āri gojasūdea, ¿naásū āriđuaro yári? Āsū āri gojasūdero āāribā:

Suye ɨtāyere wii iririmasā  
béoadeaye merā gajigu gapu dōārō  
turari wii irigukumi.<sup>p</sup>

<sup>18</sup>Sugu i ɨtāye weka meémejāgū, mūtākōāgukumi. I ɨtāye gapu ɨgū weka meébejaro ɨgūrē dōārī pogagāgue meémūtūbéokōārokoa, āriyupu Jesús.

**Romano marā opu masakare niyeru**  
**wajasearire Jesúre sērēñadea**  
(Mt 21.45-46; 22.15-22; Mr 12.12-17)

<sup>19</sup>Paía oparā, Moisés gojadeare buerimasāde ɨgū i keori merā irasū āri weremakū pérā: “Marīrē: ‘Poe moārā irirosū ñerā āārā’, āriḡū irikumi”, āri péña, ɨgūrē peresu irimurā buro ñeāduadiñurā. Irasū ñeāduakererāta: “Masaka, ɨgūrē marī irasirimakū iārā, marī merā guarākuma”, āriñurā. Irasirirā ɨgūsārē giisīā, ñeāmasibiriñurā. <sup>20</sup>Irasirirā: “Gajinu ɨgūrē ñeārāra”, āri, iāñurūtuyañurā. ɨgū ñerō yujumakū weresāmurā péduarā iriadiñurā. Irasirirā gajirārē irikatorārē ɨgū puro iriñurā ɨgū werenirīrē pēdorerā. “ɨgūrē sērēñarā waarā, masaka iūrōrē diaye irirā irirosū āārīka!” āri, ɨgūsārē iriñurā. “Jesús ñerō werenimākū pérā, ɨri nikū marā opu pūrogue peresu iridorerā āiwāgārāra”, āriā, ɨgūsārē iriuidiñurā. <sup>21</sup>ɨgūsā Jesús pūrogue ejarā, āsū āriñurā:

—Buegu, mū iririkurire masā. Mū ārikatoro marīrō werenia. Marīpuyare diayeta buea. “¿Naásū gūñarī masaka yure?” āri gūñarō marīrō diayeta ɨgūsārē werea. Oparārē, ubu āārīrādere āārīpererārē surosūta iāa. <sup>22</sup>Irasirigu guare wereka! Romano marā opu marīrē niyeru wajasearire marī wajarimākū, ¿dōāgorari, o dōāberi? āriñurā Jesúre.

<sup>23</sup>Jesús gapu ɨgūsā ñerō iriduarire masisīā, ɨgūsārē āriyupu:

<sup>p</sup> 20.17 Sal 118.22



<sup>24</sup>—Niyeru koere āirika! I koeguere, ÷nōya diapu keori, nōya w̄ai tuuyari? āiryupũ.

—Romano marā op̄ya diapu keori, iḡũ w̄aita tuuyáa, āri yuj̄ñurā.

<sup>25</sup>Īḡūsā irasū ārimakū p̄ḡũ, Jesús iḡūsārē āsū āiryupũ:

—Iro merē romano marā op̄ya āarírirē iḡūrē sika! Marĩp̄ya gar̄re Marĩp̄re sika! āiryupũ.

<sup>26</sup>Irasirirā masaka p̄uro neō iḡūrē ñerō āri werenimakū irimasibirinurā. Ubu gar̄p̄ iḡũ yuj̄r̄ire p̄erā p̄ḡũka, toekōāñurā.

**Saduceo bumarā, Marĩp̄ boanerāre masuburire Jesúre s̄erēñadea**

(Mt 22.23-33; Mr 12.18-27)

<sup>27</sup>P̄r̄ũ surāyeri saduceo bumarā Jesús p̄urogue ejañurā. Īḡūsā: “Masaka boanerāgue masābirikuma”, āri b̄remurā āarĩñurā. Irasirirā Jesúre āsū ārĩñurā:

<sup>28</sup>—Bueḡũ, Moisés marirē āsū āri gojap̄idi āarĩmĩ: “Sugũ marāpok̄udi p̄rā marikereḡũ igore boaweomakũ, iḡũ pagumũ igore dúunorēḡukumi. Irasirirā, iḡũ igo merā p̄rāk̄urā iḡũ t̄iḡũ dagu p̄rā irirosũta āarĩrākuma”, āri gojap̄idi āarĩmĩ.

<sup>29</sup>Iripoeguere sugũ p̄rā, su mojóma pere gaj̄i mojó peru p̄erēbejarā āarĩñanerā āarĩmā. Īḡūsā t̄iḡũ gar̄p̄ marāpok̄ũ, p̄rā marĩḡũta boakōāyupũ. <sup>30</sup>Irasirigũ iḡũ dagu dokamuta iḡũ marāpo āarĩdeore dúunorēyupũ. Īḡũde, iḡũ t̄iḡũ dagu irirosũta p̄rā marĩḡũta boakōāyupũ. <sup>31</sup>Īḡūsā p̄erā dokamude p̄rā marĩḡũta boakōāyupũ. Irasũ dita p̄rā marirāta boapereakōāñurā. <sup>32</sup>Īḡūsā p̄rũ iḡūsā marāpode boakōāyupo pama. <sup>33</sup>Īḡūsā su mojóma pere gaj̄i mojó peru p̄erēbejarā ũma igore marāpok̄uadiñurā. Irasirirā boanerā masāmakũ, ÷niño marāpogora āarĩḡokuri? ārĩñurā.

<sup>34</sup>Jesús iḡūsārē yuj̄yupũ:

—I ũm̄ḡue āarĩrā, ũma, nome merā marāpok̄ũma. Īḡūsā p̄rā nomedere

nomesuma. <sup>35</sup>Īḡūsā irasirikeremakū, ũm̄ḡasiḡue āarĩmurā gar̄p̄ irasū āarĩbirikuma. Marĩp̄: “Ōārā āarĩma”, āri iārā, boanerāgue masā, p̄rũ iḡũ p̄roque murĩarākuma. Iroguere marāpok̄ubirikuma. Īḡūsā p̄rā nomedere nomesubirikuma. <sup>36</sup>Marĩp̄re wereboerā irirosũ neō dupaturi boabirimurā āarĩsā, irasiribirikuma. Īḡūsā Marĩp̄ masũnerā, iḡũ p̄rā āarĩrākuma. <sup>37</sup>Iripoeguere Moisés iḡũ yuk̄ḡāgue ēj̄r̄ōḡue waadeare gojadi āarĩmĩ. Iḡũ iroque āarĩmakū, Marĩp̄ āsū ār̄idi āarĩmĩ iḡūrē: “Yũ Abraham, Isaac, Jacob Op̄ta āarā”, ār̄idi āarĩmĩ. I merā boanerā masāburire marĩ masā. <sup>38</sup>Abraham, Isaac, Jacob boanerā āarĩkererā, Marĩp̄ merā okarā āarĩma. Irasirigũ Marĩp̄ boanerā dupaturi masābirimurā Op̄ āarĩbemi. Okarā Op̄ āarĩmĩ. Āarĩpererā masaka boakererā, Marĩp̄ iūrō okarā āarĩma, āiryupũ Jesús.

<sup>39</sup>Īḡũ irasū ārimakū p̄erā, surāyeri Moisés gojadeare buerimasā āsū ārĩñurā: —Bueḡũ, m̄ũ oārō yuj̄ma, ārĩñurā. <sup>40</sup>Irasirirā neō dupaturi gaj̄i iḡūrē s̄erēñaduabirinurā.

**“¿Noā parāmi āarĩturiagu āarĩri Cristo?” āri s̄erēñadea**  
(Mt 22.41-46; Mr 12.35-37)

<sup>41</sup>Jesús gar̄p̄ āsū āiryupũ:

—¿Nasirirā Moisés gojadeare buerimasā: “Cristo, David parāmi āarĩturiagu āarĩmĩ”, ār̄iri? <sup>42</sup>David, Salmos w̄aikuri gojadesa p̄ḡue āsū āri gojadi āarĩmĩ:

Marĩp̄, yũ Op̄re āsū ār̄imi: “Ōō, yũ diaye gar̄p̄ doaka yũ merā dorebu!

<sup>43</sup>Irasiriripoe murē iāturirārē m̄ũ dorerire tarinḡānemobirimakū iriḡura”, ār̄imi, āri gojadi āarĩmĩ David.<sup>4</sup>

<sup>44</sup>David, Cristo ñekũ āarĩkereḡũ, iḡūrē: “Yũ Op̄ āarĩmĩ”, ār̄idi āarĩmĩ. ¿Nasirigũ, Cristo, David parāmi āarĩturiagu

<sup>4</sup> 20.43 Sal 110.1

äärikeremakū, David igūrē irasū āriyuri? āriyupū Jesús.

**Jesús, Moisés gojadeare buerimasārē:**

“**Ñerō yáa**, **ārī weresādea**

(Mt 23.1-36; Mr 12.38-40; Lc 11.37-54)

<sup>45</sup> Āārīpererā masaka péurogue Jesús igū buerārē āsū āriyupū:

<sup>46</sup>—Moisés gojadeare buerimasā ñerō iririre oārō pémasika! Oparā irirosū surí yoari sāña, masaka iūrōgue waagorenama. Makā dekoquere masakare oārō buremurí merā bokatírī oādoremakū gāāmema. Nerērī wiiriguere ñajará, oārī doaripérigue dita doaduama. Bosenurí āārīmakūdere oparā doarigue dita doaduama.

<sup>47</sup> Wapiweyarā nome wajamomakū iā, igūsāya wiirire emanokōāma. Igūsārē bopoñarí merā iābirikererā, yoaripoe Marípure sērē imukatoma, masaka igūsārē: “Marípure oārō buremuma”, āriburo, ārīrā. Igūsā irasiriri waja Marípū igūsārē gajirā nemorō wajamoāgukumi, āriyupū Jesús.

**Wapiweyo bopogo Marípuya wiigue niyeru koeri sádea**

(Mr 12.41-44)

**21** <sup>1</sup> Jesús Marípuya wiigue āārīgū, iri wiima igūsā āmuburi niyeru needrī kúmague wári doebiri oparā igūsā niyeru sāmākū iāyupū. <sup>2</sup> Sugo wapiweyo bopogode iri kúmague pe koegā, mērōgā wajakuri koerigārē sāmākū iāyupū. <sup>3</sup> Iri koerire igo sāmākū iāgū, āsū āriyupū:

—Diyeta musārē werea. Igo wapiweyo bopogo i kúmague niyeru sāgō, Marípū iūrō gajirā āārīpererā igūsā siadero nemorō sāamo. <sup>4</sup> Gajirā wári doebiri oparā wáro sikeremakū, igūsāya wáro dūyáa. Igo gapū bopogo āārīkerego, igo baari wajariboadeare sípeokōāmo Marípure buremugō, āriyupū.

**Jesús Marípuya wiire béoburimarē weredea**

(Mt 24.1-2; Mr 13.1-2)

<sup>5</sup> Surāyeri igū buerā Marípuya wiimarē iārā, āsū ārīñurā:

—Oārī ūtāyeripa merā iridea wii āārā. Masaka iri wiire igūsā sídeade oārī āārā, ārīñurā.

Igūsā irasū ārīmakū pégu, Jesús igūsārē āriyupū:

<sup>6</sup>—Musā i wiimarē dapagorare iādāa. Sunu i wiima āārīpereri marí iādea, i ūtāyeride mutādijapereakōārokoa. Neō suye ūtāye gajīye weka weamuriadeade dujabirikoa, āriyupū.

**Jesús: “I ūmū pereburi dupiyuro āsū waarokoa”, āri weredea**

(Mt 24.3-28; Mr 13.3-23)

<sup>7</sup> Igū irasū ārīmakū pérā, igūrē sērēñañurā:

—Guare buegu, ¿naásū āārīmakū mū ārāderosū waarokuri? ¿Ñeéno iri imugukuri, iri irasū waaburi dupiyuro? ārīñurā.

<sup>8</sup> Jesús yujuyupū:

—Oārō pémasika! Gajirā wárā ārīkatorimasā aarirākuma. “Yū Marípū iriudi, Cristo āārā”, ārīrākuma. “Dapagorare i ūmū pereburo aarisíaa”, ārīrākuma. Igūsā ārīkatorire pébirikōāka! <sup>9</sup> Masaka musā pūro gāmewējērērē pérā, gajirogue marā igūsā oparārē béori kerere pérā, gukabirikōāka! I ūmū pereburi dupiyuro irasū waapūrorirokoa. Irasū waakeremakū, i ūmū pereburo dūyarokoa dapa, āriyupū.

<sup>10</sup> Irasū ārī odo, igūsārē āsū ārīnemoyupū doja:

—Su bumarā, gajī bumarā merā gāmewējērākuma. Su nikū marā, gajī nikū marā merā gāmewējērākuma.

<sup>11</sup> Wári makārīguere nikū būro ñomerokoa. Masaka wárā waboari merā boarākuma. Pūrīrikuri merā ñerō tarirākuma. Ūmugasiguere būro goeri, wári gajino deyoarire iārā, masaka būro gūirākuma.

<sup>12</sup> I āārīpereri irasū waaburo dupiyuro musā yare buremurí waja gajirā musārē ñeā, ñerō irirākuma. Irasirirā marí judío masaka nerērī wiiriguere musārē weresā, peresu irirākuma. Makārī marā oparā pūroque āāñarākuma musārē

wajamoãdorerã. <sup>13</sup>Ígūsã irogue musãrê ãijamakũ, musã gapũ Marĩpũya òãrĩ kerere wererãkoa ígūsãrê. <sup>14</sup>Ígūsã musãrê oparã pũrogue ãiwãgãmakũ ããrã, oparãrê yũjuburire gũñarikubirikõãka! “¿Naásũ ãrĩrãkuri ígūsãrê?” ãrĩ gũñarikubirikererãtã ããrĩka! <sup>15</sup>Musã werenĩmakũ iritamugũra. Musãrê irasũ iritamugũ, masĩrĩ merã òãrĩ werenĩrĩ merã weremakũ irigũra. Musã irasũ weremakũ pérã, musãrê ãaturirã gapũ musã werenĩrĩrê bokatũbirikuma. “Iri diaye ããrĩbea”, ãrĩmasĩbirikuma. <sup>16</sup>Surãyeri musã pagusãmarã, musã pagupũrã, musãya makã marã, musã merãmarãde musãrê oparãguere wẽjãdorerã wiarãkuma. Irasirirã musãrê surãyerire wẽjãrãkuma. <sup>17</sup>Yũre musã buremurĩ waja ããrĩperero marã masaka musãrê ãaturi doorãkuma. <sup>18</sup>Ígūsã irasirikeremakũ, sudagã musãya poadagã neõ dederĩbirikoa. <sup>19</sup>Irasirirã musãrê ñerõ irikeremakũ, yũre buremurĩrê pirimerã, Marĩpũ pũrogue perebiri okari oparãkoa.

<sup>20</sup>Irasirirã wãrã surara Jerusalén tũro gãmegorobiatũmakũ ããrã, iri makãrê ígūsã béoburo mérõgã duyãa, ãrĩ masĩrãkoa. <sup>21</sup>Irasũ waamakũ ããrã, Judea nikũgue ããrĩrã ãtãyukugue ãmaduriburo. Jerusaléguẽ ããrĩrãde iri makãrê wiriburo. Iri makã tũro ããrĩrã Jerusaléguere dupaturi goedujãbirikõãburo. <sup>22</sup>Irasũ waarĩnũrĩ Marĩpũ ñerãrê wajamoãrĩnũrĩ ããrĩrokoa. Irasiriro ããrĩpereri ígũya werenĩrĩ gojãdea pũgue gojãderosũta waarokoa. <sup>23</sup>I nikũ marã bũro pũrĩrõ péñarãkuma. Marĩpũ ígūsãrê bũro wajamoãgukumi. Irasũ waamakũ, nijĩpagosã nome, ígūsã pũrã mirĩrãgã oparã nomede bũro ñerõ tarirãkuma. <sup>24</sup>Surãyeri i makã marã gãmewẽjãrõguẽ boarãkuma. Boamerã gapũre ããrĩpereri nikũgue ãiwãgã, peresu irirãkuma. Judío masaka ããrĩmerã Jerusaléẽ ñerõ irirãkuma. Irasirirã iri makã marãrê tarinũgãrãkuma. Marĩpũ, judío masaka ããrĩmerãrê: “Iri makã marãrê neõ opabirikõãka pama!” ãrĩmakũgue opaduũrãkuma.

### Jesús i ãmũgue ígũ dupaturi aariburire werede

(Mt 24.29-35, 42-44; Mr 13.24-37)

<sup>25</sup>I ãmũ pereburi dupiyuro abe ãmũmũ, abe ñamimũ, neñukãde deyori gorawayuakõãrãkuma. Wãdiya turaro busuri, makũrĩ nikũguere bũro ejarokoa. Irasirirã i ãmũ marã ããrĩpererã bũro gũkari merã diaye gũñamasĩbirikuma. <sup>26</sup>Õmarõgue marã turarã naradari merã béosũrãkuma. Irasũ waamakũ ããrã, masaka i ãmũ pereburire: “¿Aarisiakuri?” ãrĩ gũñarã, bũro gũiri merã kõmorã irirosũ neõ gũñajabirikuma. <sup>27</sup>Irasũ waaripoere masaka yũ ããrĩpererã tígũ, wãro Marĩpũ turari merã, ígũ gosesiriri merã ãimikãyebogue i nikũguere yũ dupaturi aarimakũ ããrãkuma. <sup>28</sup>Yũ ãrĩderosũta iri goerire waapũrorimakũ ããrã, musã yaarã ããrĩrã gũbirikõãka! Gũñaturari merã ãmũgasigue ããmuka! Mérõgã duyãa, Marĩpũ musãrê perebiri peamegue waabonerãrê tauri ejaburo, ãrĩyupũ Jesús.

<sup>29</sup>Irasũ ãrĩ odo, i keori merã ígūsãrê werenemoyupũ:

—Higueragu, o gajĩgu yukũ noõ gããmedire ããka! <sup>30</sup>Irigũ pũ maamamakũ ããrã: “Bojori waaburo mérõgã duyãa”, ãrĩ masĩa. <sup>31</sup>Irigũ waarõsũta i ããrĩpereri yũ ãrĩrĩ irasũ waamakũ ããrã: “Marĩpũ ígũyarãrê doreri aariburo mérõgã duyãa”, ãrĩ masĩrãkoa. <sup>32</sup>Diayeta musãrê werea. I ãmũ marã boapereburo dupiyuro i ããrĩpereri yũ ãrĩrĩ irasũ waarokoa. <sup>33</sup>Õmũgasi, i nikũde pereakõãrokoa. Yũ werenĩrĩ gapũ neõ perebirikoa. ããrĩpereri yũ ãrĩrõsũta waayuwarikurokoa.

<sup>34-35</sup>Yũ dupaturi aariburinũrê neõ masĩbea musã. Irasirirã òãrõ pémasĩka! Bosenũrĩrê irirã, ñerĩrê iribirikõãka! Mejãbirikõãka! I ãmũmarê bũro gũñarikubirikõãka! Musã ire irasirimerã, gũñaña marĩrõ i ãmũguere yũ aarimakũ ããrã, gũkabirikoa. Waĩbu gũñaña marĩrõ weadeadague ígũ meesĩajarosũta gũñaña marĩrõ yũ aarirĩnũ masakare ããrĩpereri

nikū marārē waarokoa. <sup>36</sup> Irasirirā ōārō pēmasīrī merā yúka! Marīpūre āsū ārī sērēnfkōāka! “I ūmū peremakū, guare iritamuka! Turarire sīka, guare ōārō tarīburo, ārīgū! Irasirirā gua āārīpererā tīgūrē güiro marīrō bokatīrīrākoa”, ārī sērēka īgūrē! ārīyupū Jesús.

<sup>37</sup> Jesús ūmuriku Marīpūya wiigue buenayupū. Nāmirikū buē odogu, Olivos wāīkudi ūtāūgue waa, iroque āārīboyoanayupū. <sup>38</sup> Boyoripoe āārīmakū, āārīpererā masaka Marīpūya wiigue īgū buerire pérā waanañurā.

**Judas Iscariote Jesúre  
wējēduarāguere īgūrē imuburire  
āmudea**

(Mt 26.1-5, 14-16; Mr 14.1-2, 10-11; Jn 11.45-53)

**22** <sup>1</sup> Iripoere judío masaka pá wemasārī morēña marīrī baari bosenu, mērōgā dūyayuro. Iri bosenu pascua wāīkūyuro. <sup>2</sup> Paía oparā, Moisés gojadeare buerimasā Jesúre wējēduarā: “¿Nasīri īgūrē wējērākuri marī?” ārīñurā. <sup>3</sup> Īgūsā Jesúre wējēduakererā, masakare güiñurā.

<sup>3</sup> Iripoere wātī, Judas Iscariote wāīkūgūguere ñajāyupū ñerō iridoregu. Judas, Jesús buerā pe mojōma pere su gubu peru pērēbejarā watopenu āārīdiyupū. <sup>4</sup> Wātī ñajādero pūru, Judas paía oparā, Marīpūya wiire korerā surara oparā pūro waayupū. Iroque eja, īgū Jesúre imuburire īgūsā merā wereniyupū. <sup>5</sup> Īgū irasū ārīmakū pérā, usuyari merā: “Īgūrē mū guare imumakū, mūrē niyeru wajarīrākoa”, ārīñurā. <sup>6</sup> Judas: “Jáu”, ārī, pūru: “¿Naásū āārīmakū, masaka iāberogue oparāguere yū Jesúre wiamakū ōārokuri?” ārī güñayupū.

**Jesús īgū buerā merā baatūnudea**

(Mt 26.17-29; Mr 14.12-25; Jn 13.21-30; 1 Co 11.23-26)

<sup>7</sup> Pūru pá wemasārī morēña marīrī baari bosenu āārīñugārīñu āārīyuro. Irīñu pascua bosenu irīrīñu āārīmakū, Marīpū iūrō oveja majīgūrē īgūsā

wējērīñu āārīyuro. <sup>8</sup> Irīñuta Jesús Pedrore, Juārē āsū ārī irīyupū:

—Marī pascua bosenu baaburire āmurā waaka!

<sup>9</sup> Īgū irasū ārīmakū pérā, āsū ārī sērēñañurā:

—¿Noógue marī pascua bosenu baaburire āmumakū gāamekuri? ārīñurā.

<sup>10-11</sup> Jesús īgūsārē yujyupū:

—Jerusalégue waaka! Iroque sugū dekosoro kōawāgāgūrē bokajarākoa. Īgūrē tūyaka! Īgū ñajāri wiigue ejarā, irī wī opūre: “Guare buega, āsū ārī sērēñadoreami: ‘¿Dīf taribugue yū buerā merā i pascua bosenuērē baagukuri?’ ārāmi”, ārika! <sup>12</sup> Musā irasū ārīmakū pé, wārī taribu, ūmarōgue īgūsā āmu odoadea taribure imugakumi. Iroque marī baaburire āmuka! ārīyupū Jesús.

<sup>13</sup> Irasirirā iri makāgue waa, iroque eja, Jesús wereaderosūta bokaja, pascua bosenu baaburire āmuñurā.

<sup>14</sup> Īgūsā baaripoe ejamakū, Jesús īgū buerā pe mojōma pere su gubu peru pērēbejarā merā baa doanīyupū.

<sup>15</sup> Iroque baa doanīgū, īgūsārē ārīyupū:

—Yū boaburo dupiyuro i pascua bosenu baarire musā merā būro baadūāa.

<sup>16</sup> Musārē werea. I bosenuērē marī dapagora irīrosū yū dupaturi neō irīnemobirīkoa. Pūru Yūru īgūyarārē dorerogue dupaturi irīyuwarīkūgūkoa, ārīyupū.

<sup>17</sup> Irasū ārī odo, iirīripare āī, Marīpūre: “Mūrē usuyari sīa”, ārī, īgūsārē āsū ārīyupū:

—Ire āī, dukawa iirīka! <sup>18</sup> Musārē werea. I igui dekore marī dapagora iirīrosū yū dupaturi neō iirīnemobirīkoa. Yūru īgūyarārē doreri ejadero pūrgue dupaturi iirīgukoa doja, ārīyupū.

<sup>19</sup> Pūru páre āī, Marīpūre: “Mūrē usuyari sīa”, ārī, páre pea, īgūsārē āsū ārī guereyupū:

—I yaa dūru āārā. Yū musā ñerō irīdea waja boagūkoa. Irasirirā musā dapagora irīaderosū nerē, páre baarīka, yū musārē boabosarīre güñaka! ārīyupū.

<sup>20</sup> Īgūsā baa odoadero pūru, páre āāaderosūta iirīripadere āī, īgūsārē āsū ārīyupū:

—Yü musârê boabosagu, yaa dí béori merâ Yũpu musârê: “Ôârô irigũra”, ârideare iriyuwarikugũko.

<sup>21</sup>Dapagorare yũre wêjêduarâguere yũre imubu ôô yu merâ baa doanîmi.

<sup>22</sup>Marîpu âriderosũta yũre âârîpererâ tîgũrê waaró yáa. Yũre imubu gapũre ñetariro waarokoa, ârîyupũ.

<sup>23</sup>Îgũ irasũ ârîmakũ pêrâ, îgũsâ basi âsũ ârî gãme sêrêñaũrâ:

—¿Noâ marî watopeguere irasiribukuri? ârîñũrâ.

**Jesús buerâ: “Marî watopepe, ¿noâ âârîpererâ nemorô âârîgukuri?” ârî guaseodea**

<sup>24</sup>Pũpu Jesús buerâ âsũ ârî gãme guaseoñũrâ:

—Marî watopepe, ¿noâ âârîpererâ nemorô âârîgukuri? ârîñũrâ.

<sup>25</sup>Jesús gapũ îgũsârê ârîyupũ:

—I nikũ marâ oparâ Marîpũre bũremumerâ gapũ îgũsâyârê dorerâ, turaro merâ dorema. Irasirirâ îgũsâ oparârê: “Masakare ôârô iritamurâ âârîma”, ârîma. <sup>26</sup>Musâ tamerâ i nikũ marâ oparâ irirosũ iribirikôâka! Âsũ gapũ irika! Musâ watopeguere sugũ gajirâ nemorô âârîduagu, musâ nemorô ubu âârîgũ maamu irirosũ âârîburo. Musârê doreduagu, moâboegũ irirosũ musârê iritamugũ âârîburo. <sup>27</sup>Musâ gũñamakũ, ¿niîno gapũ gajigũ nemorô âârîgũ âârîrî? ¿Baa doanîgũ gapũ, o îgũrê baari ejoğũ gapũ âârîrî? Âsũ âarâ. Baa doanîgũ gajigũ nemorô âârîrîmi. Yũ gapũ musâ watopegue âârîgũ, musârê moâboegũ irirosũta musârê iritamugũ aaribũ.

<sup>28</sup>Masaka yũre ñerô irikeremakũ, musâ yũ merâ âârînikôâbu. <sup>29</sup>Irasirigũ, Yũpu yũre îgũyarâ Opũ piderosũ, yũ musâdere oparâ sóogura. <sup>30</sup>Irasirirâ, yũ îgũyarâ Opũ âârîrîgũe musâde, yũ merâ iirî, baa doanîrâkoa. Iroge musâ pe mojõma pere su gubu peru pêrêbejari oparâ doarire doarâkoa. Irasirirâ Israel bumarârê pe mojõma pere su gubu peru pêrêbejari buri marârê dorerâkoa, ârîyupũ.

**Jesús Pedrorre: “Yũre masîkeregu: ‘Masibe’, ârîgũko”, ârî werede**

(Mt 26.31-35; Mr 14.27-31; Jn 13.36-38)

<sup>31</sup>Irasũ ârî odo, marî Opũ Jesús Pedrorre âsũ ârîyupũ:

—Simón, yũre péka! Wâtêa opũ Satanás Yũpũre sêrêadami, trigo gasirire koro, yusasiribéoro irirosũ musârê yũre bũremurîrê pirimakũ iriduagu.

<sup>32</sup>Îgũ irasũ iriduakeremakũ, yũ gapũ mũya âârîburire Yũpũre sêrêbosabũ, mũ yũre bũremurîrê piribirikôâburo, ârîgũ. Irasirigũ yũre dupaturi ôârô gũñaturadero pũpu, mũyarâ yũre bũremurârê gũñaturamakũ irika! ârîyupũ.

<sup>33</sup>Îgũ irasũ ârîmakũ pégu, Pedro ârîyupũ:

—Yũ Opũ, murê peresu irirâ, yũdere mũ merâta peresu iriburo. Murê wêjêrâ, yũdere mũ merâta wêjêburo, ârîyupũ.

<sup>34</sup>Jesús îgũrê ârîyupũ:

—Pedro, murê werea. Dapagâ ñami âgâbo wereburo dupiyuro yũre masîkeregu urea gajirârê: “Masibe”, ârîkatogũko, ârîyupũ.

**Jesũre îgũsâ ñeâburo dupiyuro waadea**

<sup>35</sup>Irasũ ârî odo, Jesús îgũ buerârê âsũ ârî sêrêñayupo doja:

—¿Sôô âârîdeapoere musâ niyeru, surî âîârî ajuri, gubu surî opamerâ musârê yũ iriudeapoere ñeéonorê gãamenemorî?

—Neô gajino gãamenemobiribũ, ârî yũjuñũrâ.

<sup>36</sup>Îgũsâ irasũ ârîmakũ, ârîyupũ doja:

—Dapagora gapũre surî, niyeru âîârî ajuri oparâ, irire âîaka! Musârê sareri majîrî marîmakũ îarâ, musâya surî wekamarê dua, su majî wajarika!

<sup>37</sup>Ire musârê werea. Marîpũya werenîrî gojadea pũgue gojaderosũta yũre waaró yáa. Âsũ ârî gojasũdero âârîbũ: “Îgũde ñegũ irirosũ ñerâ watopeguere âârîdi âârîmi!, ârîsũgukumi”, ârî gojasũdero âârîbũ, ârîyupũ. Îgũ irasũ ârîmakũ pêrâ, îgũ buerâ îgũrê ârîñũrâ:

<sup>38</sup>—Gua Opũ, pe majî sareri majîrî opáa, ârîñũrâ.

—Ōasiáa, ári yujuyupũ Jesús.

**Jesús Getsemanígue Marípure sérêdea**  
(Mt 26.36-46; Mr 14.32-42)

<sup>39</sup>Puru Jesús ígũ irinarôsũ Olivos wãikudi útãúgue waakõayupũ. Ígũ buerãde ígũ merã waañurã. <sup>40</sup>Irogue ejagu, Jesús ígũsãrê áriyupũ:

—Marípure sérêka, wãti árimesãrĩrê iribukoa, árirã, áriyupũ.

<sup>41</sup>Irasũ ári odo, ígũ suguta yoawayaro waa, ñadukupuri merã ejamejãja, Marípure ásu ári sérêyupũ:

<sup>42</sup>—Au, yũ ñerõ tariburire tauduagu, tauka! Yũ irasũ árikeremakũ, yũ gããmerõsũ iribirikõaka! Mũ gããmerõsũ gapũ yũre waaburo, áriyupũ.

<sup>43</sup>Ígũ irasũ árimakũ, Marípure wereboegu ãmugasigũe áãrãdi Jesúre deyoayupũ ígũrê gũñaturamakũ irigu.

<sup>44</sup>Jesús buro pũrĩsũgũ Marípure sérêadero nemorõ ígũrê serênemoyupũ doja. Ígũ ñajãsuririta dí yeri pagayeri wiri, yebague yuriyuro.

<sup>45</sup>Marípure irasũ ári sérê odo, wãgãngã, ígũ buerã purogue ejagu, buro bujawereri merã kãrĩrãrê bokajayupũ. <sup>46</sup>Irasirigu ígũsãrê áriyupũ: —¿Nasirirã kãrĩrĩ? Yobeka! Marípure sérêka, wãti árimesãrĩrê iribukoa, árirã, áriyupũ.

**Jesúre ñeãwãgãdea**

(Mt 26.47-56; Mr 14.43-50; Jn 18.2-11)

<sup>47</sup>Ígũ irasũ ári wereripoe masaka wãrã ejañurã. Judas pe mojõma pere su gubu peru pẽrẽbejarã buerã watopemu áãrãdi masakare dupiyuyupũ. Jesús puro eja, ígũrê bokatĩrĩ, ígũya wayupãrãrê mimiyupũ. <sup>48</sup>Ígũ irasũ mimimakũ iãgũ, Jesús gapũ ígũrê áriyupũ:

—Judas, ¿yũre áãrĩpererã tĩgũrê yũre ãaturirãguere wiagu, yaa wayupãrãrê mimirĩ mu? áriyupũ.

<sup>49</sup>Ígũ irasũ árimakũ, Jesús buerã ígũrê masaka ñeãburire masĩrã: “Gua Opũ, ¿gua sareri majĩrĩ merã ígũsã merã gãmekẽãsi?” áriñurã.

<sup>50</sup>Irasũ ári, sugũ Jesús buegu ígũya sareri majĩ merã paía opure moãboagure

diaye gapuma gãmipũrê ditiã dijukõayupũ. <sup>51</sup>Ígũ irasirimakũ iãgũ, Jesús áriyupũ:

—Iropata irika! Inorẽ irinemobita! áriyupũ.

Ári odo, gãmipũ áãrãderore moãñayupũ. Ígũ moãñamakũ, ígũya gãmipũ õãkõayuro doja. <sup>52</sup>Irasiri odo, ígũrê ñeãmurãrê: paía oparãrê, Marípuya wiire korerã surara oparãrê, judío masaka murãdere áriyupũ:

—¿Nasirã sareri majĩrĩ merã, yukũ dukari merã sugũ yajarimasũrê ñeãrã aarirã irirosũ yũre ñeãrã aarĩrĩ?

<sup>53</sup>Ûmũriku Marípuya wiigue musã merã yũ áãrimakũ, yũre neõ ñeãbiribũ. Irasũ áãrikeremakũ, dapagora musã yũre ñerõ iriripoe ejasiãa. Wãti ñaitĩãrõgue áãrĩgũ musãrê dorerire irirã yãa musã, áriyupũ.

**Pedro Jesúre masikeregu: “Masĩbea”, áridea**

(Mt 26.57-58, 69-75; Mr 14.53-54, 66-72; Jn 18.12-18, 25-27)

<sup>54</sup>Puru Jesúre ñeã, paía opuya wiigue áãñurã. Ígũsã ígũrê áãmakũ, Pedro ígũsãrê yoawayarogue tũyayupũ. <sup>55</sup>Irogue ejarã, makãpuro ñajãrõma yeba dekogue peame diiñurã. Irasirirã irime tũro sũma doanĩñurã. Pedro ígũsã puro eja, ígũsã watopegue doayupũ. <sup>56</sup>Sugo moãboerimasõ, ígũ peame tũro doamakũ iãgõ, ígũrê õãrõ iã, gajirãrê ásu ári wereyupo:

—Íide ígũ merã áãrĩdita áãrami, áriyupũ.

<sup>57</sup>Igo irasũ árimakũ pẽgu, Pedro árikatori merã:

—Yũ ígũrê neõ masĩbea, ári yujuyupũ.

<sup>58</sup>Mérõgã purũ gajigu ígũrê iã, ásu áriyupũ:

—Mude Jesús buerã merãmũta áãrã, áriyupũ.

—Neõ áãrĩbea yũ, áriyupũ Pedro.

<sup>59</sup>Su hora purũ gajigu gajirãrê ásu ári wereyupũ:

—Íi diayeta ígũ merã áãrĩdita áãrĩmi. Galileamũta áãrĩmi, áriyupũ.

<sup>60</sup>Ígũ irasũ árimakũ, Pedro yujuyupũ: —Yũ, mu wereníggũrê masĩbea, pẽmasĩbirikoa, áriyupũ.

Īgū irasū āriřipoeta āgābo wereyupū.  
<sup>61</sup>Īgū weremakū, marī Opu Jesús  
 yoaweyarogue āārīgú Pedrorē iā  
 gāmeuyupū. Īgū irasū iāmakū, Pedro,  
 Jesús ĩgūrē: “Dapagā űami āgābo ĩgū  
 wereburo dupiyuro mu yure masikeregū,  
 űrea: ‘Masībea’, āriřkatoguko”, āriřdeare  
 gūñabokayupū. <sup>62</sup>Iřire gūñaboka, wiria,  
 buřawererī merā burō oreyupū.

#### Jesúre űerō iri buridadea

(Mt 26.67-68; Mr 14.65)

<sup>63</sup>Jesúre korerā surara ĩgūrē burida,  
 páñurā. <sup>64</sup>Irasū ĩgūrē párā, suríro gasiro  
 merā ĩgūya koyere suabiato:

—ĪNoā murē pári? Āriřbokaka! āriñurā.

<sup>65</sup>Wári gajī űerō āri buridañurā.

#### Jesúre oparā purogue āiadea

(Mt 26.59-66; Mr 14.55-64; Jn 18.19-24)

<sup>66</sup>Gajinu gapū boyodujimeřaripoe  
 judío masaka murā, paía oparā, Moisés  
 gojadeare buerimasāde nerēñurā. Puru  
 ĩgūsā nerērōgue Jesúre āija, āsū āri  
 sērēñañurā:

<sup>67</sup>—Wereka guare! ĪMu, Marīpu iriudi  
 Cristota āārīri? āriñurā.

Jesús ĩgūsārē yuřuyupū:

—Musārē: “Yu ĩgūta āārā”, āriřmakū,  
 yure buremubirikoa. <sup>68</sup>Musārē gajinorē  
 yu sērēñamakū, yure yuřubirikoa.

<sup>69</sup>Musā yure buremubirikeremakū,  
 mērōgā purū Yuru turatarigu yure  
 āārīpererā tīgūrē ĩgū diaye gapū  
 doamakū irigukumi, āriyupū.

<sup>70</sup>Īgū irasū āriřmakū pérā, āārīpererā  
 ĩgūrē sērēñañurā:

—ĪIrasū āriřgū, Marīpu magūta āārīri  
 mu? āriñurā.

—Īgūta āārā musā āriřrōsūta, āri  
 yuřuyupū Jesús.

<sup>71</sup>Īgū irasū āriřmakū, āsū āriñurā:

—Nasirimurā gajirā ĩgūrē weresārīrē  
 pēnemobirikoa marī! Īgū werenīrīrē marī  
 basita pésiāa, āriñurā.

#### Jesúre Pilato puro āijadea

(Mt 27.1-2, 11-14; Mr 15.1-5; Jn 18.28-38)

**23** <sup>1</sup>Irasū āri odo, āārīpererā  
 wāgāñgā, Jesúre opu Pilato

wāikugu purogue āiññurā. <sup>2</sup>Jesúre  
 irogue āijarā, āsū āri weresāñgāñurā:

—Īi mariya nikū marārē űerō  
 iridoremakū péabu. Romano marā opu  
 niyeru wajasearire: “Wajaribirikōāka!”  
 āriřirē péabu. Gajidire: “Yu judío  
 masaka Opu, Cristo āārā”, ārāmi,  
 āriññurā.

<sup>3</sup>Īgūsā irasū āriřmakū pégu, Pilato  
 Jesúre sērēñayupū:

—ĪMuta āārīri, judío masaka Opu?

—Mu āriřrōsūta ĩgūta āārā, āri  
 yuřuyupū Jesús.

<sup>4</sup>Īgū irasū āriřmakū, Pilato paía  
 oparārē, masaka irogue āārīrārē  
 āriyupū:

—Īrē neō űerī iridea máa, yu iāmakū,  
 āriyupū.

<sup>5</sup>Īgū irasū āriřkeremakū, ĩgūsā gapū  
 burō weresāñemoñurā:

—Īgū bueri merā masaka oparārē  
 tarinūgāmakū iriami. Galilea  
 nikūgue irire irinūgāmi. Dapagorare  
 i makāguedere irasūta irigu ejāami,  
 āriññurā.

#### Jesúre Herodes puro āijadea

<sup>6</sup>Īgūsā irasū āriřmakū pégu, Pilato  
 gapū sērēñayupū:

—Īi Galileamuta āārīri? āriyupū.

<sup>7</sup>“Iromuta āārīmi”, āri, ĩgūsā

yuřumakū pégu, Pilato surarare: “Jesúre

Galilea nikū marā opu Herodes puro  
 āiaka!” āriyupū. Iřipoere Herodes  
 Jerusalégue āārīyupū. <sup>8</sup>Iro dupiyuro

Herodes Jesús iridea kerere pédi  
 āārīmi. Irasirigu yoaripoe ĩgūrē burō

iāduagu iriadiyupū. Jesús ĩgū turari  
 merā iri imumakū iāduagu iriadiyupū.

Irasirigu ĩgū puro ĩgūsā Jesúre āijamakū  
 iāgū, burō usuyayupū. <sup>9</sup>Wári Jesúre

sērēñadiyupū. Īgū sērēñakeremakū,  
 Jesús gapū ĩgūrē neō yuřubiriyupū.

<sup>10</sup>Paía oparā, Moisés gojadeare

buerimasāde Herodes puro ejanerā,  
 Jesúre turaro merā weresāññurā. <sup>11</sup>Puru

Herodes ĩgūya surara merā Jesúre  
 burida, űerō iriññurā. ĩgūrē buridarā, oārī

surírore opuñanerē sāññurā. Irasiri odo,  
 Herodes: “Īgūrē Pilato purogue āiaka

doja!” ārīyupū. <sup>12</sup>Herodes, Pilato merā iro dupiyuroguere gāme iāduabirinerā āārīkererā, irinū merā gāmesuriñurā.

### Jesúre wējédoredea

(Mt 27.15-26; Mr 15.6-15; Jn 18.39-19.16)

<sup>13</sup>Puru Pilato paía oparārē, judío masaka oparārē, masakadere siiu neō, <sup>14</sup>āsū ārīyupū:

—Musā īrē yu puro āījarā: “Īi masakare ñerō iridoremi”, ārābū musā yure. Musā iūrō, yu īrē sērēñapeoabū. Musā īrē weresakeremakū, ī ñerō iridea máa, yu iāmakū. <sup>15</sup>Herodede: “Īrē neō ñerī iridea máa”, ārāyupū. Dupaturi īrē yu puro iriuañumi doja. Irasiriro īrē wējédoreri máa. Musāde ire masā. <sup>16</sup>Irasirigu yu īgūrē tārādoreguko. Puru īgūrē wiugura, ārādiyupū Pilato.

<sup>17</sup>Pilato, bojoriku pascua bosenu āārīmakū, sugū peresugue āārādīre īgūsā wiudoregure wiunayupū.

<sup>18</sup>Irasirirā, Pilato: “Jesúre wiugura”, īgū ārīmakū pērā, āārīpererā masaka suro merā āsū āri gaguinīnūgāñurā:

—Jesúre wējēkōāka! Barrabás gapure wiuka! āriñurā.

<sup>19</sup>Ī Barrabāre iro dupiyuro Jerusalégue oparārē īgū béoduadea waja, gajirārē īgū wējédea waja, peresu irinerā āārīmā. <sup>20</sup>Pilato Jesús gapure wiuduadiyupū. Irasirigu masakare īgūrē wiuburire dupaturi sērēñayupū doja.

<sup>21</sup>Īgū Jesúre wiuduakeremakū, īgūsā gaguiníadero nemorō gaguinīñurā doja: —Curusague pábiatú wējēka īgūrē! Wējēkōāka īgūrē! āriñurā.

<sup>22</sup>Īgūsā irasū ārīmakū, Pilato urea waaró merā īgūsārē āsū ārādiyupū doja: —¿Neéno ñerīrē iriari īi, musā irasū āri gaguinīmakū? Yu iāmakū, neō īgūrē ñerī iridea máa. Irasiriro īrē wējédoreri máa. Irasirigu īgūrē tārādore, wiugura, ārādiyupū.

<sup>23</sup>Īgū irasū ārīmakū, masaka, paía oparāde būro gaguinínemo: “Curusague pábiatú wējēka īgūrē!” āriñurā. Pilato, īgūsā irasū āri gaguinīmakū neō bokatūbiri: “Musā gāāmerō irika!”

ārīyupū. <sup>24</sup>Irasirigu, īgūsā ārīrōsūta Jesúre curusague pábiatú wējédoreyupū. <sup>25</sup>Puru īgūsā sērērōsūta Barrabāre peresugue āārīgūrē, oparārē béoduadire, masakare wējēdi gapure wiuyupū. Irasiri odo, Pilato: “Musā gāāmerōsū irika Jesúre!” ārīyupū.

### Jesúre curusague pábiatúdea

(Mt 27.32-44; Mr 15.21-32; Jn 19.17-27)

<sup>26</sup>Jesúre curusague wējēmurā īgūsā āīwāgāripoe sugū Simón wāikūgū Cirene wāikūri makāmu Jerusalén turogue āārādi goedujariyupū. Irasirirā īgūrē bokatīri, ñeā, Jesús kōādea curusare kōātuyadoreñurā.

<sup>27</sup>Wārā masaka Jesúre waaburire iārā īgūrē tuyañurā. Īgūsā watopegue nome īgūrē iārā, gaguiní būjawereri merā oretuyañurā. <sup>28</sup>Īgūsā oremakū pégu, Jesús īgūsārē iāgāmeu, āsū ārīyupū:

—Jerusalén marā nome yure orebirikōāka! Musā basi, musā pūrāya āārīburire oreka! <sup>29</sup>Purugue masaka ñetariro tarirākuma. Āsū ārīrākuma: “Neō pūrākumerā, miūñamerā nome āārīmakū oātariBUYO”, ārīrākuma.

<sup>30</sup>Ūtāyukure āsū ārīrākuma: “Guare tāu wējē, dedeukōāburo”, ārīrākuma.

<sup>31</sup>Masaka yure waja opabire ñerō irimakū, waja oparā gapū ñetariro tarirākuma, ārīyupū.

<sup>32</sup>Jesúre āīwāgārā, pērā ñerō iririmasādere īgū merā wējēsūmurārē āīwāgāñurā. <sup>33</sup>Īgūsārē āīwāgārā, masakū dipuru boaweadea pero wāikurogue eja, Jesúre curusague pábiatú āīwāgūñurā. Ñerō iririmasādere curusarigū pábiatú āīwāgūñurā. Sugure īgū diaye gapū, gajigure īgū kúgapū pábiatú āīwāgūñurā. <sup>34</sup>Īgūsā Jesúre curusague pábiatú āīwāgūñumakū, Jesús ārīyupū:

—Añ, īgūsā ñerō iririre kātika! Īgūsā yure irasirire pemasībema, ārīyupū.

Surara īgū surí sāñadeare: “Ubu ārīboka birarā: ‘¿Noārē dujarokuri?’ ” āriñurā irire īgūsā basi gāme dukawamurā. <sup>35</sup>Masaka iroguē āārírā



ĩánínūrā. Oparāgueta Jesúre āsū āri buriđañūrā:

—Gajirā gapure taumi. Irasirigu diayeta Cristo, Maripū beyedi āāriġū ġġū basi tauburo, āriñūrā.

<sup>36</sup>Surarade ġġūrē buriđañūrā. ġġū pūro waa ejanugārā, ġġū deko sūirirē ġġūrē iiridoreadiñūrā. <sup>37</sup>Irire irirā, ġġūrē āsū āriñūrā:

—Mū diayeta judío masaka Opū āāriġū, mū basi tauka! āriñūrā.

<sup>38</sup>“Ī āsū iridea waja boami”, āriřā: “Īta judío masaka Opū āāriřī”, āri gojadea majirē curusague ġġū weka pábiatúñūrā. Griego ya merā, latín ya merā, hebreo ya merā gojasuyuro.

<sup>39</sup>Sugū ñerō iridi, Jesús merā ġġūsā pábiatú āiřwāġunúdi Jesúre ñerō āri turiyupū:

—Mū diayeta Cristo āāriġū, mū baside tau, ġuadere tauka! āriyupū.

<sup>40</sup>ġġū irasú āriřmakū péġū, gajġū gapū ġġūrē āsū āriyupū:

—Irasú āriřirikōāka! ĩMaripūre ġūiberi irasú āriġū? Marirē suro merā wajamoāma. <sup>41</sup>Marī gapure marī ñerī iridea waja diayeta wajamoāma. Ī gapū ñerirē neō iribi āāriřī, āriyupū.

<sup>42</sup>Irasú āri odo, Jesúre āsū āriyupū:

—Jesús, mūyarā Opū ñajġġū, yudere ġūñaka! āriyupū.

<sup>43</sup>—Diayeta mūrē werea. Dapagāta yū merā paraíso wāikurogue āāriġukoa, āriyupū Jesús ġġūrē.

#### Jesús boadea

(Mt 27.45-56; Mr 15.33-41; Jn 19.28-30)

<sup>44</sup>Pūru goeripoe āāriřmakū, i nikū āāriřerogue naĩtiākōayuro. Ēre hora gora naĩtiāyuro. <sup>45</sup>Abede deyomarīyupū irasú waaripoere. Maripūya wii poekama taribu makāpuro kāmutari gasiro deko merā yeguesiajakōāyuro. <sup>46</sup>Irasirigu Jesús turaro merā āsū āri gaguiniyupū:

—Aū, yaa yūjupūrārē mūrē wíāa, āriyupū.

Irasú āriġūta, kōmoakōāyupū.

<sup>47</sup>Romano marā surara opū irasú waamakū ġġū, Maripūre usuyari siyupū. Āsū āriyupū:

—Diayeta ĩ ñerō iribi āāriřañūmi, āriyupū.

<sup>48</sup>Āāriřererā masaka iro Jesúre waarire ĩārā ejanerā ġġū boamakū ĩārā, buro bujawereri merā ġġūsāya koretibirire páwāġā, ġġūsāya wiriguge dujāakōāñūrā. <sup>49</sup>Āāriřererā Jesús merāmarā, Galileague ġġūrē tūyanerā nomede yogarogue Jesúre irasú waarire ĩáníñūrā.

#### Jesúya dūpūre masāgobegue pídea

(Mt 27.57-61; Mr 15.42-47; Jn 19.38-42)

<sup>50-51</sup>Iroque sugū José wāikūġū Judea nikūmū, Arimatea wāikūri makāmū āāriřupū. ġġū ōġġū, diayemarē irigu, Maripū ġġūyarārē doreri ejaburire yūġū āāriřupū. ġġū judío masaka oparā watopemū āāriřerēġū, Jesúre ġġūsā: “Wējeka!” āriřmakū péġū: “Jáu”, āriřiridi āāriřī. <sup>52</sup>Irasirigu Pilato pūroque waa, Jesúya dūpūre yáabu sērēyupū. <sup>53</sup>Sērē odo, Jesúya dūpūre curusague āāriřī dūpūre āiřiju, ōāri surī gasiro merā ōmayupū. Ōma odo, ūtāyegue mádea gobegue píyupū. Iri gobe neō sugū boadire yáasūña marirī gobe āāriřuro. <sup>54</sup>José Jesúre yáarinū judío masaka siñajārīnūma āāriřurire ġġūsā āmuyurinū āāriřuro. I siñajārīnū ñajáburo mérōġā dūyayuro.

<sup>55</sup>Galileague Jesúre tūyanerā nome masāgobegue José waamakū ĩārā, waañūrā. Iri gobegue Jesúya dūpūre ġġū pímakū ĩáníñūrā. <sup>56</sup>ġġūsā irasú ĩadero pūru, ġġūsā āāriřī wīguge dujāakōāñūrā. Dujaja, sūrōriřē ġġūya dūpūre pípeoburire āmuñūrā. Āmu odo, siñajārīnū āāriřmakū, Moisés dorederosūta siñajāñūrā.

#### Jesús masādea

(Mt 28.1-10; Mr 16.1-8; Jn 20.1-10)

**24** <sup>1</sup>Semana āāriřuroririn<sup>†</sup> āāriřmakū, boyodujimejāriřipoe

<sup>†</sup> 24.1 Semana āāriřuroririnuno, domingo āārā.

Īgūsā nome dupaturi Jesúya dūpure yáadea masāgobegue waañurā. Īgūsā sārōrī āmuadeare āññurā. Gajirā nomede Īgūsā merā wapikuwāgāñurā. <sup>2</sup>Irogue ejarā, iri gobe biadea ūtā majirē gajirogue oyamakū iāñurā. <sup>3</sup>Irire iārā, diayeta ñajākōññurā. Irogue ñajājarā, neō marī Opū Jesúya dūpure bokabiriñurā. <sup>4</sup>Irasirirā buro gūka, naásū irimasibiriñurā. “¿Naásū waáyuri?” āri gūñaripoeta gūñaña marīrō pérā ūma surī gosesiriri sāñarā Īgūsā puro nímakū iāñurā. <sup>5</sup>Īgūsārē iārā, buro güiri merā muúsiañurā. Īgūsā irasirimakū iārā, ūma Īgūsārē āriññurā: —¿Nasirimurā boanerārē yáarogue okagure āmarī? <sup>6</sup>Ōōrē mámi. Masāsiami. Gūñaka, Īgū musā merā Galileague āāriġgū musārē ārideare! <sup>7</sup>Āsū ārimi: “Ū āārīpererā tġū āārīġgū masaka ñerāguere wiasūgūkoa. Īgūsā yure curusague pábiatū wġjemakū, urenū waaró merā Marīpū yure masūgūkumi”, ārimi, āriññurā.

<sup>8</sup>Īgūsā irasū ārimakū pérā, Jesús ārideare gūñabokañurā. <sup>9</sup>Irasirirā masāgobegue āārānerā goedujajarā, āārīpereri Īgūsā iādeare Jesús buerā pe mojōma pere su gubu suru pġrġbejarārē wereñurā. Irasū āārīmakū, gajirārē Jesúre būremurā āārīpererārē irire wereñurā. <sup>10</sup>Jesús buerārē iri kerere wererā ejanerā nome iīsākū āārīññurā: María Magdalena, Juana, gajigo María Jacob pago, irasū āārīmakū gajirā nome āārīññurā. <sup>11</sup>Īgūsā iādeare werekeremakū, Jesús buerā gapū būremubiriññurā. “Irasū āriġkōārā yāma iīsā nome”, āri gūñañurā.

<sup>12</sup>Pedro gapū masāgobegue iāgū ūmawāgāyupū. Iri gobegue iāgū ejagu, Jesúya dūpure ōmadea gasiro gajiro gapū túpeoadea gasiro ditare iāyupū. Irire iāgūka: “¿Naásū waáyuri?” āri gūña, Īgū āārīññurā wiigue dujāakōāyupū.

**Emaús wāikuri makā waarī maague  
Jesús pġrārē deyoadea  
(Mr 16.12-13)**

<sup>13</sup>Jesús masādeanurġta pérā Īgū buerire tūyarā Emaús wāikuri makā

waarī maague waarā iriññurā. Emaúgue waaró, Jerusalén merā wiriwāgāmakū pe mojōma pere su gubu suru pġrġbejari kilómetro yoaro āārīyuro. <sup>14</sup>Maa waarā, āārīpereri Jesúre waadeare wereniññurā. <sup>15</sup>Irire wereniññurā Jesús Īgūsā puro aari, Īgūsā merā waayupū. <sup>16</sup>Īgū, Īgūsā merā waamakū iākeremakū, gajino Īgūsārē Īgūrē iāmasibirimakū iriyuro.

<sup>17</sup>Jesús Īgūsārē sġrġñayupū: —¿Ñeonorē werenirā yāri, musā maa waarā? āriyupū. Īgū irasū ārimakū pérā, buro bujawereri merā maa deko dujanugāñurā. <sup>18</sup>Cleofas wāikūgu Jesúre āsū āri yūyūyupū: —Āārīpererā inurī Jerusalégue waadeare masīma. ¿Mu sugta irogue āārādi irasū waadeare masīberi? āriyupū.

<sup>19</sup>Īgū irasū ārimakū, Jesús Īgūsārē: —¿Naásū waāari? āriyupū. Īgūrē āriññurā: —Jesús Nazaretmurē Īgūsā iriadeare werenirā iriabu. Īgū Marīpūya kerere weregū āārādimi. Āārīpererā masaka iūrō, Marīpū iūrōguedere Īgū turari sirī merā irigū, Īgūyare weregū āārādimi. <sup>20</sup>Paía oparā, gajirā marī oparā merā Īgūrē wġġedorerā, romano marā oparārē wiáama. Īgūsā irasū wiamakū, curusague pábiatū wġġeama. <sup>21</sup>“Īgū marīrē taubu, marī Israel bumarā Opū āārību, marī yūdi āārīmi”, āri gūñadibu gua Īgūrē. Irasiriro dapagā merā urenū waáa, Īgūrē wġġeadero pūru. <sup>22</sup>Surāyeri gua merāmarā nome, Īgūsā wereri merā guare gūkamakū iriama. Dapagā ñamigāgora Īgūrē yāaderogue ejañurā. <sup>23</sup>Irogue eja, Īgūya dūpure bokamerāta, gua pūrogue goedujajama. “Irogue guare kġrō irirosū waamakū, Marīpure wereboerārē iābu”, ārāma. Marīpure wereboerā Īgūsārē: “Jesús okami”, ārādeadeare wereama guare Īgūsā nome. <sup>24</sup>Pūru gajirā gua merāmarā Īgūrē yāaderogue eja, Īgūsā nome ārāderosūta iāñurā. Īgūsāde Jesúre iābiraññurā, āri wereñurā Cleofasā Jesúre.

<sup>25</sup>Īgūsā irasū ārimakū pġgu, Jesús Īgūsārē āriyupū:

—Musā pémāsimerā āārā. ¿Noópa yoaripoe Marīpuya kerere weredupiyunerā gojadeare oārō pémāsīrī merā būremubirikōārī musā? <sup>26</sup>Marīpū iriudi Cristo īgū ūmūgasigue marīaburo dupiyuro, īgūyarā Opū űajāburo dupiyuro īgūrē űerō tarīgukumi, ārī gojanerā āārīmā. ¿Ire masīberi musā? āriyupū.

<sup>27</sup>Jesús irasū ārī odo, Marīpuya kerere weredupiyunerā gojadesa pūgue āārīpereri īgūsā īgūrē gojayudeare: “Āsū ārīduaro yāa”, ārī wereyupū īgūsārē. Moisés gojadesa werenūgāyupū. Pūru āārīpererā Marīpuya kerere weredupiyunerā gojadesa wereyupū.

<sup>28</sup>Pūru īgūsā waarō Emaúgue ejamakū, Jesús iri makārē tariwāgāgū irirosū iriyupū. <sup>29</sup>Īgū irasū tariwāgāmakū īārā, īgūrē āsū ārīñūrā: —Gua merā dujaka! űamikague āārā. Naīmejārōgue yāa, ārīñūrā.

Irasirigu Jesús īgūsā merā waa, īgūsāya wiigūe űajākōāyupū īgūsā merā dujagu. <sup>30</sup>Pūru īgūsā merā baa doanīgū, pārē āī, Marīpūe: “Mūrē usuyari sīa”, ārī, pārē pea, īgūsārē guereyupū. <sup>31</sup>Īgū irasirimakū īārāgueta: “Jesúsā āārīmī”, ārī īāmasīñūrā. Īgūsā īāmasīmakūta, dederiakōāyupū īgūsārē. <sup>32</sup>Īgū irasū dederiadero pūru, īgūsā basi āsū ārī gāme werenīñūrā:

—Maague īgū marīrē: “Marīpuya werenīrī gojadesa: ‘Āsū ārīduaro yāa’”, ārī weremakū pérā, būro usuyari merā: “Ōātaria”, ārī péñabu, ārīñūrā.

<sup>33</sup>Irasirirā mata Jerusalégue gāme dujākōāñūrā. Irogue eja, Jesús buerā, pe mojóma pere su gubu suru pērēbejarā nerēanerārē, gajirā īgūsā merāmarādere bokajañūrā. <sup>34</sup>Īgūsā ejamakū īārā, iro nerēanerā āsū ārīñūrā:

—Diyeta marī Opū masāñumi. Simórē deyoayupū, ārīñūrā.

<sup>35</sup>Īgūsā irasū ārimakū pérā, Emaúgue waanerāde īgūsārē maague waadeare werenūrā. Jesús pārē pea, īgūsārē īgū sīmakū, īgūrē īāmasiadeare werenūrā iro nerēanerārē.

**Jesús īgū buerārē deyoadea**  
(Mt 28.16-20; Mr 16.14-18; Jn 20.19-23)

<sup>36</sup>Īgūsā irire irasū ārī werenīripoe Jesús īgūsārē deyoa, āsū ārī oādozeyupū:

—¿Āārīrī musā? Sīñajārī merā āārīrikuka! āriyupū.

<sup>37</sup>Īgū deyoamakū, īāgukakōāñūrā. “Boadi yūjupūrā deyoamakū īārā irikoa marī”, ārī gūñañūrā. Irasirirā būro gūññūrā. <sup>38</sup>Īgūsā gūimakū īāgū, Jesús īgūsārē āriyupū:

—¿Nasirirā īāgukari musā? ¿Nasirirā yure īārā: “Īgū boadi dupaturi okabiribukumi”, ārī gūññārī musā? Irire gūññabirikōāka! <sup>39</sup>Īāka, yaa mojórīrē, yaa guburidere! Yūta āārā. Yure moāñaka! Irasirirā masīrākoa yū āārīrīrē. Sugu boadi īgū yūjupūrā merā deyoagu dūpū opabemi. Diī, gōārī opabi āārīkumi. Yū gapū diire, gōārīrē opāa, āriyupū Jesús. <sup>40</sup>Irasū āārīgūta, īgūya mojórīrē soeu, īgūya guburidere īmuyupū īgūsārē.

<sup>41</sup>Īgūsā gapū mérōgā būremurī opakrerā, būro usuyari merā: “¿Diyeta īgūta āārīkuri?” ārī gūñññūrā.

Īgūsā irasū mérōgā būremurī opamakū, Jesús masīkōāyupū. Irasirigu īgūsārē sērēñayupū:

—¿Musā baari oparī oōrē? āriyupū. <sup>42</sup>Īgū irasū ārimakū pé, waaī mupūadea dukare sīñūrā. Mume dekodere īgūrē sīñūrā baaburo, ārīrā. <sup>43</sup>Irre sīmakū, īgūsā iūrō āī baayupū. <sup>44</sup>Baa odo, Jesús īgūsārē wereyupū doja:

—Sōo āārīdeapoe musā merā āārīgū, yū musārē werederosūta dapagorare yure waabu. Moisés yaamarē gojaderosūta yure waabu. Marīpuya kerere weredupiyunerā gojaderosūta, Salmos wāikuri pūrē gojanerāde īgūsā yure gojaderosūta waabu. Āārīpereri Marīpū īgūsārē irasū gojaderosūta yure waabu, āriyupū Jesús. <sup>45</sup>Irasū ārī odo, Marīpuya werenīrī gojadesa īgūsārē pémāsīmakū iriyupū. <sup>46</sup>Āsū āriyupū:

—Iripogue Marīpuya kerere weredupiyunerā gojadesa pūgue āsū gojasūdero āārībā: “Cristo, Marīpū iriudi boakōāgukumi. Īgū boagu, űrenū waarō merā masāgukumi doja. <sup>47</sup>Īgū masādero pūru, īgūrē būremurā īgūya wāī, īgū turaro merā āārīpereri nikū marāguere īgūya

kerere weregorenarākuma. Jerusalén marārē werepūroriwāgārākuma. Āsū arī wererākuma: ‘Mūsā ñerī iririre bŷjawereka! Mūsā gūñarīrē gorawayuka! Irasirigŷ Marīpŷ mūsā ñerī irideare kätigŷkumi’ ”, ārīrākuma, arī gojasūdero āārībŷ. <sup>48</sup>Mūsā i āārīpereri yare waadeare iānerā āārā. Irasirirā irire gajirārē wererākoa. <sup>49</sup>Yŷpŷ iripoegue ārīderosŷta yŷ mŷsārē Ōāgŷ deyomarīgŷrē iriugŷra, igŷ mŷsāguere āārīnīkōāburo, ārīgŷ. Irasirirā ōō Jerusaléta dujaka dapa, igŷ mŷsārē ŷmŷgasima turarire sīgŷ arimakŷ, ārīyupŷ Jesŷs.

**Jesŷs ŷmŷgasigŷe mŷrīadea**  
(Mr 16.19-20)

<sup>50</sup>Pŷrŷ Jesŷs igŷsārē Betania wāīkŷri makā tŷrogue āīayupŷ. Irogue eja, Jesŷs igŷya mojōrī soemu: “Yŷpŷ mŷsārē ōārō iritamuburo”, ārīyupŷ. <sup>51</sup>Irasŷ ārīgŷta igŷsārē pīkōā, ŷmŷgasigŷe āīmŷrīākōāsŷyupŷ. <sup>52</sup>Igŷsā, igŷ mŷrīāmakŷ iārā: “Ōātariŷ āārīmi”, ārī buremuñurā. Pŷrŷ bŷro ŷsŷyari merā Jerusalégŷe goedujāakōāñurā. <sup>53</sup>ŷmŷrikŷ Marīpŷya wiigŷe igŷrē: “Ōātaria mŷ”, ārī, ŷsŷyari sīnañurā. Āsŷ āārā. Irasŷta āārīburo. Lucas